


IN NOMINE JESU!
DISCURSUS
JURIDICO-HISTORICO-
POLITICUS,
MODUM PERVENIENDI
AD IMPERIUM
IMPERATORIS
ROMANO- GERMANICI,
crasso admodum penicillo adumbrans.

QUEM

Consensu Amplissimi Jctorum ordinis in,

Academia Lipsiensi

SUB PRÆSIDIO



VIRI PER QUAM MAGNIFICI, AMPLISSIMI,

CONSULTISSIMIq

DN. BENEDICTI CARPZOV J.U.D.

Consiliarii Electoralis Saxonici & Facultatis

Juridicæ Ordinarii,

Publicæ Disquisitioni subjicit

MELCHIOR HEINRICUS SCHEDIUS,

LL. Studiof.

Ad Diem XXIX. April.

In Auditoriò Jctorum Petrinò,

horis consuetis.

LIPSIAE, LITERIS QVIRINI BAUCHI,
ANNO M. DC. LII.

Sc. D. Carpzov

V I R O

*Magnificâ Authoritate, Amplissimâ Dignitate,
& prudentiâ incomparabili maximè conspicuo,*

DN. BENEDICTO
CARPZOV,

J. U. D. & Professori in Academiâ Lipsiensi
famigeratissimo, Consiliario Serenissimi
Saxonis gravissimo & Facultatis Juridicæ
Ordinario longè dignissimo.

Domino Patrono, ac Præfidi, *omni* perpetuè honoris
cultû æviternum devenerando,

*Hæc pagellas sacras esse
jubes*

ejus observantissimus

MELCHIOR HEINRICUS SCHEDIUS
AUTOR & RESPONDENS.

Jova Jova!

CAP. I.

Electionis naturam in genere pertractans,

THESIS I.



Vtustissimi mortalium nullâ adhuc malâ libidine, sine probo, scelere, coq; sine pœnâ aut coercitionibus agebant, neque præmiis opus erat, cum honesta suo pte ingenio peterentur, & ubi nihil contra morem cuperent, nihil per metum verabantur. At postquam exui æqualitas & pro modestiâ ac pudore ambitio & vis incedebat, provenere dominationes, & apud plerosque populos mansere. Tac. 3. annal. p. m. 72. Qui astutioris enim ingenii simpliciores circumveniebant, & omnibus bonis exuebant, omniq; infortunio impertiebant. Quibus injuriis medelam querebant ii, quos ad fastigium regie majestatis non ambitio popularis, sed spectata inter bonos moderatio provehebat. Populus nullis legibus tenebatur, sed arbitria Principum pro legibus erant. Justin. lib. 1. c. 1. Neq; tyrannicô ritu sed patrium in morem exercebantur hæc imperia præcipuè cum singulis familiis præsidere soleret, quem Natura primogenitum salutaverat. Excrecentibus verò illis familiis, cum serie non interruptâ, tamquam ex equo Trojanô proflirent liberi, quos una domus capere non poterat, in pagos, civitates, ac denuo integra regna abibant. Regia potestas exinde exosa fiebat, quod plerique non rectorem & ci-ves, sed dominationem & servus cogitarent. Indè quod non omnes ad fasces imperiî admitterent, quorum Parentes Reges habuerant, sed è numero omnium eligerent, quos benè administraturos sperabant, ac leges quasdam Imperiales seu fundamentales ferrent, quibus Reges etiam astringerentur. Quales jam olim à Servio Tullio, præcipuò legum Sanctore latas gravissimus ille scriptor, Tac. memorat. lib. 3. annal. p. m. 72.

TH. II.

Electionem enim, cum tot oculis spectata, tot insinuata, sensibus, tot insuper in tutò locata manibus, optimum semper invenire, & qui virtute præstat, recta ratio suadet ac inculcat. Quod aurea illa morituri jam Alexandri vox insinuat, qui Optimo se relinquere regnum interrogantibus respondit, Curt. lib. 10. c. 5. Cum quo facere videtur illud Neronis, qui valetudine æger & adulantibus circum, qui finem imperiò adesse dicebant, si quid fati pateretur, habere Republic. in Regulò Memmio subsidium, respondit, qui auctoritate, constantiâ, sumâ, in quantum præumbrante Imperatoriò fastigiò datur, clarus fuisse fertur. Tac. lib. 14. an. Et laudabili exemplò Cunradus I. Imperator adductus admiratione virtutis & Sapientiæ Heinrici Aucupis etsi inimici ad eum fascies imperii deferri iussit. Peucer, lib. 4. Chronicon. in Cunrad. Imperat. Neque aliâ de causâ Carolus IV. Imperator electionis Regis Romanorum initium à Missæ decantatione desumendum esse voluit: quo scilicet Spiritus S. corda Electorum illustret, & eorum sensibus lumen suæ virtutis infundat, ut ipsius præsidio fulti hominem iustum, utilem, bonum, eligere valeant. A. B. tit. 2.

TH. III.

Diversa verò cum Reipubl. forma, tum etiam eligendorum ratio modum eligendi variavit. Aliquando enim fortunæ res fuit commissa, aliquando etiam rectè sentientium iudicio. A quibus fortunæ auspicio hæc concredita, plerumque per sortem electionem peregerunt. Hanc quandoque in populò Dei in usum fuisse legimus, exemplò Saulis, quem antea à Deo delectum undamque populus sorte delegit. 1. Sam. 10. v. 20. & 21. Ita Apostoli in mediò constituerunt Iosephum & Matthiam & fors cecidit super Matthiam & annumeratus duodecim Apostolis. Act. 1. v. 26. Atheniensium ea erat eligendi ratio, ut senatum quingentorum sorte legerent, In Romana Republic. ambitu suffragiorum suspectò sorte ducebantur, qui ex numero prætorum præessent. Tac. lib. 12. annal. p. 189. Etiam qui in provincias mittendi erant, sortiri solebant. Sorte obvenit Sullæ Asia eamque hæc ratione potestatem obtinuit Lucullus, Vellej. Patercul. lib. 2. hist. 18. v. 4. & 5. 33. v. 1. Indè

Indè illæ Decii querelæ, cum Fabio extra ordinem Etruria data
esset, omnes ante se consules provincias sortitos esse, nunc extra
sortem Fabio senatum provinciam dare. Liv. lib. 10. cap. 24.
Aliis alia rem fato committendi fuit ratio, præcipua sanè septem
illis Persarum Principibus, qui Magis occisis ita pacti inter se, ut
die statuta omnes equos ante regiam primò manepducerent &
cujus equus inter Solis ortum hionitum primus edidisset is Rex
esset, Justin. lib. 7. Persæ enim solem unum Deum credebant &
equos eidem sacratos ferebant. Cuidam etiam Solis radii in api-
ce turris primum conspecti indicio erant, quod insignia imperiæ
ipsi decernerentur.

TH. IV.

Cæterum cum fors interdum ad parum idoneos decrece-
Tac. 13. annal. melius sapere videntur ii, sicubi extra necessitatis
casum fieri possit, qui suffragiis rem peractam volunt, Germanos
in comitiis suis Principes legisse, qui jura per pagos vicosque red-
derent, laudabili exemplò Tac. memorat. de mor. German. O-
ptimi illi Reipubl. administratores Romani, cum Imperium prima
sub Regibus cepisset in cunabula, ita instituerant, ut mortuo
Rege res ad patres rediret, qui inter regem nominabant, eoque
comitia habente populus, Regem creavit, Patres auctores fie-
bant. Liv. lib. 1. c. 32. Cum enim populus decem decuriis è pa-
tribus factis multiplicatam servitutem centum pro uno Domi-
nos factos claudicaret, Patres offerendum ultrò rati, quod amissu-
ri erant, ita gratiam inibant, summâ potestate populo permisâ,
ut non plus darent Juris, quam detinerent, Liv. lib. 1. c. 17. Post
ejectos Reges cum res consulum arbitrio regeretur, ii centuriatis
comitiis creari ceperunt, Liv. lib. 1. c. 60. Eadem quoque senator-
um creandorum ratio extat. Brutus enim, cædibus Regum di-
minutum patrum numerum primoribus equestris gradus lectis
ad trecentorum summam explevit, inde fertur, ut in senatum vo-
carentur, qui patres, quique conscripti essent, conscriptos vide-
licet in novum senatum appellabant lectos. Liv. lib. 2. c. 7. Plebeji
etiam Magistratus convocatis nominabantur comitiis. Audi-
vimus enim Volerone[m] rogationem ad populum tulisse ut ple-
beji Magistratus tribu[m] comitiis fierent. Et quamvis contrâ ni-

terentur patres, videri tamen populi pertinaciâ in eorum sententiam ire cogebantur, quicquid tandem Appius murmuraret. Liv. lib. 2. c. 56. 57. & 58. Mansit aliqua hujus electionis species cum Romani regum iterum jugo succollarent. Pontifex electus videri volebat Julius licet plurimorum vota emercaretur. Sueton. in vit. Jul. c. 17. ac comitia cum populo partiretur, ut exceptis consularibus competitoribus de cætero numero candidatorum, pro parte dimidiâ, quos populus vellet, pronuntiarentur, pro parte alterâ, quos ipse edidisset Sueton. in Julio c. 41. Itidem vota extorquebat Augustus, qui consularum anno ætatis vigesimo invasit, ad motus hostiliter ad urbem legionibus, missisque, qui sibi nomine exercitus id deposcerent. Cum quidem cunctante Senatu Cornelius Centurio Princeps legationis rejecto sagulo ostendens gladii capulum non dubitasset ita in curiâ verba facere: *Hic faciet, si vos non feceritis.* Sueton. in vit. Aug. c. 26. Quamvis, quod ad se traxerat, summâ comitate administrasse videri vellet, dum populo magnâ vi dictaturam offerente, dejecta ab humeris toga, genu nixus nudò pectore deprecaretur, dominumque se appellari ne à liberis quidem pateretur, c. 53. ac nullâ rem magis lataretur, *quam quod pater patria senatus populiq; consensu renuntiaretur.* c. 58. Meminisse jubebant hæc vestigia, antiquæ libertatis, qualia nec sub Tiberiò deerant, cui cum summâ imperii deferretur, vix adigi poterat, ut illam susceperet, cum de magnitudine Imperii variis variâ differeret, *quod dici baus satis posset, quam arduum, quamq; subiectum fortune sit regnandi cuncta onus.* Dabat enim famæ ut vocatus potius electusque quam per uxorium ambitum & senili adoptione irrepsisse videretur. Tac. lib. 1. annal. p. 6. & 8. Cumque tempore Neronis exortus Cometes Neroni finem Imperii portendere videretur, quasi jam depulsò Nerone quisnam deligeretur, inquietabant, & ore omnium Rubellius Plautius celebrabatur, cui nobilitas per matrem ex Juliâ familiâ, quique placito majorum colebat habitu severò, castâ & secretâ domo, quantò metu occultior tantò, plus famæ adeptus. Tac. lib. 14. ann. p. m. 205. Donec tandem improba militum manus suffragiorum jus impetu planè in sanò ad se traheret

se traheret. Gliscebatur hoc malum Augusto Imperatore consula-
tum affectante, cujus rei indicto esse possent, quæ jam à nobis di-
cta, ac magis magisque sub Tiberio incrementum capiebat, qui
omnibus modis derellabatur, quod Agrippina, tanquam parum
ambitiosè filium Duces gregali habitu circumduxisset, & Cæsarem
à militibus appellari voluisset. Tac. lib. 1. ann. p. m. 28. Plus licen-
tiæ sibi attribuebant turbatæ Germanicæ legiones, magnâ spe fo-
re, ut Germanicus Imperium alterius pati nequiret, daretque se
legionibus, vi sua cuncta tracturus. Id. 1. an. p. m. 15. Etiam Tibe-
rium in loco prælii Imperatorem salutando, struendoque agge-
rem, & in modum trophæorum arma subscriptis victarum gen-
tium nominibus imponendo, ostentabant in suâ manu situm Im-
peratorem confirmandi, & triumphalia insignia ei assignandi.
Tac. 2. ann. p. m. 39. Sub Claudio erupit, quod hætenus emi-
cuit. Animadverterat hunc gregarius miles inter prætenta fo-
ribus vela latentem, eumque extractum Imperatorem salutave-
rat. Communicatâ deinde re cum commilitonibus lætitiæ im-
positus in castra ferebatur ac Imperator publicè renunciabatur.
Sueton. in vit. Claud. c. 10. Mætiaci exercitus omni rapinarum
genere grassari, cum timerent, ne sibi reversis reddenda ratio.
Vespasiani nomen vexillis omnibus inscribere, quod se non de-
teriores arbitrantur aut Hispaniensi exercitu, qui Germaniam, aut
Prætorianò qui Ottonem, aut Germaniciano, qui Vitellium fe-
cissent. Sueton. in vit. Vespasian. c. 6. jungo Tac. lib. 1. histor.
p. m. 276. de Vitellio, de Ottone, 1. hist. p. m. 283. & 24. de Vespas-
iano lib. 2. hist. p. 318. Qualis autem fuerit illa militum ele-
ctio quibusque artibus & conditionibus duces populi Romani
durare illò eligendi more ad imperium fuerint procecti elegan-
tissime explicatur ab Erasmo in præfatione, quàm in Tranquil-
lum editam, ad Duces Saxoniz Fridericum & Georgium misit.
Inseruit hunc locum scripto suo de Comit. Imperat. Onuphr.
Panvinus, qui plenius quoque causam introducti hujus eligendi
in Imperio modi, & quousque duraverit, exposuit, d. lib. c. 1.

TH. V.

Quemadmodum autem diversus subindè eligendi modus
ad diversas aberravit personas; Ita nec minus diversa fuit pote-
ras,

Has, quàm ex suffragiis vel etiam sorte præcipui obtinuerunt: Dictatorum imprimis in Romanâ Republ. spectata dignitas, qui absolute adeo habebant potestatem, ut provocatio ab iis non daretur. Loquitur id prima dictatoris institutio, ubi notatum à Livio, quod neque ut in Consulibus, alterius auxilium neque provocatio esset: lib. 2. c. 18. Unde Dictatoris edictum pro Numine servatum ap. eund. Liv. lib. 6. legas. & modo prætorem maximum Liv. lib. 7. modò etiam Magistrum populi appellatum. Senec. Epist. 309. Cic. 3. de finib. Devoluta etiam ad Principes summa Imperii Dictatoris dignitas nondum penitus exoleverat Cum enim in modum Magistrum Equitum crearentur præfecti prætorio, quod summa fuisset Dictatorum potestas, quibus Magistri equitum tanquam participes curæ associati, secundam post eos potestatem gererent, ita augeri cepit eorum autoritas, ut appellari à Præfecto Prætorio non posset. arg. l. un. ff. de Præfect. Prætor. Quamvis non negandum sit nec exempla deesse, quo provocatum à Dictatore fuerit. Ita enim audivimus Parentem Fabij, Magistri equitum, contra Papirium Dictatorem assurgentem: *Tribunos plebis appello & provoco ad populum, eumq. tibi fugienti exercitus tui, fugienti Senatus judicium, Judicem fero, qui certè unus plus quàm tua dictatura potest polletq.* Liv. lib. 8. c. 7. Plutarchus etiam in vit. Fabij scripsit; Fabium Dictatorem designatum à Senatu petiisse ut sibi Dictatori liceret equo uti, quod veteri quâdam lege facere illud Dictatores prohiberentur. Adeo ut exinde Dictatorem volente populo indigere colligere liceat. Si aliquid plenius de hoc nosse cupias, vid. Rosin. lib. 7. antiquit. Romanar. c. 17.

TH. VI.

Majorem in partem consulum videtur restricta fuisse potestas, qui licet primò omnia jura, omniaque insignia obtinerent. Liv. lib. 2. c. 1. postea tamen lege Valeriâ factum ut provocatio daretur contra Consulem, Liv. lib. 2. c. 7. & 8. Gell. noct. Attic. lib. 13. c. 12. Junct. l. 2. § 16. ff. de O. J. cautumque ea lege ne in caput civis Romani in jussu populi intra fines urbis animadvertetur. (quod primum Consulem Brutum adhuc habuisse cognoscimus

mus, ex Liv. lib. 1. & Dionys. Halycarnass. lib. 5. antiquit. Roman. c. 6.) Enervari inprimis Consulū potestas tribuniciis intercessi-
onibus cepit, quibus sæpè conatus Consulū retardatos impe-
ditosque Livii inprimis loquuntur scripta. Postremò occupatā
ab Imperatoribus Republ. cum illi omne jus atque Imperium ad
se paulatim traherent, nomen sine vitibus & sola fermè insignia
vereris potentia Consulibus sunt relicta. Qui apud Lacedæmo-
nios aliquando optimates videri volebant, & Imperatores salu-
tabantur, Ephoris subiecti erant, penes quos summa potestas e-
rat. Cornel. Nep. in vit. Themistocl. Inde Pausanias cum do-
mum rediret ab Ephoris in vincula publica conjiciebatur, quod
legibus eorum culvis Ephoro hoc facere regi liceret. test. eod.
auct. in vit. Pausan. Habebant etiam in sua Republ. veteres illi
Germani certos limites positos, intra quos Reges suos vel Prin-
cipes detinebant; dum audirent eos, ubi concilia sua instituif-
sent, suadendi magis, quàm jubendi potestate; Si displiceret sen-
tentia, fremitu aspernabantur, sin placeret, frameas concutie-
bant. Tac. de morib. German. p. m. 406.

TH. VII.

Ut autem detinerentur intra fines sibi positos, visum ple-
risque non perpetuos sed ambulatorios habere Magistratus, mo-
dò etiam ratio status id admittet. Eò enim ingenio sunt ho-
mines, ut postquam multum temporis in potestate transegerint,
patriis moribus haudquaquam sibi vivendum ducant. Catulus
ap. Dion. 36. Qui semel imperandi dulcedinem degustarunt, pri-
vatam vitam paullò magis plerumque, quàm animæ à corpore
separationem horrent, & privata domus angustias, ut crudele pa-
tibilum abominantur. Post ejectos Reges libertatis originem
indè magis notat Livius, quòd annuum consulare imperium sa-
ctum, quàm quod ex regia potestate quicquam deminutum sit.
lib. 2. c. 1. Censores quintò quoque anno creari solebant. Quod
Cic. 3. de LL. refert, ubi de Censoribus illa ex LL. 12. tab. com-
memorat:

Magistratum quinquennium habento,
Reliqui Magistratus annui sunt,
Eaque potestas semper esto,

Dictatorum regularis semestris fuit potestas, quāquam in magnis periculis ad annum nonnullis fuerit prorogata, ut Camillo, quando iterum fuerit Dictator, & bis Papirio Cursori, & Q. Fabio Maximo. Necessitas enim, quæ omni lege superior regulari interdum viâ abducere solet. Florentiæ olim lex fuerat, *ne prior Reipubl. (is verò summum honorem gerebat) intra triennium, ex quò Magistratu abierat, eundem petere posses.* Leonard. Aretin. 4. histor. Florent. In eadem urbe cautum aliquandò fuit, *ne Reipubl. Vexillifer, (Gonfalonertum vocabant) in perpetuum crearetur, sed annua esset illa dignitas.* Gvicciard. XI histor. Regnum Assyrium mille annos stetit inconcussum, ob eam maxime causam, quod præfecti quotannis mutarentur. Indè cum Asinius Gallus censuisset, in quinquennium Magistratum comitia habenda, eam sententiam altius penetrare, & arcana Imperii tentari arbitrabatur Tiberius. Nempè superbire, homines annuâ designatione, quid si honorem per quinquennium agitent. Tac. lib. 2. ann. p. m. 43. Quare nescio annon aliquid hæc in parte peccare videantur Veneti, in quorum Republica illud adhuc Monarchicum relictum, quod Dux ipsorum perpetuum principatum obtineat, potestatem itidem habeat senatum cogendi & consulendi, quamquam ipse nihil ex decreto Senatus statuatur, quod perindè est, ac si Romæ perpetuum consulum gereret. Denique cum Venetiis facile sint sexaginta novem sive consilia, sive tribunalia, & Judicium ordines, Dux his omnibus interesse & præesse potest, quod quanti sit in Republ. nemo ignorat. plura vid. ap. Contz. lib. 1. Politic. c. 21. thes. 11. Sanè convertendi apud Romanos status indicium erat, cum Julius Dictator perpetuus salutari ambitiosè veller, Sveton. in vir. Jul. Cæsar. Cum Pompejo suspectæ Cæsaris opes, & Cæsari Pompejana dignitas gravis, nec hic ferret parem nec ille superiorem; sic de principatu laborantibus, tanquam duos tanta Imperiû dignitas non caperet. Flor. lib. 4. c. 2. Non planè alienum ab hujus exemplo illud Augusti, qui quamvis Dictaturam deprecaretur summo pere, plerosque tamen gerebat consularis, tantum illud cavens ne odiosum populo nomen in se traduceret.

Tandem

TH. VIII.

Tandem cui quasi basi salus omnium regnorum Ioniti videntur, leges plerumque latae, quibus summatum potestas coerceretur, & velut freno retraheretur, si ad illicita quandoque ferri in sano ausu cepisset. Præcipuus legum Sanctor Tacito memoratur Servius Tullius, quibus etiam reges tenerentur. 3. annal. p.m. 72. Donec lege regia sub Augusto lata omnem potestatem populus in regem effunderet, vid. hariolantem hac de re Wefenbec. ad Tit. IV. de Constit. Princip. Constabant & Consulibus suæ leges consulariæ dictæ, ut & annariz, quibus constitueretur, quo demum anno aliquis ad fasces admitti debeat, ut & aliz Calpurnia, Tullia ac Pompeja, quæ de ambitu caverent.

TH. IX.

Tali etiam vinculo suorum astringere noverant Comites Helvetii, cum Republica eorum primam traheret infantiam, qui delatum à Ludovico circa annum 1423. Joannem Arbergerium, tribus pagis præfectum, spondere jubebant, se nolle libertatem & fœdera pagorum ullò modo tollere aut imminuere, neque passurum, ut ab Imperiò abalienentur, & sub Austriorum vel pulchæ nobilitatis Imperium redigerentur. Johann. Simler. lib. 1. de Republ. Helvet. p.m. 25.

TH. X.

In Gallia præcipuè lex Salica nota, quæ foeminam regno præesse vetat, Joh. Bodin. lib. 7. de Republ. c. 8. Ne scilicet summa regni ad aliquem Principem externum deferatur. Foemina enim, exemplò Mariæ Angliæ Reginæ nubere volentes, non subditis nuberent, sed ad peregrinos animum adjicerent. & sic per consequentiam regnum ad externos deferrent. Præter quod illud etiam sanctissimè servatur institutum, ne Regi Jus sit, ullam domini sui partem sine publici Concilii autoritate alienare. Jean de Serres tom. 1. de l'inventaire de l'histoire de France. Omnia enim Principis Imperiò, non dominiò, potestate, non proprietate, universè, non singulatim, solà Jurisdictione, non possessione & usu, Sen. lib. 7. de benefic. c. 4. & 5. Quod clarissimus etiam Gallicus & Historicus Franciscus Hotomanus in Francogallia

sui docet Regibus scil. Francogalliæ non infinitam & liberam potestatem à civibus suis permissam, ut legibus soluti dici possint, sed certis passionibus obligatos esse. Nec ipse Bodinus id abnegat, qui lib. 1. c. 8. n. 88. duas jurisjurandi formulas recenset, quarum priori Philippus I. Rex Francorum Henrici filius regno sese obligavit: Posteriores verò ex antiquissimis Bibliothecæ Gerobiorum archivis excerptam omnibus Regibus ad intuemdum & imitandum proponit.

TH. XI.

In quas leges de promovendâ regni utilitate jurare teneantur Reges Hispanorum, Anglorum, Scotorum, Ungarorum, Polonorum, Bohemorum, Danorum Idem & Suecorum id apud Reinhard. Rönig altius est expressum, ita ut illud jam repetere, supervacaneum duxerim lib. 4. politic. c. 20. à thesi 21. usq; ad th. 28.

TH. XII.

Apud Persas Rex summò cum imperiò erat, *αυτοκρατορ καὶ ἀνυπερβυνητος*, ut de eo Plutarchus loquitur, & ut imago DEI adorabatur, & ut apud Justianum est, non mutabatur, nisi morte lib. 10. rex erat, qui dicebat Proceribus Persarum: *Ne viderer meò tantummodo usus consiliò, vos contraxi, ceterum memento parere vobis magis esse, quàm suadendum.*: Valer. Max. lib. 9. c. 5. in extern. §. 2. Tamen & jurabat cum regnum adiret, quod Xenophonti & Diodoro Siculo notatum, & leges certâ quâdam formâ latas mutare illi nefas, quod & Danielis historia c. 6. v. 8. 12. 15. & Plutarchus in Themistocle nos docent, Diodor. quoque Siculus lib. 17. & multò post tempore Procopius Persici belli lib. 1. ubi insignis hanc in rem historia extat. Idem de Æthiopum regibus tradit Diodor. Sicul. Eodem tradente Ægyptiorum reges, quos tamen ut alios reges Orientis summò Imperio usque non est dubium, ad multarum rerum observationes obligabantur: verum si contra fecissent accusari vivi non poterant, sed mortuorum accusabatur memoria & damnatis abjudicabatur solennis sepultura, sicut & Hebræorum regum, qui malè regnassent, cadavera extra proprium regibus locum sepulta. 2. Paral. 24. v. 25. 28. v. 27. egregio temperamento, quo & sanctimonia.

summe

summa potestatis maneret, & tamen futuri iudicii metu Reges à fide mutandâ retraherentur. Epyri quoque Reges jurare solitos regnuros se juxta leges ex Plutarcho in Pyrrhi vitâ discimus.

TH. XIII.

In Imperio denuo nostro ab antiquo fuit receptum, ut administratio Regi Germanorum non absolurè, sed certis conditionibus deferretur, in quas juret Imperator, se summò observaturum studiò. Vocatur earum Instrumentum, antiquo, sed barbaro vocabulo, capitulatio. In gravaminibus Passavii anno 1550. exhibitis dicitur die *Keyserliche Obligation*, olim appellabantur leges Palatinæ ut docet Goldast. in Dedic. Tom. III. constit. Imper. Planè enim si populus Regem fecerit non plenò jure, sed additis legibus, poterunt pereas leges contrarii actus fieri irriti, aut omnino, aut ex parte, quia eatenus populus sibi jus paravit. Ex promisso enim & contractu Regis, quem cum subditis inivit vera nascitur obligatio, quæ jus dat ipsi subditis, pro natura omnium contractuum, quæ utramq; partem firmo vinculo astringit, prout egregiè id obtentum à Grotio lib. 2. de Jur. bell. & pac. c. 4. quamvis alia ratio in iis legibus dominetur, quæ à summâ maiestate prodixerunt, quâ de re Grot. de Jur. Bell. & Pac. lib. 2. c. 4. th. 12. & c. 20. th. 24.

CAP. II.

Translationem Imperii ad Germanos, & rationem perveniendi quondam ad Imperium suætam repetens.

TH. I.

Cum jam ad Imperium nostrum Romano Germanicum, de quo quædam repetenda duximus, devenerimus, primum indaganda nobis ratio videtur, quæ in Orientale & occidentale ruptum. Quæ res si non in cunabula, munimenta ad minimum sua Constantino M. debet. Quippe divisò jam pridem Imperiò illud decisse ad integram dignitatem atque

amplitudinem videbatur, ut urbs magnitudine & nobilitate æqualis Romæ pararetur, quæ ut illa Occidentalis, hæc Orientalis majestatem Imperii sustineret, Constantinus, magnificum atque illustre fore nomini suo putavit, si hæc urbe constitutâ tantum ipse decoris invexisset. Igitur consilio de novâ condendâ urbe explicito, locum propè Ilium urbem in Sigeo promontorio sitam decennali quondam Græcorum bellô nobilitatam, munire constituit, cumque fundamenta jecisset, & muros ad aliquam latitudinem excitasset, reprobato consilio animum ad Chalcedonem, quæ in Bithynia est, contulit. Verum designatô vix opere, quod aquilæ devolâssent, & fabrorum funiculos raptos Byzantium derulissent, tanquam divinô adversante Numine constituit, ut antiqua Byzantium, quam Lacedæmonii olim Pausaniâ Duce condiderant coloniam, & bellô civili Pescenniano, quod Nigro constantissimq; adhæssisset, Severus Imperator penitus excisam, in vici formam redegerat, restitueretur. Quo cum Imperii sedem transulisset, eô animo ut Gothis Thraciam infestantibus ex propinquo gravius incumbere posset, vel sexcentorum malorum & invasîa barbaris Imperii fons fuit & origo. Quod munitum & firmum divisum in duo Imperium reddidit infirmum. Deinde præcipua Imperii sustentacula limites videlicet Romani orbis, qui ab Augusto super Rhenum & Danubium XV. legionum præsidio additô providentissimè firmati fuerant, translatis in Orientem exercitibus sustulit: eorumque locô castella, munitiones quasdam condens, eas debilibus admodum præsidis munitas reliquit, quæ per tot annos egregiâ Romanorum virtute ab immanissimis barbaris defensæ fuerant. Tertium erratum Politicum fuit, quod Gothis à se victis & trans Istrum compulsis, cælege pacem dedit, ut militum quadraginta millia quodocunque opus esset, Imperatori traderent. Hoc enim fuit causa audæ apud Gothos militiæ, faciliusque postea occupati ab his Imperii. Quæ omnia eventus comprobavit, Etenim maxima Imperii pars jam Honorii & Valentiniiani tempore à Germanicis gentibus, quas Rhenus & Danubius hætenus abstinerant occupata est, adeoque nondum integris quinquaginta annis perierat Romanis penè nulle armorum opus. Ita Hispania Vandalis, Visegothis

ac Svevis, Gallia Francis ac Burgundia, Britannia Piclis & Scotis, Saxonibus, Anglis: Vindeliciū ac Noricum & Rhetiz pari Baioariis atque Alemannis: Pannonia Hunnis atque postea Hungaris subacta. Nec Italia fuit intacta. Seculo enim quinto nempe annō Christi quadringentesimō septuagesimō septimō Odoacer Herulus Rex Gothorum Augustulus novissimum Occidentis Imperatorem Oreste patre suo, qui filio Imperium paraverat occiso, Imperio Italiz, quæ una tantum provinciarum omnium Occidentalium supererat, exegit, Italiâque & urbe Româ nobilissimâ Imperii Occidentalis parte potitus est. Postea octo alii reges Gothorum Italicis rebus præfuerunt, quorum virtute regnum administratum. Mansit hic status usque ad seculi VI. annum quadragesimum, quo Justinianus per Belisarium primò adversus Gothos incertō Marte pugnavit, ut profligati quam victi verius viderentur, donec Narses Eunuchus, Justiniani Dux, & per Italiam Legatus eos penitus ejiceret, Italiâque per quindecim annos teneret. Mortuō autem Justinianō Justinus II. nepos impellente Sophiâ uxore Narsetem contumeliosè ex Italiâ evocans, Longobardi à Pannoniâ à Narsete invitati, Italiam per omnem pulsus Cæsarum præsidis, suæ ditionis faciunt, nihil relicto in Italiâ, præter Romam ipsam, ejusque pomœria, Pentapolis, Exarchatum ravennatensem, urbemque Venetiarum. Quare cum ab Imperatoribus Orientalibus sæpius auxilia à romanis contra Longobardorum immanitatem implorata essent, eaque ab eis negarentur: tūm quod imbecille factum Imperium ad vicina loca à Sarracenis, Bulgaris, Hunnis & cæteris circumvicinis barbaris tuenda, vix sibi vires suppeditarent: tūm etiam, quod Constantinopolitani Imperatores in sœdam Iconomachiz hæresin lapsi maximas & plusquam hostiles cum romano Pontifice, acriter ipsorum infanzæ adversante simultates gererent, tunc primò ad Francorum potentissimos, reges à romanâ sede respici ceptum eorumque auxilium imploratum. Indè exsurgit agitatissima illa inter Politicos quæstio. An translatio Imperii ad Germanos in personâ Caroli M. facta sit, quod ex mente virorum gravitate maximè conspiciuorum asserimus.

amplitudinem videbatur. ut urbs magnitudine & nobilitate æqualis Romæ pararetur, quæ ut illa Occidentalis, sic hæc orientalis majestatem Imperii sustineret, Constantinus, magnificum atque illustre fore nomini suo putavit, si hæc urbe constitutâ tantum ipse decoris invexisset. Igitur consilio de novâ condendâ urbe explicito, locum propè Ilium urbem in Sigeo promontorio sitam decennali quondam Græcorum bellô nobilitatam, munire constituit, cumque fundamenta jecisset, & muros ad aliquam latitudinem excitasset, reprobato consilio animum ad Chalcedonem, quæ in Bithÿnia est, contulit. Verum designatô vix opere, quod aquilæ devolâssent, & fabrorum funiculos raptos Byzantium detulissent, tanquam divinô adversante Numine constituit, ut antiqua Byzantium, quam Zacedæmonii olim Pausaniâ Duce condiderant coloniam, & bellô civili Pescenniano, quod Nigro constantissimè adhæssisset, Severus Imperator penitus excisam, in vici formam redegerat, restitueretur. Quo cum Imperii sedem transulisset, eô animo ut Gothis Thraciam infestantibus ex propinquo gravius incumbere posset, vel sexcentorum malorum & invasâ barbaris Imperii fons fuit & origo. Quod munitum & firmum divisum in duo Imperium reddidit infirmum. Deinde præcipua Imperii sustentacula limites videlicet Romani orbis, qui ab Augusto super Rhenum & Danubium XV. legionum præsidio addito providentissimè firmati fuerant, translatis in Orientem exercitibus sustulit: eorumque locô castella, munitiones quasdam condens, eas debilibus admodum prædiis montes reliquit, quæ per tot annos egregiâ Romanorum virtute ab immanissimis barbaris defensæ fuerant. Tertium erratum Politicum fuit, quod Gothi à se victis & trans Istrum compulsis, cæleste pacem dedit, ut militum quadraginta millia quândocunque opus esset, Imperatori traderent. Hoc enim fuit causa audaciæ apud Gothos militiæ, faciliusque postea occupati ab his Imperii. Quæ omnia eventus comprobavit, Etenim maxima Imperii pars jam Honorii & Valentiniiani tempore à Germanicis gentibus, quas Rhenus & Danubius hætenus abstinerant occupata est, adeoque nondum integris quinquaginta annis perierat Romanis penè mille armorum opus. Ita Hispania Vandalis, Viscogothis

ac Svevis, Gallia Francis ac Burgundia, Britannia Piclis & Scotis, Saxonibus, Anglis: Vindeliciū ac Noricum & Rhetia: pari Bassoariis atque Alemannis: Pannonia Hunnis atque postea Hungaris subacta. Nec Italia fuit intacta. Seculo enim quinto nempe annō Christi quadringentesimō septuagesimō septimō Odoacer Herulus Rex Gothorum Augustulum novissimum Occidentis Imperatorem Oreste patre suo, qui filio Imperium paraverat occiso, Imperio Italiae, quæ una tantum provinciarum omnium Occidentalium supererat, exegit, Italiāque & urbem Romā nobilissimā Imperii Occidentalis parte potitus est. Postea octo alii Reges Gothorum Italicis rebus præfuerunt, quorum virtute regnum administratum. Mansit hic status usque ad seculi VI. annum quadagesimum, quo Justinianus per Belisarium primō adversus Gothos incertō Marte pugnavit, ut profligati quam victi verius viderentur, donec Narses Eunuchus, Justiniani Dux, & per Italianam Legatus eos penitus ejiceret, Italianque per quindecim annos teneret. Mortuō autem Justinianō Justinus II. nepos impellente Sophiā uxore Narsetem contumeliosē ex Italiā evocans, Longobardi ē Pannoniā à Narsete invitati, Italian per omnem pulsus Cæsarum præsidis, suæ ditionis faciunt, nihil relicto in Italiā, præter Romam ipsam, ejusque pomeria, Pentapolis, Exarchatum ravennatensem, urbemque Venetiarum. Quare cum ab Imperatoribus Orientalibus sæpius auxilia à Romanis contra Longobardorum immanitatem implorata essent, eaque ab eis negarentur: tūm quod imbecille factum Imperium ad vicina loca à Sarracenis, Bulgaris, Hunnis & cæteris circumvicinis barbaris tuenda, vix sibi vires suppeditarent: tūm etiam, quod Constantinopolitani Imperatores in sœdam Iconomachia: hæresin, lapsi maximas & plusquam hostiles cum Romano Pontifice, acriter ipsorum infanxiā adversante similitates gererent, tunc primō ad Francorum potentissimos Reges à Romanā sede respici ceptum eorumque auxilium imploratum. Indē exsurgit agitatissima illa inter Politicos quæstio. An translatio Imperii ad Germanos in personā Caroli M. facta sit, quod ex mente virorum gravitate maximē conspicuorum asserimus.

TH. II.

Indè auspiciū illud Petri de Andlo de Imper. rom. l. i. c. 74. p. 65. ubi Deū præmissō consiliō romanū Imperiū per Germanos gubernandū definiisse sateatur, idq̃ue argumento baculi, qui tempore B. Petri in Germaniā destinatus esset. Baculus scilicet ille erat, quo Maternus Valerii & Eucharīi socius, cū in itinere vitā defunctus esset, iterum in vitam revocatus fertur. Quod miraculū, ubi populus Alsatiæ vidit, Deū glorificavit, baptizataque de illō die copiosa hominū multitudo. Quam verō bonæ fidei sit illa auctoris relatio, dubium facere possent, illæ vel sexcentæ fabulæ, quæ in hunc usque diem in Papatu circumferuntur. Illi verò, quod divinā provisione Imperiū ad Germanos pervenerit, veri aliquid subesse, non planè abnego. Romanos sanè subodoratos reperio, hanc Imperii sui ruinā à Germanis posse proficiisci, unde possibili studiō quam longissimè eos à limitibus suis remotos voluerunt, tot legionibus hinc inde oppositis, ut Cæsaris aliquot loca expendens probè consignavit Stephanus Pasquierius l. i. des recherches de la France chap. 10.

TH. III.

Ubi verò prodierimus in hunc campum, res jam nobis cum perpetuis istis Germanici nominis osoribus corrosoribusque, qui Imperiū romanū ad Gallos translātum statuunt, per personam Caroli Magni, postmodum à Gallis in Italos, à Sergio Pontifice in Berengarium, & denique ab Italis in Germanos per Othonem Saxonix Ducem, qui prosapiam Ducum Saxonix primus Imperatorix dignitati intulit. Fulvius Pacian. lib. 2. de probat. c. 35. n. 45. Et in Gallos quidē per personam Caroli Magni translationem factam Bodin. histor. c. 7. Petr. Gregor. Tholosan. l. 7. de rep. c. 15. num. ult. & alii speciosè magis quam verè, qui Carolū M. in Galliā natum, linguā quoque ac moribus & institutis Gallorum unā cum majoribus suis edocatum, contendunt. Inde quod in conventu Principum Fraxin. Orator Gallia ap. Thuan. lib. 10. dicere non erubuerit: *Cum Imperium in Regem Francia familiā primò fundatum commune utriq̃ genti fuit. Deinde ad Germanos translātum est.*

Sed fallunt ac falluntur. Dum enim translationem Imperii in Carolum Magnum, simul in Germanos factam, inficiari non possunt. Ac mirum aded cæcos esse Gallos, qui aliàs lyaceos sibi videntur habere oculos, ut non videant discrimen semper inter Francos fuisse & Gallos, (quod nostro etiam idiomate *Franden* & *Frankosen* differant.) Ne velim te moveat varians historicorum relatio, quorum alii Carolum in Thuringiâ, alii in arce Carlsbergâ, quæ arx est superioris Boariæ, alii Jopillæ, apud Leodium cunabulas traxisse contendunt. Nam utut de spoliâti natiuitatis loco vetustas in dissensum abierit, Francum tamen ratio & autoritas multorum confirmat. Et qui præcipue fidei patriam ejus Ingelheimium oppidum statuunt, quod duobus distat milliaribus à Moguntiaco, in quo insigne palatium extruxit, cujus vestigia etiamnum spectantur. Cuspiniæ. in vit. Carol. Magn.

Quæ omnia ad felicius patescunt, si Francorum originem & res quasdam gestas reperierimus donec ad Pipinum & Carolum M. deveniamus. Et quidem non transire animus ad aniles illas quorundam fabulas, qui Francos nobis ex Troja deducunt, & de sæpè mutatis horum sedibus atque extructâ tandem Sicambriâ meras ineptias comminiscuntur. Hieronym. Gebviler. ap. Goldast. part. XX. Imperial. Polit. Discurs. II. fol. 879. Cujus sententiæ assertatores mirum iridentur ab Heitorio Bebelio apud Goldast. Imperial. Politic. part. X. fol. 569. & Beato Rhenanô lib. I. rer. Germanic. p. 50. Illud sanè mirandum, quod cum Francorum nomen per tot annos magnam totius Europæ partem occupavit, eamque Germaniæ gentem fuisse constet, tamen eorum mentio neque apud Strabonem aut Plinium fiat, ac ne apud Cornel. Tacit. quidem, qui tamen Germanicarum omnium gentium situs & nomina mirâ diligentia prosecutus est. Inde Gregorius Turonensis Episcopus, qui de Francorum ortu octingentis abhinc annis scripsit, initio historiæ suæ testatur, se de Francorum ortu quæsisse, nihil tamen certi comperisse, quamquam veterem quendam illorum historicum habuerit Sulpitium Alexandrum,

drum, qui neque de primis illorum sedibus quicquam affirmavit. Si tamen auctoribus fide dignis calculum nostrum addamus, ex ea regione Francos primùm ortos animadvertimus, quæ inter Albim & Rhenum interjecta Oceano alluitur; juxta Chaucos forsan & Saxones, Hotomann. in Franco Gall. c. 4. p. 29. Rhenan. lib. 1. rer. German. p. 50. & 51. Et quidem satis constat, Francos in ora maritima sedes habuisse, locis admodum palustribus, rei quæ nauticæ peritissimos & in bellò exercitatisimos fuisse. Cujus rei documentum ap. Claudianum extat, qui Stiliconi victorias gratulans ita scribit:

*Ult jam transfluvium non indignante Chayco
Pascat Belgæ pecus mediumq; ingressa per Albim
Gallica Francorum montes armenta pererrent.*

De maritimâ regione Panegyricus Constantino M. dictus testimonio est, ubi Rhetor ita loquitur: *Quid loquar rursus intimas Francia nationes, non jam ab his locis, quæ olim Romani invaserant, sed à propriis ex origine sui sedibus, atq; ab ultimis Barbaria littoribus avulsas, ut in desertis Gallia regionibus collocata pacem Romani Imperii cultû juvarent & armâ delectu.* Quod de Chaucorum vicinitate diximus, ea planissimè ex collatione locorum & utrarumque sedium descriptione perspicitur. Chaucor. quidem ap. Plin. lib. 16. c. 1. Francorum verò ap. Rhetorem illum Panegyristem, quæcum multis expedita sint ab Hotomann. d. l. crambem bis coctam hîc apponere supervacuum arbitror. Saxones dentò in Francorum confiniò sitos, id argumento esse posset, quod sub Diocletiano, qui regnavit anno superducentesimo sexagesimò octavo, Francis adjuncti limitem Romanum, Galliz, Belgiz & Armoricæ infestant, cumquæ Gallias irrumperere in animò haberent per Francorum præcipuè littoralium provincias transisse legantur. ap. Fabric. Orig. Saxonice. lib. 1. ad an. 268. & 368. Quod nominis rationem attinet, probabile admodum venit, illud tempore Ciceronis incognitum adhuc fuisse, corruptumquæ locum istum: Redeo ad Theobassos, Svevos, Francones, quæ lib. 14. Epist. quas ad Atticum scripsit, extat Epist. ferè, cujus initium: Pridiè Iduum Fundis accepi tuas lict-

ras cœnans, cum jam pridem Beatus Rhenanus in nativò volu-
 mine: Redeo ad Tebassos, Scacuas Frangones scriptum depre-
 henderit, ac scrupulosius rimatus animadverterit Germanam Ci-
 ceronis lectionem hanc esse: Redeo ad Betasios, Atuas, Vangio-
 nes, Rhenan. rer. Germanic. lib. 2. p. 186. Ridiculi sanè illi sunt,
 qui Francorum quendam Hectoris filium in Celtas commigrasse,
 & de nomine suo condidisse ac nuncupasse Francos autumant,
 Ut enim concedamus nominis istius Hectori filium, indè tamen
 Francos denominatos nullâ ratione evincitur. Magis veri vi-
 dentur, qui vel tenuem Francorum, obscuramque gentem fuisse
 tradunt, à quâ tamen tantarum rerum gerendarum initia nata,
 (quemadmodum in Svittis tenuissimò Helvetiorum pagò usu ve-
 nit, à quo cum recuperandæ libertatis auctores orti primum fu-
 issent, Svicerorum nomen in Helvetios omnes propagatum est.)
 vel quod verisimilius videtur, fictam ex re & occasione appella-
 tionem fuisse cum iis, qui se libertatis recuperandæ Principes
 profiterentur, atque auctores, Francos se nominassent, quâ voce
 liberos & servitutis expertes ap. Germanos intelligi, satis inter
 eruditos constat. Indè quibusdam Francorum nomen ex voca-
 bulo Frey und Ande coaluit, ut liberos homines sive liberos ru-
 sticos (Vocabulum enim Ande vetere Germanicâ linguâ hanc
 notationem haber, & adhuc à rusticis quantumvis ita usurpatur)
 significaret: alii à solo vocabulo Frey/quod illi terminatione,
 suâ Yude extenderunt, & pronunciârunt Freyhnd unde juxta con-
 suetudinem ipsorum Diphtongo ai additâ syncope, mansit no-
 men Franche quod pluribus monet Francischinus Curtius JC. in
 tractatu de Feudis, & Baldus quoque ita interpretatur. Inde &
 illam villam Francham Sabaudie civitatem denominatam exi-
 stimant; ut significet villam liberam, fortasse, quod ab initio vil-
 la fuerit. vid. Reinecc. tom. III. de Trojanorum Imper. & regn.
 p. 28. it. de Misenor. Orig. p. 206. & 213 Hotoman. in Francogall.
 cap. 5. Valeat ergò omen, ut Franci dicantur, qui libertatem sibi
 honestam sub Regum auctoritate tenuerunt. De eorum rebus
 præclare gestis vid. Rhenan. lib. 7. & 2. Hotoman. in Francogall.
 c. 5. & 6. Heinricum Bebelium ap. Goldast, Imperial. Politic.
 part. X, p. 569. & 570.

TH. VI.

Primus eorum Rex Pharemundus legitur, qui quædam loca ad Mosam occupavit. Clodio vel Clogio filius primus Germaniam secundam transitò Rheno; Meroveus Treviros & Belgas, Childericus agrum Moguntiacum, Vangionum, Nemetum Argentoratensium Francorum ditioni adjecit. Clodoveus Helvetios & Svevos post pugnam ad Tolbiacum, & quicquid Romani in Galliâ tenebant, adjunxit. Porro Luitmarus & Clodoveus Clodovei Regis filii, Burgundionum potiti; Theodericus horum frater, Noricam suæ potestatis faciens Imperium Francorum augebant. Hæc est summa gestorum à Pharemundo & successoribus, quos historici Merovingos à Merovo, appellant, quorum stirps anno 750. desit, quo Childericus Rex ultimus Merovingorum à Regni Proceribus ob segnitatem monasteriò mancipatùs successorem Pipinum habuit.

TH. VII.

Cùm enim Pipinus legitimus Martelli filius, ad Majordomatum seu præfecturam Prætorio, testamento patris erectus, indignatus, se oneribus Imperii gravato, dignitatem regiam penes eos esse, qui otio & luxuriâ senescerent, negat ad regni Proceres, pareri Childerico oportere, qui abjectâ omni Reipubl. curâ vitâ quâvis muliere corruptior degeret. At quia res ardua erat, legitimum regni hæredem solio dejicere, cui jurisjurandi religione devincti essent, decrevit Pipinus, ad Romanum Pontificem id deferre, missò Episcopò Burchardò Herbipolensi & Folrado Capellano suo, qui Pipini majorumque res domi forisque gestas ad cælum laudibus ferendo, Childericum quantum possent deprimerent. Hi non difficulter ut Pontifex obsequio subditos solveret effecisse feruntur. Otto Frisingens. lib. 5. c. 21. Godfridus Vieterbiensis Chronic.

TH. VIII.

Haud infrequens hic Imperia deferendi modus. Arbaſtus, quod Sardanapalum inter scortorum greges, purpuram colonentem, & muliebri habitu, cum mollitie corporis & oculorum lasciviâ omnes forminas anteiret, pensa inter virgines partientem, invenisset,

invenisset, indignatus, tali formine tantum viro-
rum subjectum, tractantique lanam, ferrum & arma
portantes parere progressus ad socios, negat se
ei parere posse, qui se foeminam malit, quam
virum. Facta igitur conjuratione bellum Sardanapalo
intulerunt eoque victo Arbaces summam Imperii
detulerunt. Etiam Pipinus examinatum Regem
mollitiem detestatus ad fasces Imperii adspiravit,
præcipue cum jam aliquot annis omnis auctoritas
& summa rerum, penes præfectum regie domus
resideret, ab eo tempore, quo Reges voluptatibus
dediti nullam Reipublice curam susciperent
Annal. Francici ad annum Christi 751. vid. Hoto-
man. in Francogall. c. 12. Goldast. Imperial. Polit. part. XX. disc.
2. fol. 841. Fabric. Origo. Saxonie. lib. 1. fol. 75.

TH. IX.

Alio nomine hi dicuntur Comites Palatii, quorum officium
non minima pars erat ut jus per pagos redderent antiquo nomi-
ne Graffen. In Republ. jam tum veterum Germanorum præci-
puus Comitum splendor ac dignitas. Quod Tacitus nobis de mo-
ribus Germanorum exhibet, ubi magnam Comitum æmulationem
testatur, quibus primus apud Principem suum locus; & Prin-
cipum, cui plurimi & acerrimi Comites: nec solum in sua gente
cuique, sed apud finitimas quoque civitates id nomen, eam glo-
riam esse, si numero ac virtute comitatus emineat. Tac. d. l. p. m.
407. Horum in pace decus in bello præsidium. Cum enim in-
aciem ventum turpe erat Principi virtute vinci & turpe comita-
tui virtutem Principis non adæquare. Principes pro victoria pu-
gnabant Comites pro Principe. Tac. d. l. Romanis Comites pri-
mitus dicebantur, qui non solum Principem suum sectabantur,
& ad latum ei erant: Spartianus in Hadriano: Cum judicaret in
consilio habuit, non amicos solum & comites secum, sed & JCtos.
Hinc tota Principis familia sacer comitatus in Codice sæpe ap-
pellatur. vid. Cujac. 1. observat. 25. Latium lib. 2. de Rep. Rom.
c. 11. Sed etiam Legatos Principis Magistratus & Judices provinci-
ales comitabantur. ut Papinian. l. 4. ff. de offic. Assessorum. l. 1. §. sed
et si ff. de variis & extra ordin. cognition. docet. Ex horum ordi-
ne cum plerumque desumerentur, qui ad Provincias regendas ad-
mittebantur, factum est, ut Rectores illi dein Comites appella-

rentur, & Comites non jam Principis à quò abierant, sed provin-
cia, quam ipsi cum comitivâ dignitate gubernarent. Insignis lo-
cus est apud Zosimum lib. 3. ubi inquit: *Is verò Comitem Orien-
tis fecit, cujus Magistratus ea potestas est, ut qui eum gerit, o-
mnibus provincias Orientis administrantibus præsistat, & que-
cunq; non aguntur, uti par erat, corrigat.* Palatinorum autem
nomen non tantum Comites, sed etiam inferiorum ordinum mi-
nistros aulicos designabat. Cùm verò Franci Gothi & Longo-
bardum emulatione Romani splendoris, priscam etiam aulæ digni-
tatum pompam retinere studerent, dignitatem quoque Comit-
ivam recepere, quod de Gothis in Italiâ ex Cassiodoro lib. 7. vari-
at. c. 5. liquet. Quod Francos attinet, his, qui officium hoc gere-
bat, domesticus prius appellatus est, ut patet ex Venantii Fortu-
nati carmine ad Condam domesticum. Et idem erat quî Major-
domus, qui & Comes domus Regiæ & Comes Palatii Principis
appellatur, teste Ainonio, & aliis. Tanta autem illo-
rum Regiorum potentia, cæpit tempore Clotharii II. circiter an-
num DLXXXVIII. i. e. circiter CXXX. annis post regnum Fran-
cogalliz constitutum. Quod ex eò, quem Venericus aliquoties
profert, historicò, cognoscere licet. Sunt tamen duo alii histo-
rici, sed dubito an tantæ autoritatis, Sigebertus & Trithemius,
qui tantæ potentie initium ad Clotharii III. regnum referunt,
cujus Magister Palatii Ebroinus appellatur, homo crudelitate &
nequitia insignis. In aulâ Orientali, quæ plerumq; dignitatum
nomina communia cum Francia habuit, *μεγαλόπαις* appella-
batur. vid. Meurs glossar. Græc. barbar. De Majoredomus ex-
tat fragmentum Pythæi in annal. Francic. videatur etiam Hoto-
man. in Francogall. c. 12.

TH. X.

His itaque incunabulis initiata Caroli auctoritas, multum
capiebat incrementi, quod eventus bellici felicibus ausis respon-
dere cepissent. Potiebatur tùm temporis summæ rerum Deside-
rius ultimus Longobardorum in Italiâ Rex, qui postulaturus ab
Hadrianò erat, ut Carlomanni filios, qui apud se erant, inunge-
ret. Cujus voti cùm compos fieri desperasset, extorquere vi cu-
piens,

piens, quod ulterò sibi negatùm iri videbat, nondum duobus mensibus Hadriani Pontificatus exactis in Exarchatum irrupit ac primò adventu Ferrariam, Comaclum & Faventiam occupavit & Ravennam se bellum transferre ostendit. Quibus perterritus Hadrianus cùm per legatos nihil obtinere posset, Legatum maximò itinere ad evitandas terrestres Desiderii insidias in Franciam misit, Carolum oratum, ut avi Patrisque exemplò opem affectis Ecclesiæ rebus afferret. Quibus Carolus summà mentis alacritate (ut enim quidam auctor de illò habet, erat omnibus virtutibus, quæ magno Regi convenirent, ornatus, sed præcipuè catholicà pietate, quæ maxima quoque patris laus extiterat, insignitus) reposuit, se ipsius studio lubenter obsecurum, ac Desiderium, ut sive auctoritate, sive armis, à vexatione Romanæ Ecclesiæ abstereretur, connixurum: Apud se, cum beneficiorum ab Ecclesiâ acceptorum memoriam, tum Sedis Apostolicæ majestatem & esse, & in perpetuum fore sanctissimam. Hinc frustra aliquoties per Legatos tentatò Desideriò Carolus exercitum ad saltus promovit ac conjunctis ibi castris, cùm eos à Desideriò teneri videret, expeditam militum cohortem per montes avios circumductam à tergò Desiderium invadere imperavit, Quò prospere factò Desiderius ad aversas Alpes castra metatus ad eò extimuit, ut per noctem relictis tentoriis ac supellestile fugam arripuerit. Quod sentiens Carolus cùm totò exercitū Alpes subitò superavit, ac multis interfectis eò redegit Desiderium, ut Papæ muris se includeret. Indè cùm Romam proficisceretur, effusis obviam, quæcunque incedebat, civitatibus, ipsum lætis animis liberatorem servatoremque Italiæ saluantibus, ingenti honore ab Hadriano exceptus est, vid. uberiorem hanc de re Sigonium de regn. Ital. sub ann. 772. & 773.

TH. XI,

Indè liquet primam promovendi Caroli in Imperatorem causam fuisse, quod jure belli aditum sibi ad Imperium paraverit. Testis hujus rei gravissimus Fridericus I. Imperator ap. Melchior. Goldast. tom. 3. Constit. Imperial. p. 333. Quæ enim ex hostibus capimus Jure gentium statim nostra fiunt, juxta §. 17. Instit. de division, rer. & elegans l. hostes 24. ff. de captiv. & postlimin. re-
vers.

vers. est hanc in rem Hugo Grotius de Jur. B. & P. lib. 3. cap. 6.
 Ac quidem si accuratius paululum historiarum inspiciamus mo-
 numenta sanè præcipua regna inter armorum strepitus (ua du-
 xisse incunabula confitebimur. Nimrodum fortem venatorem
 exitisse ac potentia homines subegisse sacra loquitur pagina. Ge-
 nef. 10. 1. Paralip. 3. Qui initis regni Assyriaci Nino ascribuntur,
 primum bella intulisse finitimis & rudes adhuc ad resistendum
 populos terminos usque Lybie perdomuisse memorant. Justin.
 lib. 1. Quâ ratione Arbaclus ad Medos summam Imperii translu-
 lerit, suprâ expeditum memini: Sanè Cyrus ut aditum sibi ad re-
 gnum pararet, exercitum apud Persas, ad quos Parentes timens
 transfugerat, moliebatur, cum instructo convivio eos demulsi-
 set, quasi his epulis similem acturi essent vitam, si sequerentur,
 quoad Medis pareant, hesterno labori, quò sylvam exciderant.
 Justin. lib. 1. Quomodo Alexander Monarchiam à Persis trans-
 tulerit, id neminem ignorare confido, nisi qui Curtii scripta ne-
 de limine quidem salutaverit. Ex infinitis illis testimoniis quæ
 in laudem Romanorum extant, de promam hâc vice illud Flori,
 quod sub ipsò libelli frontispiciò extat, *populus Romanus,*
ita latè arma circumtulit, ut qui res illius legunt, non unius
populi, sed generis humani facta discant. Flor. lib. 1. in præm.
 Et qui nescit, quæ decertationes Romulo primo Romani nomi-
 nis conditori cum Numitore, Cæninensibus & Sabinis fuerint,
 eum ad Livii lib. 1. c. 5. 10. & 11. relegandum puto, & ad auspici-
 um illud, quo Romulo in Palatino duodecim vultures offereban-
 tur, qui bellatricem fore urbem Romam haur incerto divinabant.
 Flor. lib. 1. c. 1. Ad eò ^{præcipua} ~~monia~~ si Monarchias inspiciamus, ab ar-
 mis ferè suam traxisse originem confiteri necesse habemus.

TH. XII.

Alter titulus, quò sibi vindicabat Imperium Carolus, erat
 Electio, quod suffragiis populi Imperator decerneretur, & à Pon-
 tifice coronâ redimeretur. Anno enim 800. ipsis natalibus Chri-
 sti in basilicâ D. Petri præsentibus præter Pontificem Episcopis ac
 Clericis quamplurimis, civibusque Romanis univèrsis Pontifex
 Carolum

Carolus coronavit, acclamantibus civibus universis: *Carolo
Piusimo, Augusto, Deo coronato, Magno, Pacifico Imperatori
vita & victoria.* Hoc ipso facto populus Romanus per Ponti-
ficem tamquam per primarium civem, Carolus Imperatorem
coronavit, atque adeo non nudum nomen & titulum, sed iura si-
mul, quæ non multò ante supererant Cæsaribus in Occidente,
in Carolum transtulit, fatente ipso Bellarmino lib. 1. de translat.
Imper. c. 7. adde Otton, Frising. lib. 5. c. 31.

TH. XIII.

Inde tot scriptis Politicorum excussa, ac sæpius armis ven-
ditata quæstio: Annon in Pontificis manu situm regna mutare,
Reges de gradu dejicere evehereque? Affirmativam tenet Bel-
larminus, quem ut eò mellius intelligamus, præmittendum arbi-
tror, quidnam nomine translationis intelligat. Sic enim non-
nunquam loquitur: *verè translationem esse factam auctori-
tate summi Pontificis in argum. lib. alibi ait: N. esse de pos-
sessione provinciarum Imperialium quæstionem, sed de titulo,
de jure, de nomine, de dignitate Augustali totam controversi-
am esse lib. 1. c. 11. in fin.* Hoc igitur voluit rem eòdem modò
gestam, quo Pius IV. Florentinum Magnum Hetruriz Ducem
creavit. Sed non ferè digna hæc tanti viri fastigio! Non alie-
num à nostrò scilicet hanc rem paulò prolixius persequi & ejus
quasi incunabula repetere. Pipinus cum ad summam Imperi-
i anniteretur, quod res ardua esset, legitimum regni hæredem so-
liò dejicere, cui jurisjurandi religione devincti essent, decrevit
ad Episcopum Romanum Zachariam referre, missò Episcopò
Burchardò Herbipolensi, qui Pipini majorumque res ad cælum
ferendo Childericum quantum posset deprimeret. Hic non dif-
ficulter ut Pontifex obsequiò subditos solveret, effecisse fertur.
Hæc est origo audaciæ Pontificum, quæ insanò ausu sui Imperi-
i fines excedere ac quicquid est in terris regiminis ad se trahere a-
liquandò conati sunt, teste Ottone Frisingensi lib. 5. c. 23. Godfri-
do Viterbiensi Chron. part. 17. p. 440. Sed neque in Pipino ne-
que in Carolò pontificii inveniunt, quod se quidem invenisse,

putant. Quantum enim ad Pipinum nondum evidam, quod allegati historici tradunt. 1. Pontificem Zachariam pro auctoritate & potestate suâ sive opinione alicujus potestatis id sibi arrogasse. 2. Utut id fecisset idem jus successoribus Pontificis quassum esse. Quod primum attinet, illud itidem facti continet questionem, quæ ex circumstantiis eruenda. Sanè Ado Viennensis sub anno 727. hæc de re ita scribit: *Missi Legati ad Zachariam ut interrogarent eum, si ita manere deberent Reges Francorum, cum penè nullius potestatis essent, jam solò regio nomine contenti. Quibus responsum dedit Regem potius illum debere vocari, qui Rempublic. regeret.* Videtur itaque potius consilium Pontificis, nullam parendi potestatem super Reges Iecum ferens. Aliud itaque est Regem exigere aliumq; creare, aliud suadere. Ideoque scriptores, qui Pontificem id auctoritate suâ fecisse ajunt, non auctoritatem jubendi sed suadendi intelligunt, pro ut jam olim Ludolphus de Babenberg tractat. de Jur. Regn. c. 12. id ostendit. Cui accedit Venericus quidam Vercellensis, qui proferre testimonium historici veteris, qui de Francorum gestis scripserat, quo tota illa narratio mendacii arguitur, dilucidèq; affirmatur, & Childericum & Pipinum usitató Francorum more veterumque instituto, illum abjectum hunc verò in illius locum subiectum fuisse. Quod Caroli electionem attinet, hæc de, ut favoris causas procul habeamus, quod res est. Audientis verò priori locò Sigonius, illum electionis actum his penè verbis delineans: *Perducto ex cubiculò in templum atq; ad aram maximam Rege, Archiepiscopus post solennes aliquas preces effusas, populum alloquutus interrogavit, num se tali Regi subicere atq; illius mandatis & jussionibus constanti fide vellet obtemperare? ubi verò se velle responderat, Regis caput pectus atq; ipsas brachiorum compages oleò sanctò unxit, DEUM orans, ut & in bellò gerendò & in sobole procreandâ votis ejus annueret, ornatò inde ense, armillis, palliò, annulò & sceperò coronam imposuit, & per chorum ductum in solio coll. cavit.* Sigon. de regn. Ital. lib. 4. fol. 89. Scilicet cum urbis Romæ primarius.

marius civis Pontifex addiret, neque unius Papæ, neque unius
 populi in potestate fuit Cæsaris creatio, sed ad utrumque simul
 hoc jus pertinuit. Portenta enim illa Hildebrandina de Papali
 omnipotentia nondum audiverat orbis. Inde nemini per so-
 mnium tum in mentem venire potuit, Papam in hoc negotio ge-
 rere sese alium, quàm primarium civem Romanum & possessio-
 rem patrimonii, quod vocant, Petrini. Potius ipse Pontifex se
 Caroli potestati subiciebat, dùm per suos Legatos claves confes-
 sionis S. Petri & vexillum Romanæ urbis cum muneribus Regi
 misit, rogavitque ut aliquem de suis optimatibus Romam mitte-
 ret, qui populum Romanum ad suam fidem atque subjectionem
 per sacramenta firmaret, quod ex Reginone, Sigfrido Presbyte-
 ro ad ann. 801. & annalib. Francie. colligi potest. ad an. 796. Qui-
 bus Sigonius accedit, à quò id accepimus. *quod universò populo
 decretum, ut Carolus Patricius Romanus esset per singulas pro-
 vincias, ArchiEpiscopos & Episcopos instrueret, ita ut nisi ab
 eo laudarentur & instituarentur, à nemine sacrarentur, & ut
 Pontificem eligeret, sed eumq; Apostolicam ordinaret.* Sigon.
 de regn. Ital. lib. 4. sub ann. 773. Habetur id quoque decretum
 apud Goldast. Constit. Imperial. tom. . fol. 16. & 17. Plura hæc
 de re qui discupit adeat Goldast. Polit. Imperial. part. IX. c. 3. 4.
 & 5. Arum. Jur. Public. tom. 1. discurs. 3. aliosve.

TH. XIV.

Ad mores eligendi in Germanorum Imperiò solitos nunc
 de veggio. Horum Reges suffragiis creari solitos Tac. de morib.
 German. testatur. *Reges inquit ex nobilitate, Duces ex virtu-
 te sumunt.* Quod institutum etiam Dani, Suevi & Poloni reti-
 nent, ut Reges quidem in Conciliò eligant, filii tamen præroga-
 tivam habeant, & ut Tac. prodidit, cæteris præferantur. Nam ut
 Plutarchus in Sylla luculenter docet: *Quemadmodum vena-
 tores, non quod ex generosò cane natum est, sed canem ipsum
 generosum quarunt; equites non quod ex equò generosissimò
 natum est, sed equum ipsum expetunt: eodem modo qui Rem-
 publ. constituunt, magnò errore ducuntur, si quis Princeps sibi*

agnaturus sit potius, quàm qualem habituri sint, exquirant. Atque hanc Francorum quoque sapientiam fuisse constat. Eorum enim regimen tribus Ordinibus tanquam basibus innixum fuit, Regis, Procerum, & Magistratum urbicorum Reges liberâ electione ex nobilitate legebantur. Si verò Regis defuncti esset hæres, cui ex dignitate Parentis credi posset, non temerè alium quærebant, Fuit hic Regni status is, quem Plato, Aristoteles, Polybius optimum judicârunt, ex regali optimarum, & populari mixtus. Hinc constituerunt, ut quotannis publicum totius regni concilium Calendis Maji haberetur, quo de summis quibusque Reipublicæ negotiis communi omnium ordinum consiliò ageretur. Loquitur id testamentum Caroli M. apud Joannem Nauclerum & Heinr. Mutium editum & in annal. Francie. p. 283. *Quod si talis filius cuilibet istorum trium fratrum natus fuerit, quem populus eligere velit, ut patri suo succedat in regni hereditate, volumus ut hoc consentiant patris ipsius pueri, & regnare permittant filium fratris sui in portione regni paterni.* Nec ineptè jus eligendi Francorum confirmat historia electionis Caroli Calvi. Mortuò enim Lothario Rege Lotharingæ Imperatoris filio ann. 869. cum regnum Jure successionis fratri Ludovico Imperatori deberetur, Proceres Ecclesiastici & seculares nihilominus Carolum Calvum elegerunt, Pontifice frustra excommunicationem minitante Baronius ad ann. 870.

TH. XV.

Illud verò in primis hic controversiam recipit, si reliquâ stirpe regiâ alius eligatur, quidnam ei ad dignitatem tuendam relinquendum sit patrimonii. 2. Cuiam hæreditas regni sit deferenda, cum æqualiter in bona sibi relicta succedere debere videantur, qui æqualis à naturâ conditionis. Et quod primum attinet, intelligendum est, eorum, quæ in Regis ditione sunt, quatuor genera à Jctis numerari, *nimirum res Cæsaris, res fisci, res publicas & res privatas.* Acres quidem Cæsaris eæ dicuntur, quæ in privato cujusque Principis patrimonio sunt: non quatenus est Princeps, sed quatenus est Ludovicus, aut Lotharius aut Dagobertus.

Dagobertus. Res verò hīci dicuntur, quæ populi voluntate regi partim ad tuendam dignitatem suam, partim ad usus Reipubl. repentinos tributæ sunt. Publicas verò res Jcti appellant, quæ in ipsius regni aut Reipubl. dominio positæ sunt, privatas verò quæ in patrisfamilias ejusque fortunis ac bonis numerantur, Ergò a rege patre demortuo, si ad extraneum regni hereditas deferatur, res, quæ propriæ regis patrimoniales fuerunt, hereditatis jure liberis ipsius relinquuntur: Quæ verò regni & Reipublicæ ipsius sunt, ad quem Reipubl. deferuntur, ad eum quoque deferendæ necessariò sunt, quamquam tuendæ liberorum dignitatis causâ ratio postulet, ut Ducatus istis & Comitatus assignentur, quemadmodum Otto Frisingensis Chron. 5. c. 9. & Godfridus Viterbiensis scribunt *Dagobertum Lotharii Filium Regem constitutum fratri Heriberto urbes & pagos aliquot prope Ligerim fruendos dedisse, quod idem Aimonius lib. 4. c. 17. commemorans ita scribit: Pactum cum ipso pepigit, ut privato contentus habitu nihil amplius de paterno speraret regno, ita c. 61. de Pipino scribens, Grifonem fratrem inquit more Ducum XII comitatibus donavit.* Quantum ad alteram quæstionem æquitas & iniquitas non semper pendet à mensurâ naturali, sed civilī, ejus utilitatem semper in animo habeat, qui legem fundamentalem terre cogitat. Nam ut est ap. Justin. hb. 21. *firmius est futurum regnum, si penes unum remanserit, quàm si portionibus inter plures fratres dividatur.* Quod aliter tamen se in successionē regni Francici habuit. Nam memoriæ proditum est, antiquis temporibus persæpè Franciæ regnum a rege mortuò non uni filio à populo attributum, sed in viriles partes divisum atque assignatum fuisse. Servata sunt hæc usque ad tempora Dagoberti, de quo ita Godfridus Viterb: *Dagobertus Clotarii filius solus in Franciâ regnabat, A Clodovao enim usq; ad id tempus regnum Francorum inter filios filiorumq; filios multifariè divisum, tumultuosè regnatum est.* Dagobertus itaq; unicus rex Francorum leges Bayaris dedit.

TH. XVI.

Electum ac confirmatum Regem Jurisjurandi religione astringerunt, ad regnandum iuste. Formulam Jurisjurandi Bodin. lib. 1. de republ. c. 6. exhibet, quæ postea anno 858. multum fuit audita, ut videre est in annal. Pythei. Carolo Calvo certa describere ceperunt capita, ad quæ obligatus teneretur, quæ videri possunt in C. leg. antiquar. Lindenbrogii p. 1798. Id denud admonendi sumus à Caroli M. familiâ successionem in Imperio interdum magis hæreditariam fuisse, ita tamen ut si fortè deficerent descendentes, vel aliâ gravi de causâ, electio ad designandum successorum in superpetuas veniret. Quidam etiam armis ad Imperium ad se trahere nitebantur, sique id ausi coronari dein, ac Principum Imperii consensu ac suffragio confirmari gestiebant. Nihil enim magis odium subditorum concinnat, quam illa violenta Imperii adeptio, quæ omnem publici commodi intentionem cessare facit. Indè Tiberius famæ dare studebat, ut electus potius vocatusque quam per uxorum ambitum & senili adoptione irrepississe videretur, Tac. 1. annal.

TH. XVII.

In Berengario se Germanorum iterum iugo subducebant Itali, quod numquid jure an injuriâ factum sit, disputare non est mei instituti, illud tantùm addo, in Ottone 1. restitutum Germanis, quod ad temporis intercapedinem suspensum fuerat. Fuit hic Otho ille Magnus, cujus res præclare gestæ à scriptoribus memorantur, tum imprimis, quod primus decus romani Imperii ad domum Saxonicam traduxerit. Id quâ ratione factum paucis jam expedimus. Exciderat Berengerius nuptiis Adeleidæ, quas anxie ambibat, quod Papiensis regiæ potiundæ spes exindè afflaret. Quâ de causâ irâ inflatus, vi armatâ sibi extorquendum ratus, quod bonâ gratiâ obtinere non potuisset. Itaq; exercitu Papiam adducto urbem haut magno certamine expugnavit, ac regiam in potestatem adductam in castro Gardæ ad lacum Benacum diligentius custodiæ tradidit. Adeleida magnum in timorem adducta: Martini sacerdotis sui ope ex arce profugit, atque illò unò cum pedissequâ comitante naviculam noctâ silentiò noctis ad sylvam quandam accessit, dein in agrum regiensem profecta.

Adelardo Episcopo commendavit, qui loco se ad custodiendam eam munito carere excusans, auctor ei fuit, ut ad avunculum suum Athonem, se conferret, qui atque Canusii satis firmam obtineret, & Lotharii fidelis quondam amicus fuisset. Quare compertis, Berengarius, quod Atho eam exhibere renuisset, conscriptis copiis Canusium obsidione cinxit. His angustiis coactus Atho Othonis auxilium implorat, qui oblatam sibi occasionem videns, obsidionem Canusii dissolvit, ac sine morâ Adleidam sibi uxorem jungit. Fuit hic primus Othonis ad Imperium gradus. Archiepiscopus dein Mediolanensis Principum Episcoporumque de more concilio vocatò, ex omnium, qui frequenter conveniant sententiâ regnum Berengario atque Adelberto abrogatum ad Othonem detulit, ipsumque in æde D. Ambrosii urbanâ, magnò apparatu ceremoniâque inunxit, consecratumque coronâ condecoravit, solenni sacramento presentibus omnibus alligatum, se patrimonium suum pro salute ac dignitate Italiæ profuturum, neque ejus rei gratiâ labori periculoque ulli parsum. Inde Romam venit cum magnò exereitu, diu desideratus & cum plausu honorificò exceptus. Pervenerat eo fama nominis ejus illustris, sed eam longè ipsius præsentia superavit, cum & sapientiâ & gravitate præstaret, & se omnibus liberalem præberet atque beneficium. A Pontifice tandem Sellæ Augustali impositus auricæque de more coronâ insignitus est, univèrsò populo cleroque de more certatim faultis vocibus, *Augusto, Imperatorig, felicitatem ac victoriam* acclamante. Sigon. lib. 6. de regn. Ital. Fabric. Orig. Saxon. lib. 2.

TH. XVIII.

Quo ipso Othonem Imperium accepisse in urbem Romam Papam, ac Patrimonium romanæ Ecclesiæ planè asserimus. Et quidem summum Imperium urbis Romæ Otroni concessum fuisse præter Imperatorium nomen, Juramentum etiam confirmat, quo sese Otroni obstrinxerunt cives Romani, & quidem tribus vicibus. Disertè Luitprandus, vel si quis alius auctor eorum est, quæ à capite vi. usque historiæ Luitprandi sunt assura, quem tamē rebus illis omnibus interfuisse constat, de Ottone jam Cæsare

*fare uncto: Jusjurandum verò ab eodem Papà Johanne suprà
 pretiosum corpus Petri, atq̃, ab omnibus civitatis Proceribus, se
 nunquam Berengario atq̃, Adelberto auxiliaturos accepit.
 Idem: Cives Imperatorem cum suis omnibus in urbem susci-
 piunt, fidelitatemq̃, promittunt: hac addentes atq̃, firmiter
 jurantes, nunquam se Papam electuros aut ordinaturos pra-
 ter consensum atq̃, electionem Domini Imperatoris Ottonis Ca-
 sarii Augusti filii, ipsius Regis Othonis. Etiam tertio Roma-
 nos illos cives fidelitatem jurasse Ottoni post tumultum in urbe
 excitatum scribit Regino: Ottonem porro anno 1555. CCCLXII.
 consules Romanos Italiâ expulisse, Tribunos suspendiò necâsse,
 Praefectum Urbis nudatum a sino imposuisse, & utre indutum
 accircumductum virgis deniq̃, casum in carcerem conjecisse
 etiam Baronius memorat. Quod verò de potestate in Pontifi-
 cem concessa Ottoni diximus eam apertè lex Regia loquitur,
 (quo nomine à Goldasto illud decretum venit) quâ à Papâ, Se-
 natu populoq̃ue Romano jus omne & potestas Ottoni I. conse-
 rebatur, cujus non poeniteat quædam verba hic adjicere: Nos
 „ Leo servus servorum Dei, Episcopus, ad idem exemplum beati
 „ Hadriani, cum cunctis similiter Clero, & universò populo Ro-
 „ manò omnibusq̃ue ordinibus hujus, almæ urbis, sicut in suis
 „ scripturis apparet, constituimus, cõfirmamus & corroboramus,
 „ & per nostram Apostolicam auctoritatem concedimus atque
 „ largimur, Domino Othoni primo, Augusto, Teutonicorum Re-
 „ gi providentissimo, spirituali in Christo filio nostro, ejusque
 „ successoribus hujus regni Italiæ in perpetuum, tam sibi eligendi
 „ successorem, quam summæ sedis Apostolicæ Pontificem ordi-
 „ nandi, ac per hoc ArchiEpiscopos & Episcopos &c. ap. Goldast.
 Imperial. Constit. tom. 1. fol. 221. & 222. Sigon. lib. 7. de regn.
 Ital. p. 169. Denuò quæ de patrimonio S. Petri, ut vocant, dixi-
 mus, iis argumento est aliud quoddam senatusconsultum, ex quo
 „ præcipue ad rem nostram faciunt, depromemus: Quæcunq̃ue
 „ (verba sunt illius decreti) Dominus Karolus Rex Francorum
 „ & Longobardorum, & Patricius Romanus, nec non Pipinus
 pater*

pater ejus, de Regalibus regni Italix tribuerunt in sancta Roma. " na Ecclesia Beato Petro Apostolo sive per instrumenta, quæ scri- " pta fuerunt per Etherium Notarium suum, sive per sacram, " sive donationes, seu per alios modos sibi obvenierunt à Justinia- " nò Imperatore, & Aripertò Rege: hæc omnia largimur, & diffi- " nimus vobis Othoni Imperatori & Alheldæ conjugii regniqûe " consorti, vestrisqûe utriusqûe successoribus regni Italix in per- " petuum, præsentibus sacrosanctis Evangeliiis & patrociniis plu- " rimorum Sanctorum. Goldast. d. l. p. 223. Ita ut exindè, ea quæ " volumus, satis probata dedisse planè nobis persuadeamus.

TH. XIX.

In eo nescio annon aliquid peccasse videantur Ottones quod liberalitatis studio nimium concitati, vel quacunque ran- dem ratione moti nimis privilegiis aliquot multas civitates do- tarint, & quas suo Imperio exemerint Episcoporum ditioni ad- diderint. Sub Imperatoribus Francis appellatione civitatis ve- niebat universitas celebrior & auctorior loci muris muniti, in quâ Episcopus & Comes habuerunt sedem, & Comes nomine Regis jure Magistratus Jurisdictionem exercebat. vid. Lymnæ. Jur. pub- lici. tom 3. lib. 7. c. 1. n. 13. Quando verò initium libertatis ab Ot- tonibus cepit, differentia etiam civitatum Imperialium paulatim subrepfit, quod quædam civitates ab Imperatore, ejusque officia- riorum Imperiò prorsus exemptæ fuere: quædam aliorum Prin- cipum Jurisdictione & obedientiâ liberatæ, imperiò additæ, sive vi, sive pretio, sive certis conditionibus & pactis. Primi generis civitates, quæ Jurisdictione Principum ac Comitum in Comitibus universalibus exemptæ & consensu statuum liberæ factæ, illæ ex Imperii civitatibus factæ sunt liberæ Imperiales. quâ prærogati- vâ dignitatis primò Imperii civitates ad Rhenum positæ, nempe illæ, quæ jam sub Francorum Imperatoribus formam ac jura ci- vitatum habuerunt, ex quo postmodum Comitum ac Ducum Jurisdictione ac legibus solutæ essent. Quodammodò hanc rem nobis explicatam dedit Sigonius in vit. Otton. I. his penè verbis: *Libertatem, inquit, in eo posuit (subintellige Ottonem) ut le- ges, consuetudines, jurisdictionem, magistratus, & eligalia,*

sui fermè juris atq; arbitrii haberent, ita tamen ut sacramentum Regibus dicerent. Quocirca alios sibi prefectos Rex, alios sibi civitates ipsa constituerunt. Ac quos quidem Rex ad jura reddenda & populos in fide continendos in provinciis collocavit, ij Misi, sive nuntii, sive Legati Imperatoris vocati. Quos verò populi ad regendam civitatem & jura moderanda posthac creârunt, ij consules duo aut plures fuerunt ex antiquâ Romanâ Republ. sumpti, qui quotannis ex singulis civitatibus creati, aut apud Episcopum aut apud nuntium Regis jurârunt. Sigon. lib. 7. de Regn. Ital. p. m. 175. quibus adde constitutionem Ottonis II. de confirmandis privilegiis Maydeburgensium de anno 978. ap. Goldast. tom. 1. Constitut. Imperial. p. 225. Servitus verò quarundam in eo posita, ut antiqua tributa foderum, paratam, mansionaticum penderent. Erat autem foderum pecunia, quæ Caroli instituto, annonæ nomine, venienti in Italiam coronæ causâ Regi, persolvebatur: parata, quæ in vias pontesq; fluminum, quâ transiturus Rex erat, reficiendos: mansionaticum verò, quod in statum ejus impendebatur, qualia tamen, cum non tam ad rem faciant aliq; loco servanda. vid. Sigon. histor. Bononiens. lib. 2. p. 36. & totidem fermè verbis lib. 7. de regn. Ital. p. 175.

TH. XX.

Ad Ottonis III. tempora plerique eruditissimorum virorum, nescio quâ caligine involuti, originem Septemvirorum referunt, cui quid veri subsit, nunc videndum nobis. Memorant id factum occasione alicujus Crescentii, quem Otto Româ expulerat, & debito supplicio affecerat. Stimulatus indè Crescentius dominandi libidine, Gregorium Pontificem exegit, ac Johannem in ejus locum surrogavit. Quæ res adeò malè habebat Ottonem ut exercitu Romam adducto, urbem obsidione cinxerit, Crescentemque captum tanquam majestatis reum cum duodecim aliis sædissimò supplicio affecerit. Cùm cives omnium rerum, qualis in obsessis plerumque urbibus solet inopiâ consistati, iram in Joannem avertissent, eumque captum erutis oculis atque auribus & naso

naſo præciſis, a ſinò præpoſterè circumduxiffent: Quamvis ſine, qui Joannem cum Creſcente captum ac luminibus orbatum in exilium miſſum tradant. Sigon. lib. 7. de regn. Ital. p. 184. Indè commotum ajunt Pontificem, ad redhoſtiendum hoc beneficii genus, ac tantorum Principum gratiam ſibi conciliandam ſanctiõnem tuliffe: *Imperatorum nullus hereditariam ſibi dignitatem venaicato: Principes ſex, ſacri ordinis tres, profanito. tidem, cum deligunt: Hiſi diſcordes fuerint Bobemia Regem cooptanto.* Petr. Bizar. lib. 23. hiſtor. Genuenſ. p. 554. Bellarmin. lib. 3. de translat. Imperii c. 2, p. 290. Hæſententia adeò multos in ſuam ſententiam traxit, ut contradicere fermè piaculo duxerim. Tuentur eam Marſili Patavin. de translat. Imperii c. 21. Ludolphus de Babenberg. de Juribus Regni & Imperii c. 3. Krantz. in vit. Otton. III. lib. 4. c. 25. Blond. decad. 2. lib. 3. Simon. Schard. in lib. ſingulari de Elector. Orig. c. 1. & paſſim. Petr. Heig. quæſt. jur. part. 1. quæſt. 3. Fabricius: Orig. Saxonie. p. 7. & lib. 2. in vit. Ottonis III. p. 231. & 232. Liebenthal. Exercitat. IX. Q. II. Et hætenus quidem omnes conveniunt, niſi quod quidam originem hujus rei, Pontifici acceptam ſerant. Bellarmin. rot. lib. de translat. Imper. & quidem nominatim c. 1. totam illam conſtitutionem Pontifici Gregorio aſcribit, & Ottonem Imperatorem planè ab eâ remoyer, in princip. verò cap. 3. ſummam quidem Pontifici aſcribit, conſenſum tamen Imperatoris adhibitum non negat. Sitamen magis amica veritas quam amicus Plato, amicus Ariſtoteles, quid veri huic opinioni ſubſit, paulò pluribus excutere operæ pretium duxi.

TH. XXI.

Et quidem primò bonâ fide ſtatui poteſt, neque Witichindum, neque Luitprandum, neque Lambertum Schaſnabrugenſem, neque Reginonem Monachum, & Abbatem Prumiẽſem, neque Ottonem Episcopum Friſingenſem, neque Abbatem Uſpergenſem, neque Sigebertum Monachum Gemblacenſem, qui tamen ante Friderici II. obitum ſcripſerunt, hujus Ottonianæ conſtitutionis vel verbulò meminiffe, mulò minùs confirmatiõis alicujus Gregorianæ. Quod ut rem memoratæ digniſſimam.

si quidquam non omisissent, quæ res multò leviores consignarunt.
 Primus ferè, qui Electores nominant reperitur Abbas Staden-
 sis & Martinus Polonus Innocentii IV. pœnitentiarius, qui verò
 imperante demum Friderico II. atque aded ducentis quadragin-
 ta amplius annis à morte Ottonum vixerunt. Et tamen si verba
 Poloni rectè inspicuntur, alia & ipsa mentem, quàm quæ opini-
 onis errore iis affingitur, præ se ferunt. Verba Poloni ita habent:
Licet isti tres Ottones per successionem generis regnârent; ta-
mē postea fuit institutum, ut per Officiales Imperii Imperator
eligeretur, qui sunt septem, videlicet primi tres Cancellarii,
Moguntinus Germania, Trevirensis Gallie, Coloniensis Italia,
Marchio Brandeburgensis Camerarius est, Palatinus Dapifer,
Dux Saxonie ensē portat, Rex Bohemie Pincernam agit.
 Hæc iste, qui nec ullus constitutionis meminit, sed hoc tantùm
 affirmat, post Ottonis tempora tepisse Officiales Imperii eligere.
 Deindè nec Gratianus, qui circa annum Christi 1151. decreta, con-
 stitutiones, & statuta Pontificum descripsit, ullam hujus vel con-
 stitutionis, vel etiam Papalis confirmationis mentionem facit.
 Neque in Basilicâ D. Petri inter elogia Gregorii V. quæ cætera om-
 nia hujus Papæ facta magnificè deprecatur, hujus rei vel vola-
 vel vestigium. Accedit huc editum tempore demum Heinrichi
 IV. in Forcheim (quo ArchiEpiscopi, Episcopi, Duces, Comites,
 Majores, minoresque, cum Legato Apostolico convenerant) fa-
 ctum, ut Regia potestas nulli per hereditatem, sicut autè fuit
 consuetudo, cederet, sed filius Regis etiam si valdè dignus esset,
 per electionem spontaneam, quam successionis lineam Rex pro-
 veniret: si verò non esset dignus filius, vel sinollet, eum popu-
 lus, quem Regem vellet facere, in potestate haberet. ap. Goldast.
 Constit. Imperial. tom. I. p. 238. Cui edito coneradixit Heinrichus
 VI. qui propter frequentes mutationes Imperatorum, ordina-
 vit, ut amplius electio non fieret, sed per solam sanguinis suc-
 cessionem Imperium deferretur, ita ut qui propinquior Impe-
 ratorie esset, hereditariè fieret Imperator. Goldast. tom. I. Con-
 stit. Imperial. p. 287.

TH. XXII.

Denaò probari potest non solos septem hos Principes, sed alios quoque jus suffragii obtinuisse. Apud quos ante Ottonem III. hæc dignitas præcipuè fuerit, diligenter notavit Onuphr. Panvin. de Comit. Imperat. c. 6. Post Ottonem in electione Heinrici V. notantur præcipuè *Adalbertus Moguntinus, Fridericus Colonienfis, Oudalricus Constantiensis, Arnolphus Spirensis, Oudalricus Abbas Fuldensis, Henricus Dux Bavaria, Fridericus Dux Suevia, Godofridus Palatinus Comes, Beringerus Comes de Sultzbach*, ap. Goldast. Constitut. Imperial. pag. 259. ubi in margine à viro hoc nunquam satis laudatò exprimitur, id, quod nos elicere volumus. *Hinc discimus*, inquit, *jus eligendi Imperatorem ceu penes universos Imperii Principes non verò penes solos Septem viros Electores us bodiè existisse*. His adde etiam *Bernardum Paderbornensem, Thietmarum Mindensem*, & alios in Epistolâ ad Innocentium Pontificem de confirmandâ Ottonis IV. electione apud eundem p. 287. Quæ cum Cardinalis Bellarminus negare non possit, hoc tantùm excipit, electionem incepisse tempore Conradi I. sed constitutionem de eâ sub Ottonis III. latam, & Pontificis auctoritate confirmatam. Rationem hujus effati reddit, quia nullam certum decretum legitur existisse ante Ottonis tempora. Sed nihil indè conficitur, ut vel inter pueros Logicorùm constet. Licet enim negare, prioribus seculis gesta esse, non valeat consequentia, quod annalibus non sint expressa, valet tamen, quantum ad nostram scientiam, quod de eò nihil certi possumus affirmare, nisi etiam de contrariò constet. Ne dicam electionem semper fuisse populi Germanici, licet Imperatores sibi interdum aliquid de factò arrogarint, quâ de re vid. Lehmann. Chronic. Spirens. lib. 5. c. 17.

TH. XXIII.

Attendamus adhuc quædam autorum testimonia, qui singulorum Imperatorum electiones nobis reliquerunt. *Henricus I. pater Helicone, natione Noricus, ejusdemq. gentis Dux ab*

omnibus regni primoribus electus Rex creabatur. quod est
testimonium Episcopi Frisingensis histor. suar. vii. c. 17. Anno
ab Incarnatione Domini M. XXV. defuncto sine filio Heinricho
Chunradus natione Francus ab omnibus electus regnū sortitur.
 Addunt Abbas Urspergensis & Sigon. in ejus vit. nonnullis Prin-
 cipibus in Cononem Ducem animo propendentibus rem consi-
 liū Arlbonis (vel ut alii legunt Abbonis) perfectam, sequuti au-
 taritate Heinrichi antecessoris, qui de successore consultus:
 Conradum inquit Franciæ Ducem, virum consiliō manuque
 promptum eligit. In comitis quoque Imperii, quibus Heinrichus II. Imperator Chunradi filius, Rex renunciatus est, nulla un-
 quam septem Electorum mentio fit apud hos scriptores, qui tan-
 tum regni Principum meminerunt, quō tempore Dux Bohemiæ
 rebellio erat. tantum abest, ut electionis jure ardua hæc negotia
 tradidisset. De electione quoque Heinrichi III. Imperatoris, qui
 patre vivente Heinricho II. Rex appellatus fuerat, sic scribit Lam-
 bertus Schafnaburgensis, qui eō tempore vivebat: *Anno Domi-*
ni M. LII. Imperator Heinrichus II. natalem Domini Poletba ce-
lebravit, ubi filio suo Heinricho adhuc Catechumeno Principes
regni sub juramento fidem promittere fecit. Quod si quis cla-
 rius & apertius hæc videre velit, legat ejusdem Lamberti histo-
 riam, ubi Rudolphi Ducis Svevorum electionem describit, qui
 Rex Germaniæ in Schismate contra Heinrichum III. à Principum
 Imperii parte renunciatus fuit, quibus Comitibus præter multos
 Germaniæ Principes sacros tum profanos, quoque duo Gregorii
 VII. Legati Cardinales interfuerunt. Quod electio etiam Hein-
 richi IV. Moguntiz facta confirmat, *in quo quinquaginta duos*
vel eō amplius etiam Imperii Principes tum Ecclesiasticos, tum
Laicos, excepto Duce Saxonia Magnò, quem tum gravior aetas
impediebat, fuisse congregatos legitur, vid. Otto Frisingensem.
 lib. 7. c. 11. Abbat. Urspergensensem in Chronic. anno M. CVI. Atq;
 hunc ferè in modum reliquosque Imperatores Lotharium II.
 Conradum III. Fridericum Ænobarbum, Heinrichum VI. Orthonem IV. & Fridericum II. electos fuisse ex allatis modò. autoribus
abundè

abundè constat: adde Onuphr. Panvin. de Comit. Imperator. c. 6.
Lymnz. Jur. Public. tom. 1. lib. 3. cap. 1. Reinhardum Rönig Po-
litic. lib. 1 c. 34.

TH. XXIV.

Nititur itaque veritatis talo, illam sub Othone III. Septem-
virorum institutionem nullò planè historicorum suffragiò fun-
datam. Et quamvis demum Friderici II. tempore magnam hi se-
ptem præ cæteris Principibus in eligendo Imperatore authorita-
tem habuerint, reliquos tamen nec tum fuisse exclusos, adeoque
verisimile sit post mortem Friderici II. in illo multorum anno-
rum interregno & statu turbulentissimò hos septem Principes ut
potentiores hoc jus sibi sumpsisse, quod etiam A. B. confirmat,
quæ cap. 1. non ad constitutionem aliquam, sed consuetudinem
provocat. In quam opinionem etiam Arumæus transcendit, dis-
curs. 3. ad A. B. conclus. 5. Quæ quoque sententia est Onuphrii
Panvinii d. l. c. 9. ubi hanc institutionem Electorum in magnò
Conciliò Lugdunensi secundò, quod ex autoritate Gregorii X.
Papæ post Rudolphi Habsburgensis electionem celebratum fuit,
receptam fuisse & confirmatam, quod ab eò deinceps tempore
multa Electorum mentio haberi incipiat, atque singulorum Im-
peratorum Comitiorumque, quæ ab his VII. Electoribus habita
fuisse illorum temporum auctores scribant. Indeque errorem
nominum suboritur, V. pro X. ponentium conjecturà non o-
mninò improbandà proponit. Cum illud certum sit, quòd circa
hæc tempora penes solos hos septem jus Electionis remanserit,
quod confirmatum dein A. B. Caroli IV. ita vires in Imperiò
sumpsit, ut ad hæc nostra quoque tempora durer, excutere,
quinam creandi Imperatorem modus per A. B.
exhibeatur, propositi nostri ratio
suadet.

CAP. III.

CAP. III.

Aureæ Bullæ originem & quædam de Electo- rum numero eorumque eminentiâ commemorans.

TH. 1.

Quemadmodum omne regnum: Ita & nostrum Imperi-
um habet suas leges fundamentales, ita dictas, quod his
ceu fundamento innitatur per eas consistat, vigeat flo-
reat. Inter eas verò præcipua est A. B. Caroli IV. quâ
tamquam basi imperium nostrum nititur, æterno nixutum. Si
tamquam Oratores in campum hunc prodissentus larga com-
mendandi se offerret materia. Omnino nobis esse potest, quod
Romanis Ancile, quo salvo se quoque salvos fore vel ex ipso Mu-
sarum edicto, quod Numa Pompilius inculcatum sibi ferebat,
sperabant Godolevz: ad Liv. p. 19. Qui primam Bullarum origi-
nem memorant, eam gestamen quoddam puerorum fuisse com-
tendunt: Quò procul dubio illi Persii versiculi faciunt, quos ex-
hibet Satyr. 5. vers. 30.

*Cum primum pavida custos mibi purpura cessit,
Bullâq; succinctis laribus donata pependit.*

Quod clarius adhuc Cic. in Verrinis explicat: *Bullâ*, in-
quiens, *in togâ prætextâ, erat ornamentum pueritiæ*. Hujus
rei institutum quidam à Tarquinio Priscò repetunt vid. Panci-
rolli lib. de perdit. rer. tit. de habitib. & vestiment. veter. p. m.
150. Alii ad rempora Romuli & illa privilegia mulierum, quæ il-
lis exhibita, cum caprò à Sabinis Capitolio & signis in mediò fo-
rò collatis, interventu suò pacem inter dimicantes conciliassent
hostes. Lazarus Baysius de re vestiariâ c. 10. paulò aliter Macrob.
lib. 1. Saturnal. c. 6. Nonnulli ingenuis pueris credunt attributum,
ut cordis figuram in bullâ ante pectus annecterent, quam inspec-
tentes ita demum se homines cogitarent, si corde præstarent. Alii
ex ipsò nomine rationem nectunt, & cum Varrone tradunt, cum
consilium (quod Græcis Bule est) Æolicè Bolla dicatur, hoc pu-
cria

eris signum probi consilii fuisse additum, quasi ætas ea alterius consilio sit regenda. Joh. Pierius hieroglyph. lib. 41. Perottus in Cornucopiæ bullam dictam trasserit, à similitudine ejus bullæ, quæ Spiritu in aquis excitatur, præcipue dum bullit, figura rotundæ & à quæcumq; mox deficiet notissimum illud proverbium: *Homo bulla*. In quâ auditorum diversitate quamvis nihil certi statui possit, tamen illud satis constat, nomen bullæ prisca latinis pro re tumida, ut in aquis guttæ sunt, quæ orbiculantur, in singulis ornamento, in clavis capita, Lips. in Analectis ad milie: Roman. Tiraquell. de nobilitat: c. 37. n. 166. Posteris verò pro sigillo majori usurpatum, c. licet, de crimine falsi. Exindè bullare pro sigillare, & bullator pro sigillatore dicitur. d. c. licet §. eos etiam. Denique per metonym: adjuncti pro subiecto diplomata etiam, quibus bulla appendebatur, bullas appellatas fuisse satis constat. Idque non solum in linguâ Latinâ constituisse, verum etiam in Germanicam nostram transmigrasse, præter alia multa testatur, *Rechts Abschied zu Augspurg Anno 1530. §. Nach dem Churfürsten und gemeinen Ständen* ibi: *Die Bullen geistlicher Heiligkeit von Verkaufung geistlicher Güter* & infinita loca, ubi mentio fit der güldenen Bullen. Harum verò quatuor imprimis genera fuisse, auream scilicet, argenteam, ceream & plumbeam, optimè observavit quidam non inferioris sortis homo, quas expleatas vid. apud Lyman. Jur. public. lib. 1. c. 11. Nostra illa nomen aureæ meruit, quod nomen plumbea, quam sui Juris fecerunt Pontifices lib. 1. ceremoniar. Eccles. Roman. c. 2. in fin. Sed aureâ Imperatoris Bullâ seu signetò obsignata fuerit. Imperatorum enim concessionibus & sanctionibus gravioris momenti, aurea appendi consuevit, cujus vel adipeus solus immensum quiddam majestatis & gloriæ contemplantibus ingerit, & venerabundos cogit summi Imperii & veteris Romæ atque aurei sæculi meminisse, ut Franciscus Petrarca de oblatâ Comitissâ sub aureâ Bullâ alibi loquitur. Sanctio itaque ipsa Synecdochicâ denominatione A. B. ab ejus appenditione appellatur: *Carolus Imperator*, inquit Trith. in Chron. Hirsaug. *Anno 1350. Bullam dictam Auream quia sigillo aureo roborata, conscribi fecit*.

Autorem satis notum Carolum IV. agnoscimus, qui propterea *minimè pœnitendus Imperiò Princeps censeri debet.* Fabric. lib. 6. Origin. Saxonie. Non exclusis tamen Principibus ac Statibus Imperii, quos simul de A. B. promulgatione participasse expræfat. A. B. in versicul. Assidentibus nobis omnibus Principibus satis superque constat. Caroli verò dicitur, quod sub ipsius directione & nomine cum usu publicò communicatà fuerit, cuius etiam propriâ manu Bullam conscriptam, sunt qui planè autument. Quod si fortasse non verius (sunt verba Lymnzi) tamen Bullæ nostræ decentius, quam cum aliis Bartolo hoc adscribere, præsertim cum is eò, quò hæc publicatà est anno in vivis esse desierit Funcius in Chronolog. p. 159. Occasio quâ motus fuit Carolus præcipuè subnatâ in Imperiò feruntur lites, quas circa electionem Imperatorum principes movere solebant. Eousque enim ambitio eorum exarserat, ut primum sibi quisque locum & autoritatem in eligendò assidendòque vindicaret, nedum ut alius alium in honore deferendo præveniret. Unde similitates inter illos & aliquoties eades è domesticò illò dissidiò suscitabantur. Sunt, qui nescio quibus cavillandi stimulis correpti idèò à Carolò institutam fingunt Bullam, ut electionem Regis Romanorum vivente adhuc Imperatore introduceret, facilioremque aditum hòc modò Wenceslao filio ad Imperium sterneret Canin. ad A. B. p. 103. Sed, præter, quod hæc de re in A. B. nihil dispositum, & per ejus sanctionem Regem Romanorum vivo Imperatore eligere non liceat, quod in contrarium non sit præsumptio, magis mens Imperatoris ex verbis in Proœm. A. B. positæ est dijudicanda: *Tu quidem (verba habes Imperatoris) invidia Christianum Imperium à Deo, ad instar S. & individue Trinitatis, fide, spe, & charitate, virtutibus Theologicis roboratum, cujus fundamentum super Christianissimo regno feliciter stabilitur, antiquò venenò, quod velut serpens in palmites Imperiales, & membra ejus propinquiora impiò scelere vomuisti, ut consussis columnis totum adificium ruina subjiceres, tentasti. Divisio-*
nens

nem inter septem candelabra lucentia in unitate spiritus septiformis, quibus sacrum illuminari debet Imperium, multoties posuisti. Sanè cum ex Officiò, quò Cæsareà dignitate patimur, futuris dissensionum & divisionum periculis inter Electores ipsos, de quorum numero, ut Rex Bohemia, esse dignoscimur, ratione duplici, tam ex Imperiò, quàm Electionis jure, quò fungimur, occurrere teneamur. Planè hæc talem loquuntur Imperatorem, qualem Justinianus in pr. Institut. depingit, dum Imperatoriam Majestatem non tantum armis decoram sed etiam legibus voluit armatam, & suo quasi exemplo quemvis monuit, ut omnia in meliorem statum studeat reducere. Promulgatio A. B. in solenni curia Norinbergensi facta anno millesimo trecentesimo quinquagesimo sexto, ut verba A. B. in fin. proœm. habent. Hæc. quæst. 4. n. 10. Goldast. tom. 1. Constitut. Imperial. p. 101. id què indubitatum ferè, quoad Leges 24. priores, in nostrâ Bullâ positas. Reliquas enim, quæ has 24. sequuntur Metis prioribus adjectas clarissimum facit tit. in verb. Infra scriptæ leges promulgatæ sunt in Curia Metensi per Dominum Carolum IV. Romanorum Imperatorem & Bohemiæ Regem Augustum Anno Domini 1356. vid. quæ habet Limn. Jur. public. lib. 7. c. 11. Arum. discurs. 1. ad A. B. quæst. X.

TH III.

Quocunque autem locò editæ fuerint hæc leges, in perpetuum sunt duraturæ, ut sæpius inculcavit Imperator. *Decernimus & præsentî edictò Imperiali perpetuò valituro sancimus.* tit. 1. tit. 8. versic. ad Adjicientes expresse. tit. 9. pr. tit. 3. versic. habitâ deliberatione tit. 4. in pr. it. §. 2. Quoties & quando. tit. 6. in pr. *Decernimus nunc & perpetuis futuris temporibus in omni suo tenore & formâ indubiam tenere robore firmitatem.* tit. 7. in fin. Confirmat hoc Capit. in quam juravit Carolus V. ap. Sleidan. lib. 1. Nisi Electores, cæteri què Imperii Ordines pro statu & utilitate Reipublicæ in abrogationem vel immutationem consenserint. Nihil enim tam naturale est, quàm eodem modo aliquid, quo ligatum est, dissolvere. l. 35. ff. de R. J. Est enim ea na-

tura omnium legum positivarum ut mutari in singulos dies possint, modò utilitas publica, pro quâ susceptæ abrogationem exigat. Hæc enim suprema lex est, cui inferiores omnes meritò cedunt & subjiuntur. Ad quod sine dubio A.B. c. 12. §. 2. respexit, dum eam, quàm paulò antè explicaverat ordinationem ad suam & Electorum duratam beneplacitum duraturam constituit. Inde multi salvari poterunt actus ArchiPrincipum, Electorum & Ordinum Imperii consensu contra sanctionem hanc celebrati, & per contrariam observantiam & consuetudinem introducti, ut hinc de collapsâ A.B. iustitiâ & partim obsolescâ, & malè abrogatâ ejus observantiâ conquerendâ causam fortè haud sufficientem habuerit, Goldast, in Bohem, lib. 4. c. 6. n. 22.

TH. IV.

Dispositum autem præcipuè in A.B. tum de eligentibus, tum de personâ eligendâ, tum etiam de ritibus & cæremoniis in eligendo observari solitis. Eligentes sunt septem Electores, quorum varia illaq; præclara encomia hinc inde dispersa extant. Vocantur decus Imperii, illustres Principes, Electores, per quos cepit, & in quibus consistit Imperatoria gloriæ celsitudo. Sigismund. in Constit. de J. & successione Elector. Palatin. §. 1. septem candelabra lucentia in unitate Spiritus Septiformis, quibus sacrum illuminari debet Imperium: Palmistes Imperiales & membra ejus propinquiora, in procem. A.B. solida bases Imperii & columna immobiles tit. 12. quæ sacrum adificium circumspiciunt prudentia solerti pietate sustentant, quarumq; potentiâ dextra Imperialis potentie roboratur, tit. 3. Oberste und allernächste Glieder des Heil. Reichs. In der Ehurf. Wirtell. Als König Wenceslaus abgesetzt worden. ap. Goldast. in Reichsfagung. p. 159. Besondere Glieder des Reichs. In der Handlung Ehur und Wahl des Großmächtigen Königs Karls. ap. Goldast. in Reichs Handlung. pag. 97. Oberste Väter und Rathgeber der Deutschen Nation. ap. Horleder. de caus. belli Germanic. lib. 1. c. 37. p. 292. n. 111. Planè illos Imperator in partes corporis sui ascivit: Eripit, inquit, pars corporis nostri sunt. A.B. sub tit. 24. Qui vero Electores

Electores sint, id passim ex A.B. præcipue verò tit. 4. ubi votorum colligendorum ratio extat colligitur. Undè quasi intuitu illorum tam nomina quàm Officia nobis exhibent versiculi illi, rudi quavis Minervâ conscripti :

*Moguntiensis, Trevirensis, Coloniensis,
Quilibet Imperii sit Cancellarius horum,
Indè Palatinus Dapifer : Saxportitor Ensis ;
Marchio Præpositus Camere : Pincerna Bohemus.
His statuunt Dominum cunctis, per secula summum.*

Histor. Eccles. Magdeburg. cent. 10. c. 16. Lampad. in Re-
publ. Roman. Germanic. magis ornate Reusner. in descriptione
urbium Imperial.

TH. V.

Ceterum sicut inter homines nihil tam sanctum, quod illi
virtutum Sandapilarii & bonæ mentis tortores sacrilegò non con-
taminent ore, nihil tam honestum, quod non furialiter allatrent,
nihil denique tam pulchrum, quod improbè non commaculent.
Ita & saluberrima hæc Collegii septemviralis Institutio suos inve-
nit osores, corrosoresque. qui universo Imperio Romano illam
damnosam exitisse clamant, quod indignè serentes exteræ nati-
ones, Galli, Hispani, Angli, Scoti, Poloni, Dani, Norwegi, Sweci,
aliique Duces & populi, ejus Imperii onera subire, à cujus sum-
mis honoribus exclusi essent, contra illud Plinii, Imperatorum
ab omnibus eligi debere contendentes Nicol. Beisius, c. 1. de pact.
fam. illustr. jugum excusserint. Ventur. de Valcat, lib. 1. c. 17. v. 32.
Sed nescio annon hæc regnorum avulsio magis populis illis, spe-
cioso libertatis nomine, ad rebellandum illectis, Pontificum
Romanorum consiliis & molitionibus in Imperii perniciem, se-
dis verò Romanæ exaltationem, excitatis, denuò exteris etiam,
qui plenò imperio in hæc regna effusi, ea sui Juris fecerunt, quam
institutioni Electoralis Collegii sit accepta referenda. Marfilius
Patavius in defensione Ludov. Bavari in Præfatione. Quode-
nim seculi nostri vitium est, nullum delictum tam atrox, quod
non virtutis Speciem mentiri velit. Prudentiori longè instituto

Franciæ Orator ad Electores circa Electionē Caroli V. occupatos. Nunquam, inquit, *auspicius*, nunquam *fortunatius*, nunquam *melius feliciusq;* consultum fuisse *augustissima Imperatoris Majestatis culmini animadvertimus*, quam ubi deligendi *creandiq;* Romani Regis ac subindē Imperatoris potestas atque auctoritas omnium Principum Christianorum consensu, vobis *Septemviris tradita est*. Vos, inquam, *septem Principes*, qui *veluti Septentriones in calō*, reliquas *splendore atq;* *Ordine* *stellas antecedunt*: ita vos in terris auctoritate, potentiā, viribus, consilio, generositate, sapientiā, non modō Germanicę, sed aliarum quoq; gentium Proceribus ac Principibus *præluceatis*. ap. Goldalt. Politic. Imperial. part. 1. discurs. 6. p. 110.

TH. VI.

In investigandō numero, nimium scrupulosi existunt auctores, quā ratione factum, quod septem Electoribus hæc provincia fuerit tradita. Sunt planē qui ad Persas hujus rei originem referunt, nescio annon huc trahentes, quod septem Principes occisus Magis inter se de regnō decertassent, ac electionem satō transmississent. Justin lib. 1. Instituto pene, quo Livius numerum duodecim licitorum ab Etruscis ad Romanos à Romulo traductum putat, quod in confinio eorum positi essent. Liv. lib. 1. c. 8. Non enim dubitarem, quod hujus sententię assentatores, id imprimis fecerit, quod Germanos majores nostros Persarum olim fratres iisque primā origine conjunctos existimārent: ut cum nonnullis voluit Piccardus in Orat. de ortu primo & migratione veterum Germanorum, in quorum errore refellendo occupatus est immor. Jur. public. lib. 1. c. 6. Et cur non potius diceremus, Electores septem ad exemplum septem lucernarum, quarum ap. Moysen lib. 2. c. 25. v. 27. fit mentio ad illuminandum Imperium, ut verba A. B. in princ. habent, fuisse introducos. Alii aliquid mysterii in numero numerante quærunt, quem Hebræi sacrum, G. lenus perfectum vocat, quod & in sacris hōc numero magni momenti res aliquandō absolutas legamus, ut pater ex Genes 2. v. 1. Jos. 6. v. 4. & 18. & magnas itidem in eō operationes & mutationes conspicimus

amus, de quibus præter alios Benedictus Pererius in acroasi Physic. Aristot. Sed nescio annon hos vel soli Logicorum pueris sum-
movere possent, inter quos quam nulla quantitatis efficacia, satis notum. Imò cum alii novenario: alii ternario (quem & primum esse numerum non binarium tradit Alberic. Gentil. Lecti-
on. Virgil. c. 15, cujus tamen saluum sit hæc de re judicium) perfectionem tribuant, & quilibet numerus suæ laudis materiam ingenioso præbeat, septenario palma cur deferenda, planè non video, fortè si etiam mutationes quædam, quæ sub numero septenario accidunt, aliquid magis influxui astiorum debeant, quam numero, quæ causa, quia non æquè patet, per comites numeros judicari, vel ut verius dicam, conjecturari solet. Connimbric. lib. 1. de generat. & corruption. c. 4. quæst. 2. art. 2. Quidam concedunt in sententiam Simonis Schardii de Orig. Elector. c. 9. qui olim quatuor fuisse Ordines Electorum Laicorum; Regum Ducum, Marchionum Comitum. Ne autem electionem ad paucos devolvendo, ullus prædictorum Ordinum, de eo posset conqueri, ac, si præteritus & exclusus, unum ex Regibus unum ex Ducibus, unum ex Marchionibus, unum ex Comitibus, cum Ecclesiasticis tribus admissos fuisse, qui cæterorum vice & nomine electionem peragerent. Arum. h. conclus. 7 Onuphr. Panvinio maximè hic numerus ad eligendum accomodatus videtur, quod aliis tribus dissidentibus, quartus omnem dissensionem & discordiam tollere possit, de Comit. Imperator. c. 9. Quæ sententia non admodò absurda, si Onuphrius hæc tantum ad imparitatem numeri restricta velit, nec præcisè ad septenarium, quod aliàs ternarius quoque, numerus, aliique hæc vice fungi possint. Indè si nulla satis ex his probabilis videatur sententia, nescio annon ad illud commune ignorantium asylum nobis quoque confugiendum, quod scilicet non omnium, quæ dicta sint, possit reddi ratio, l. 20. ff. de LL. vel dicendum, quod majoribus nostris ita placuerit quam rationem Dn. Vultejus de septem testibus in testamento adhibendis proponit. in §. possunt. §. n. 27. Instit. de Testam. Ordinand. Cui tamen hoc superaddendum censemus, præcipuam horum in Imperiò invaluisse auctoritatem, ita ut velut consuetudine penes hos tantum illud juris remanserit.

Ejus paulò certius haberi potest notitia, hunc numerum se-
penarium ad eò ad strictam fuisse observantiam redactum, ut Ma-
ximilianus I. petens Archiduces Austriæ in numerum Electorum
cooptari nihil effecerit. Hartm. Maur. in Coronat. Caroli V. Im-
perator. Freher. ad Petrum de Andlo. lib. 2. c. 1. nec Gabriel Trans-
sylvaniæ & Zeculorum Princeps, dignitatem Electoralem effagi-
tans eam obtinuerit Molchior Goldast. de Regni Bohem. lib. 3. c. 5.
n. 5. p. 288. Illius quoque ratio forsitan magis in promptu, quod
hoc collegium ex Ecclesiasticis & Secularibus coordinatum quasi
& connexum fuerit. Jam olim enim præcipua horum ArchiEpi-
scoporum in omnibus Imperii negotiis habita fuit ratio, Onuphr.
d. l. c. 9. nec Laici tantum sed Clerici quoque ad electionem Im-
peratoris admittebantur. Indè ut olim, ita & postea electionis
Jure in paucos translato, voti sui compotes æque ut seculares fie-
ri debebant, ut non solum essent viri bellicosissimi, sed etiam do-
ctissimi, qui præsidio sub dexteram Imperialis potentie robo-
rarent, & sacrum ædificium circumspiciæ prudentiæ solerti pie-
te sustentarent. A. B. tit. 3. Crediderunt enim veteres sine sacer-
dorum interventu, nihil felici omine posse expediri. Petr. Heigi-
part. 2. quæst. 4. n. 61. ac ita demum in portu consistere existi-
maverunt Rempublici, si ex rogatâ & armatâ militiâ Senatus Imperii
constitueretur. M. Stephan. de Jurisd. lib. 2. p. 1. c. 5. n. 8. Sacer-
dotes quidem quanti nostri majores fecerint, vel indè patet, quod
de re aliquâ publicè consultaturi ejus eventum ex sacerdote sor-
tes auspiciæque observante sciscitarentur. Tac. de mor. German.
p. m. 406. Quod nec à Romanorum moribus alienum, apud quos
Pontifex præcipuæ dignitatis, cujus scitis omnia publica priva-
tæque sacra Noma Pompilius subjecit, ut esset, quod consultum
plebs veniret Liv. lib. 1. c. 20. Quo spectat honor, qui dissecit no-
væculæ cote, Accio omni quæ augurum sacerdotio accessit, ut po-
stet nihil domi bellique nisi auspiciatogereur. Liv. lib. 1. cap. 36.
Ad eò semper ac ita quædam Numini reverentiæ maximum cir-
ca sacra occupatis paravit honorem, ut eventum quoque rerum
minus felicem horum neglectui acceptum ferrent. Quæ ratio ut
non improbanda omni modò videtur Sleidano, non potest tamen
non

non adficere illud etiam Pontificis consilio factum, ut potestatem, quam arrogaverat sibi in Imperii negotiis confirmaret Sclidan, in Orat. elegant. ad Princip. p. 9.

TH. VIII.

Eminentia horum Electorum maximè fulget, & cæteris Imperii Principibus præfulget. Quæ enim major vel sublimior dignitatis amplitudo, hisce Principibus deferri potuisset, quam quod præ cæteris digni sint habiti, quorum humeris tanquam firmissimis columnis Germanici imò Occidentalis Imperii celsitudo committeretur: & ut ex ipsis tanquam generosisimò germine Imp. decedente Aquilâ, quæ umbrâ alarum suarum Occidentem tegeret produceretur? Sit sanè aliorum Principum dignitas magna, hæc verò tantò major augustiorque est, quanto Imperiali fastigio propior, ejusque quasi legitima & ordinata creatrix esse videtur, quæ verba sunt Simonis Schardi princip. de Origin. Elector. Est maximè hanc in rem decretum Rudolphi II. de dato 27. Julii anno 1590 cui sequentia verba se inserta vidisse scribit Henricus Brunning, de variis universit. speciebus th. 10. Daß der Churfürsten Hohelt und Authorität mit etnes Römischen Keyseris Gewalt und Hohelt/ daher sie fleisset dermassen verbunden/ daß ohne die ander nicht verschmählet werden/ auch ohne die ander nicht bestehen kan/ ja daß die Höchste Würde des Churfürsten/ damit sie vor den andern Königen und Potentaten gestiet/ eben diese ist/ daß sie einen Römischen Keyser/ dessen Hohelt/ Authorität und Gewalt alle andere übertrifft/ von der auch alle andere herfleissen/ zu wehlen habẽ. Olim quoque apud Lacedæmonios Regibus Ephori adjungebantur (quorum præcipua apud Æmil. Prob. incidit mentio, & non incongruè in vit. Pausaniæ illorum potestas delineata sistitur) his Albinus de famil. Wittichind. Septemviros comparat: & apud Hetruscos Lecumones, Alb. d. l. Sic. apud Romanos Interreges constituti, quibus Comitia habentibus aliquis Rex eligebatur. Liv. lib. 1. c. 32. Halicarnass. lib. 4. Gallios illos vocant Ordines Regni, inter quos præcipuè sunt pars numerò duodecim, qui in Laicos & Ecclesiasticos dividuntur quâ de re vid. præcipuè Otton. Jur. public. c. x. p. 214. Quorum fortassis ut aliqua cum nostris in-

de Jure & antiquâ consuetudine potestatem eligendi Regem in Imperatorem promovendum, ad ipsos Principes pertinuisse, E. Pontificem autorem excludit, proinde propositio exclusivæ, quæ non admittit illos casus, quos excludit. Secundò etiam tantum recognitionis debite seu assensus meminit, qui tamen non ita necessarius, ut annullare hunc actum potuisset, nisi intercessisset, sed tantum comprobativus, qui statum Ecclesiæ & Reipubl. necessarium commemorat. Ad consuetudinem igitur, quæ maxime Electores in Comitibus Reinsensibus supra Ludovico Imperatore contra Pontificem nitebantur, ap. Goldast. tom. 1. Constitut. Imperial. p. 335. §. 2. addenda quoque specialis Caroli IV. sanctio, quàm dignitatem his Electoribus debite confirmare & alia privilegia addere recognoscimus.

CAP. IV.

Privilegia Electorum in genere examinans & Exegesein quendam Politicam superaddens.

TH. I.

Privilegia, quibus cumulavit Carolus IV. Electores, vel omnibus communia, vel singularibus attributa. Inter ea, quæ ad omnes spectant, est Jus quoque argentifodinarum, quo universi auri & argenti fodinas, atque mineras stanni, cupri, plumbi, ferri & alterius cujuscunque generis metalli, ac salis tam inventas quam etiam inveniendas in principatibus, terris dominiis tenere, & legitime possidere conceditur. A.B. tit. 9. Olim enim Jus argentifodinarum Imperator per Imperium tanquam Regale sibi vendicabat. Quod satis expediunt literæ Heinrici VI. ad Episcopum Mindensem, Paderbornensem, & Osnaburgensem, ne aliquis in argentifodina in Episcopatu Mindensi nuper inventa quicquam juris sibi usurpet, quod omnis argentifodina ad Jura Imperii pertineat, & inter regalia computetur. Goldast. Tom. III. Imperial. Constit. p. 362. Cui addi potest privilegium argentifodinarum

dinarum Comitibus Glichenſibus à Carolo jam tum Magno concessum ap. Goldast. tom. I. Constit. p. 177. Indè Electores de fodinis in dominiis suis extantibus decimas exsolvere solebant. Lymn. Jur. public. lib. 3. c. 2. Hòc verò privilegiò omne illud Electoribus accessit, ingenti publicarum privatarumque rerum incremento. Undè ærarium Saxonicum ita collocupletatum, ut commemorante Albinò intra 79 annos ex unâ Snebergenſi fodinâ per decimas duntaxat & prærogativas mallei signatorii vulgò *Schlagschlag* in illud 4118. tonnæ auri pervenerint Albin. part. 3. Chron. Metallici Kirchnen. de Republ. disput. 15. th. 1. lit. G. Quamvis id privilegium ad alios quoque Principes & status Imperii ceperit pertinere, vel ex peculiari concessione & investitura, vel ex immemoriali præscriptione Knich. de Saxon non provocand. jur. ver. Ducum c. 5. n. 109. Additum huic privilegio & illud, ut monetas auri & argentum in omni locò & parte territorii sui, ubi ipsi placuerit, eudi facere & mandare sub omni formâ & modò liceat. A. B. tit. X. Est hoc jus inter ea, quæ regaliū nomine veniunt, 1. & 2. C. de fals. monet. Borcholt. n. 55. quæ sūt regalia. Boceri. c. 2. de regalib. n. 222. Indè legimus antiquis temporibus, si aliqua Italiæ urbs in gratiam cum Imperatore rediret, vel ei Imperator gratificari studeret, plerumque aliis juribus, jus quoque monetandi annumeratum; quod Sigonii de regnò Italiæ scripta multifariam probant.

TH. II.

Monetæ usus non cum primis statim mundi incunabilis cepit, & si antiquus sit, non statim ad omnes gentes pervenit. Quippe dum paucis eos contentos natura edocebat, auri quoque & argenti libidine non magnoperè laborabant. Quæ continentia, quoque ipsis morum justiciam edidit, nihil alienum magnoperè concupiscenſibus, scilicet ibi divitiarum eupido, ubi & usus. Indè quod sine scelere, sine probro, eoque sine pœnâ & coercitionibus agerent, neque præmiis opus esset aut coercitionibus, cum honesta suo opte ingenio peterentur. Tac. lib. 3. annal. p. m. 72. Ad id, quod mirabile, in his plus ignoratio vitii profecit, quam in aliis cognitio virtutis. De Scythiis planè id testatur Justinus, quod aurum & argentumque non perindè ac ceteri mortales appetant lib. 2.

Quales etiam majores nostros fuisse constat, quibus aurum & argentum quamvis dubitet, an propitii, an iraci negaverint Dii. Tac: subjicit tamen, nun planè negandum nullam Germaniæ venam aurum argentumque gignere, sed neminem unquam scrutatum, adeò non perindè eos possessione & usu affici. Tac. de morib. German. Primi verò dicuntur aurum Eacus, argentum Indus Rex Schythiæ reperisse, & humano usui summâ laude tradidisse. „ Cassiodor. lib. 4. variar. form. c. 34. Juris autem origo seu incrementum secundum aliquos tunc primum cepit (ita habet Wichbildi Magdeburgens: artic: 8. in gloss.) cum Enoch filius Kain civitatem primam construxit, sanctum etenim ibidem fuit, quicquid unus labore acquisivit suò idem nullus accipere potuit, sed nec alteri dare præsumpsit. Excogitatum tandem fuit signum, in quò Principis imago exsculpta habebatur, signumque hujusmodi ostendere cogebatur is, qui aliquid alienare voluit ad notandum, quod cum consensu Imperatoris id faceret, repræsentabatque obedientiam. Romanis verò imperare & dominari incipientibus, Numaque Pompiliò præidente regnò idem nummos instituit, juxta prius allegata, quos ex suò nomine Nummos appellavit, cum illisque commercia fieri fecit. Antehac enim usus nummi non erat: sed tota substantia hominum in pecoribus fuit venditioque & emptio non nisi per commutationem rerum exercebatur. Crescente verò hominum copîa eumque regna etiam jam longinquè possidere cèperant, nummi que & res sine periculo de unâ regione in aliam deportari non poterant, ex gratiâ & favore Imperii admissum, & nummos eudere Principibus provinciarum, ubi necessitas postulaverit in signumque, quod de voluntate Regis id sit, Imperator seu Rex signum aliquod mittere solitus erat. Hæc deus Wichbild. Dicta fuit moneta à monendo Coras. lib. 3. miscellan. c. 13. n. 3. vel quod moneat subditos Principis effigies monetæ impressa, eidem se Magistratui subjectos, cujus imaginem in moneta conspiciant Kirchner. disp. 20. de Rep. in additament. 1. lit. a. adde Constitut. Theodorici ap. Goldast. Constit. Imperial. Tom. III. p. 73. vel quod moneat, ne quid fraudis in ære, signò aut pondere fiat. Sixtin. de Regal. lib. 3. c. 7.

n. 57. Pecuniæ denominationem plerumque à pecude repetunt, quia antiqui totum quod habebant in pecoribus habebant. C. 1. Quæst. 3. cap. 6. adde Cassiodor. lib. 7. variar. formul. c. 32. In cuius rei memoriam etiam numismate usos legimus, cui bos erat insculptus, & ovis & sus ut Plutarch. quæstion. Roman. 41. innuit, quod re maximè pecuariâ se alerent, indeque opes pararent. A quibus tamen dissentit Georg. Becanus, lib. 8. Antiquit. Antverpiens. magis illam causam existimans, quod per pecuniæ studium homines pecudibus assimulentur.

TH. III.

Genera verò monetarum diversis diversa fuerunt assumpta, quæ diligenter congescit Goldast. in Catholico rei monetariæ tit. 34. Ut verò certus monetæ constet valor, ille ex bonitate intrinsecâ desumendus ac per mensuram determinandus. Quod enim Principes certis imaginibus insignire nummos ceperint testati illud sunt, tantum quemque nummum continere auri argentiq; quantum inscriptio in vini publici testimonii impressa designaret. Præter quod etiam illud præstitit, ut in quâ Republicâ hæc moneta sit excussa demonstraret. Unde cognoscere licet insignia nummis indita monetæ essentiam non ingredi, sed esse tantum qualitatem extrinsecam ideò adhibitam, ut mortales dependenti auri argentiq; onere levarentur, ac quanta ejusque quantitas esset, publicum testimonium extaret. Illa verò ex Jure gentium unice dependet, ita ut nummi valor commensurandus veniat à pondere auri & argenti, de quo participat. In quam rem, consilia in Comitibus Metensibus ann. 757. à Pipino Francorum Rege habitis, ap. Goldast. tom. III. Constitut. Imperial. p. 119. in Comitibus Augustanis ann. 1557. habitis p. 37. & 38. ap. eund. tom. II. Constit. p. 344.

TH. IV.

Pertinet namque planè ad salutem Reipubl. ut monetæ suæ constet integritas. Unde de eâ tanquam Reginâ mundante omnia negotia consultandum, fideliter suadet, quamque benè id observatum sit, ostendit Goldast. in Catholico rei monet. tit. 3. Romana historia sicut nunquam deficit, depromendo ea, quæ ad firmandam

mandam benè Rempubl. spectant, sic nec hæc in parte deest, singularare peculatus interdictum exhibendo, quod adulterinâ etiam monetâ cavetur. In quam rem ita Isidorus, Hispalensis. lib. 5. Etymologiar. c. 26. Peculatus iudicium in eos datur, qui fraudem ærario faciunt, pecuniamque publicam intervertunt, non autem sic iudicatur furtum publicæ rei sicut privatæ. Quâ de re utrunque inter Grammaticos, qui non planè in hanc sententiam concedunt, conveniat, facis illud ex l. i. ff. ad L. Jul. peculat. certum est, quod caveatur lege Julâ peculatus, ne quis in aurum argentum, æs publicum aliquid indat, neque immisceat. Quod expressius multo in l. 9. ff. ad L. Cornel. de falsi, habetur. Indè quod ex Jcto Paulo sententiar. lib. 5. tit. 25. colligitur, constitutum, ut monetæ adulteratoribus manus amputaretur. Quale quid etiam in Constantini Imperatoris edictò sive Constitutione præcautum ut in C. Theodosiano lib. 9. tit. 23. extat. Apud Ægyptios hæc erat constituta solennis pœna, ut si qui vel euderent vel circumciderent monetam adulterinam, vel signa, vel pondera imminuerent, aut falsis literis inscriberent, dextræ abscissione multarentur. Diosdorus Siculus lib. 1. c. 6. Apud Suecos falsarii hujusmodi appensis & circumjectis nummis adulterinis in cruces agebantur. Olaus lib. 6. c. 13. Quod etiam Imperatores Imperii nostri Germano Germanici saluberrimis Constitutionibus subinde caverunt, pœnam statuendo in eos, qui monetam adulterassent. In Constitutionibus Karoli V. capitalibus mentio habetur legis à Constantino promulgatæ, ut qui nummos falsâ fusione formassent falsam monetam feriendo, stando, eudissent, aliis palàm ostendissent, aut permutassent, aliis persuassissent, ut eam fraudulenter doloque malò, alios damno affiendi & fallendi animo exponerent, omnidilatione semorâ flammaram exustionibus manciparentur. Goldast. Tom. III. Constitut. Imperial. p. 339. In quam rem etiam Ludovici Pii statutum extat, ut qui falsam monetam percussisse comprobasset, ei manus amputetur, qui consensisset, siquidem liber LX. solid. componat, si servus LX. ictus accipiat. Goldast. Tom. III. Constitut. p. 234. Mediolanensibus idè, quod Imperialem monetam auream & argenteam falsificassent, injunctum ab Otzone I. ut monetâ de corio factâ imposterum uterentur. Id. lib. 1. cod.;

cod. p. 303. In Comitibus Augustanis à Carolo V. ordinum Imperii consensu statutum, ut unusquisque sub poenâ ignis à granallis, concoctionibus, conflationibus & separationibus, aliisque similibus fraudulentis perniciosisque imposturis & adulterationibus absterneatur. Goldast. Tom. II. Constit. p. 346. adde Tom. III. p. 500. Contz. Politic. lib. 8. c. 17.

TH. V.

Huic privilegio proximum est illud, quo Judæos Electoribus recipere permissum est, A. B. tit. 9. Quod tamen hodie omnibus regalia habentibus attributum videtur. Thom. Michael de Jurisdiction. conclus. 48. lit. B. Reformation guter Politen zu Augspurg 1587. tit. Von Juden und ihrem Wucher. In Judæorum verò mentionem cum inciderimus, non planè abs re erit, ut de eorum adventu in Germaniam dispiciamus. Illud sanè constat Judæos diversis temporibus variè afflictos, & ex regione suâ captivos abductos, & passim terrarum dispersos fuisse, adeo ut nondum etiam natò Christo in Germaniâ circa Rhenum confodisse ferantur. Degentibus quondam in Sveviâ Judæis, cum inde expellerentur, inter monumenta eorum reperta fuisse, Epistolam à Judæis Hierosolymitanis ad Germanicos missam, eò tempore, quò Christus in cruce, pro humanò genere satisfecit, in quâ scriptum fuerit, quâ ratione JESUS Nazarenus, qui Judæicum populum commovisset à Pontio Pilatò suspensus esset. Quapropter monitos istos velint, ut gratias Deo agerent, de justò hoc supplicio, diesque hos hilares secum agant & festivos. Ejusdem argumenti aliam & Judæos Ratisbonæ agentes accepisse, quam Johannes Capnio superiori seculò vidisse, ac legisse fertur. Quicquid verò ejus sit excisis ac in cinerem redactis Hierosolymis magna vis Judæorum in Germaniâ appulit sedesque suas hinc inde fixit. Jam verò illud in controversiam venit, Annon etiam Judæi in Republicâ tolerandi veniant? quæ res non inter infimæ notæ viros agitur. Ut verò faciliùs decidi possit, si de Republ. idealiter conceptâ sermo sit: Felix enim civitas & beata Respublica, quæ unius & sanioris quidem doctrinæ luce collustratur, cum vix firmius concordie & unitatis vinculum sperandum faciliè sit,

quam si in una eademque verâ religione suavissima sit harmonia ac consensus, quo civium animi invicem devinciantur, Rénig part. 2. polit. c. 1. thes. 7. Sic in Republ. ut sic considerata multa interdum prætermittenda, ne status evertatur. Si aliarum gentium statum judicîo, constat nullò non temporis puncto è Rep. ejectos. Tiberiò regnante de sacris Ægyptiis Judaicisque pellendis actum, factumque patrum consultum, ut quatuor millia libertini generis eâ superstitione infecta in insulam Sardiniam veherentur, coercendis illic latrocinis, & si ob gravitatem cœli interissent, vile damnum: cœteri cederent Italiâ, nisi certam ante diem profanos ritus exuissent, Tac. lib. 2. annal. p. m. 62. Sub Henricò III. cum bellum Sarracenis inferre atque Hierosolymorum urbem impiorum è manibus eripere statutum esset, (quâ de re vid. Sigon. de regnò Ital. lib. 9. p. 234. & 235.) Moguntii & Wormatiæ varias clades perpeffi, ibique vel occisi, vel etiam expulsi, de quò Dodechind. Sigebertus, Bertoldus & Baronius tradunt. Nec sedis aliquid in Galliâ hisce homunculis concessum, ubi ne hodie quidem tolerantur. Petr. Gregor. in Syntagmar. Jur. lib. 22. c. 3. n. 27. exceptò districtu Avenionensi, qui ad Pontificem spectat.

TH. VI.

Ad hunc planè modum omnes Judæos è Republicâ ejiciendos, sunt, qui existimant, ut illis omnis nocendi præcidatur occasio. Nec fortassis etiam rationes deficiunt eos, qui putrida hæc Reipubl. membra rescindenda putant. Vix enim satis dici potest, quantò erga Christianos ardeant odiò, ita ut si in ipsorum manu situm undò quasi impetu cunctos ad inferos detruderent, Usque donec enim Christum odto persecuti fuerint, non poterunt non eos quoque odisse, qui inter discipulos Christi nomen suum profiterentur. Quod Lutherus gravidè admodum habet, tom. 5. Wittenb. p. 480. ac tom. 8. Jenens. p. 76. *Wisse du lieber Christ / und zweifelse nicht daran / daß du nechst nach dem Teuffel keinen bittern und heffrigern Feind habest / denn einen rechten Juden / der mit erust ein Jude seyn will.* Inde si iram suam sæpius in Christianos non potuerint exercere, ipsorum filiolos miserè pertrahendo satis prodiderunt,

diderunt, quo præprimis in eorum Parentes sint animò. Anno 1236. Földæ, anno 1380. Hallæ Svevorum, anno 1429. Ravesbergæ, anno 1471. Tridenti innocuos pueros multis cruentisq; vulneribus conciderunt. Contz. Politic. lib. 8. c. 17. §. 7. Nec vitam tantum, sed bona etiam fortunæ maleficò morfu petunt, ad quæ subtrahenda ingenio sunt adeò felici, ut ad id apti nati videantur. Postter. Ordnung. tit. 20. von Jüden und threm Wucher: Item. Abschied des Reichstags zu Regensburg Anno 1577. §. Neben Verabschlagung. Unde non incommodè sanguisugis æquiparantur. Gilhauf. in arb. Judic. part. 1. c. 1. §. 1. n. 70. quod atterant, quicquid æris in marsupiiis hæret. Denudè etiam horrenda sunt illa calumniarum plaustra, quæ quotidie in Salvatorem sceleratò ore evomunt. Spekhan. in diatagmat. Judæor. oder JüdenOrdnung. Si ergò hæres indignus, qui hæreditatis sentiat commodum, qui necem defuncti non vindicaverit, l. 1. 6. 9. 10. C. l. 17. l. 20. & seq. ff. de his, quibus ut indignis. t. ff. ad Sctum. Silanum. Eòdem ergò videtur digni, qui internecinos Salvatoris nostri hostes alunt, vovent, promovent. Quæ quidem rationes, ut satis in recessu habeant, & firmiter Rempublicam muniant, ne non recepti in civitatem assumantur: ita forsitan non poterunt applicari, si status Reipubl. non admitrat, ut expellantur, ejicianturq; . Szpè enim si, quem osorem nostri compèrimus, è Reipubl. emittamus, hoc ipsò anam liberiores ei concedimus, qua nostram moliri possit pestem. Compertum id exemplò Carilinz, qui Romæ ejectus bellum meditabatur apertum. Et Otho familiaritate Neronis sverà post congressu & comitate dejectus, cum denuò in provinciam Lusitaniam mitteretur, procax otii & potestatis temperantior, usque ad civile bellum egit: Tac. lib. 13. annal. p. 193.

TH. VII

Indè ratio suadet, ut si non semper ad palatum nostrum statum Reipubl. conformare liceat, lapsum etiam munire, neque omninò corruat, stabilire quantumvis nitamur. Quod autem cura religionis primum sibi vindicet locum, laborandum imprimis eò, ut ab errore penitus insitò reduci, & ad veram doctrinam re-

verti possint; Hinc invitandi ad audiendam S. Evangelii prædicationem auctore Luthero in lib. de Judæis oper. Germanic. tom. 8. & idem eos Romæ tolerari Florimond. de Remond. de Antichrist. c. 16. n. 6. scribit, ut ad veram fidem perveniant. Si verò Synagogas, quas obtinuerunt, non planè fiat interdicens, caveatur sedulo, ut plurimum ipsis non fiat copia: vid. Constit. Theodorici Regis 42. 73. & 133. ap. Goldast. tom. III. Constitut. Imperial. p. 42. 50. & 68. Poterunt etiam cogi ut habitum à cæteris distinctum gerant, quod notat Schneidewein de hæredit. quæ ab intestat. n. 13. vid. in primis Contz. Polit. lib. 8. c. 17. Reformat. guter Poltzen in Augspurg 1530. cit. von Jüden Kleidung/ ibi: daß die Jüden einen gelben Ring/ an dem Rock oder Kapffen außenthalbeit unverborgen zu ihrer Erkänntniß tragen. Prohibeantur in primis, ne ad munus & dignitates publicas ascendant. Quod cautum, rescripto & decreto Theodosii & Valentiani l. 19. C. de Judæ. & Cælicol. Quod etiam in Gunthermanni Francorum Regis capitulis in Synodo Matisconensi anno 582. statutis habetur, ne Judæi Christianis Judices deputentur, aut telonarii esse permittantur. Goldast. Tom. III. Imperial. Constitut. p. 643. In civili conversatione opera danda, ne nimia intercedat civium cum Judæis familiaritas. Indè non licet Christianis vel cum Judæis matrimonio jungi l. 6. C. de Judæ. & cælicol. vel etiam eorum festivitatem interesse, aut etiam Judæis mancipia præstare. per l. 1. C. ne Christianum mancipium hæreticus, vel paganus, vel Judex &c. Quod cautum itidem in Concilio Matisconensi habetur, ap. Goldast. d. l. §. 15. 16. Idem quoque in Concilio 1. Mediolanensi, sub Carolo Borromæo, ibi: ne Judæi in famulatu esse possint Christiani, neve ad convivia, nuptias, vel dies festos & synagogas Judæorum accedant, vel, quod detestabilius est, choreas cum iis agant. Quantum ad rationem juris inter Judæos servandi, utique si de jure inter ipsos exorcendo sermo sit, nullum dubium, quod legi Mosaicæ suus debeat constare vigor. Sicut enim per statutum civitatis derogatur juri communi, ubi viger statutum, l. omnes populi ff. de Justit. & Jur. & statuta mercatorum & negotiatorum inter eos sunt servanda l. 2. in fin. C. de Const. pecun. Ita lex Mosæ tamquam lex specialis inter ipsos Judæos servanda est. facit l.

Judæos

Judæos in fin. C. de Judæ. Per quem textum colligitur, quod Judæi ritibus & lege sua tolerentur, per Imperatorem & etiam per Papam in c. consuluit & in c. Judæi X. de Judæ: Quod verò ad l. 8. C. de Judæ: ubi Judæi communi Romano Jure vivere dicuntur, videtur procedere in his, in quibus nihil per Legem Mosaicam statueretur. Tunc enim ad Jus commune recurrendum, ratio suadet. Quo facit etiam Constit. Caroli V. de fœnerat. Judæor. ut in casibus, in quibus nullæ ordinationes factæ essent, communi Romano Jure utantur. Goldast. tom. II. Constit. Imperial. p. 360. Si verò cum Christiano litigent, tum controversia non secundum legem Mosaicam sed civilem determinanda venit, p. l. 15. C. h. t. adde Schneidewein. cum ibi adductis de successioneibus, quæ ab intestat. not. 10. & seq. Justæ negotiationes & commercia in publicis liberisque nundinis ipsis non sint interdicta. Goldast. Tom. II. Constit. p. 350. caveatur tamen ne nimis usuris subditos emangant. Poller. Ordnung in Grandfurth. Anno 1777. tit. 20. adde Constit. Caroli V. de Judæorum fœnerat. Anno 1554. apud Goldast. Tom. II. Constit. p. 360.

TH. VIII.

Nec infimò gradu ponendum jus vestigialium seu percipiendi telonia, quæ ad solum Imperatorem quondam pertinebant, seu summum quoddam regale, ut liquet ex Constitut. Friderici I. Imperatoris, in tit. quæ sunt regal. lib. 2. F. cujus postea Archi-Principes Electores quoq; sunt facti participes, Melch. Goldast. in Bohem. lib. 4. c. 2. n. 9. limitatâ tamen potestate, eaquæ ad telonia in præteritò statuta & indicta, per sanctionem A. B. tit. 9. Nova enim vestigalia instituere ad solum pertinet Imperatorem arg. l. 10. ff. de Publican. ibi, vestigalia sine Imperatorum præcepto, neque Præsidi, neque Curatori, neque curiæ constituere, nec præcedentia reformare, & his vel addere vel deminuere licet, l. 3. C. vestigal. nov. instit. non poss. & ibi Cujac. in paratitl. Inde Bald. in l. 3. C. de Jur. fisci & Salyc. in l. fin. C. eod. institutionem vel concessionem vestigialium esse de summò Imperiò, & in his, quæ Romanus Princeps sibi soli reservavit, ita ut nullus alius præter Imperatorem illa impartiri possit, l. 1. C. de jur. aur. annul. Cujus

generis textus quoque in Jure Svevic. lib. 1. c. 12. §. 3. extat. Wir
 verbieten allen denen/ die in unserm Reich sindt/ daß sie keinen Zoll
 nehmen ohn unser Wylaub/ und wer es darüber thut/ der hat unser
 Guld nicht/ Wir sprechen. daß alle Zölle / und alle Mätzungen/ die
 im Röm. Reich sindt/ die sindt eines Röm. Königes / und wer sie
 will haben/ es sey Pfaff oder Lay/ der muß sie haben von dem Röm.
 Reich/ und wer das nicht thut/ der frevelt an dem Römischen Reich.
 adde Clapmar. de arc. an. Rerumpublic. lib. 1. c. 21. Buxdorff. ad
 A. B. th. 91. lit. a. Quod tamen in Imperatore intercedentibus
 quibusdam Capitulationibus hodie ita determinatum, ut nec
 Imperator sine Septem virorum consensu, quem ex capitulatione
 Casarea cum Electoribus facta, videre est ap. Sleidan. lib. 1.
 Comment. fol. 27. nova telonia instituere vel antiqua augere va-
 leat. adde Goldast. Tom II. Constit. Imperial. p. 141. Arum. dis-
 curs. 5. conclus. 8. Sixtin de regalib. lib. 1. c. 2. n. 43. Cluten. in syl-
 log. rerum quotid. th. 22 Et expressè id quoque habetur in Recess.
 Imp. Ratisbon. anno 1576. Weiter sindt wir glaubhafftig berich-
 tet worden / daß etliche Gründe ohne Unsern Keyserl. Consens,
 auch ohne Bewilligung Unserer und des Heil Reichs Ehurfürsten/
 sondern für sich selbstn mit eigener That hin und wider im Heil.
 Reich Teutscher Nation zu Wasser und zu Lande / theils newe Zölle
 anstellen/ theils ihre alte zu erstelgern angefangen/ ic. Quibus ac-
 cedit novissima Capitulatio Ferdinandi II. de anno 1619 art. 17.
 Wir sollen und wollen auch insonderheit/ dieweil die Teutsche Na-
 tion und das Heil. Röm. Reich zu Wasser und Lande zum höchsten
 vorhin damit beschweret/ nun hinführo keinen Zoll von neuen auff-
 richten oder verhöhern ohne besondern Kayt willen und zulassen der
 bemeldten Ehurfürsten. Quæ adeo in imitationem petracla. ut
 nec Galliz, nec Hispaniz, nec Hungariz, Daniz, Poloniz Siciliz-
 que Reges sine Procerum approbatione nova tributa imponere
 possint. Præter Electores verò, quibus hoc jus in A. B. peculiari-
 ter concessum, plerosque etiam alios status, eandem facultatem
 & jus percipiendi vestigalia sibi acquisiviss. videmus. Buxdorff.
 h. conclus. 21. Obrecht. de Regalib. §. 268. & seqq.

Th. IX.

Liceret hac occasione controversi illud, undenam vestigal justum sit dicendum? An si ex antiqua consuetudine, an verò si ex Cesare & jussionis privilegio processerit: quæ duo conjungere viderur l. penult. C. vest. gal. nov. instit. non posse, ita ut motus inde Accursius in l. munus propriè ff. de V. S. dixerit neutrum duorum sufficere ad id, ut vestigal dicatur justum, sed requiri utrumque conjunctim, jussionem scilicet Principis, tanquam titulum, & dein antiquam consuetudinem. Cujus tamen contrarium communis Doctorum opinio tenet, per Cynum, Bartolum, Baldum, Angelum & Salycetum, ita ut quamvis illi duo vestigalia legitimandi modi conjunctim enuncientur, alterutrum tamen sufficere, scil. vel Principis jussionem l. i. C. h. r. vel etiam antiquam consuetudinem. l. Imperat. §. item rescripserunt ff. de pollicitat. Adeò, ut opposita lex, vel disjunctivè sit accipienda, vel etiam illa duo æquiparationem recipiant. Antiqua verò consuetudo ex immemoriali tempore determinanda (juxta Canonistas in cap. sup. quibusdam §. præterea X. de Verb. signif.) quod vim privilegii adeò obtinet, ut Imperator remisisse illam prohibitionem legis, & vestigalia permisisse censeatur, qui tamdiu nova vestigalia exigi passus est arg. l. cum plures, §. locatos ff. locati.

Th. X.

Denuò etiam Electores privilegiò de non appellando exornati, quod non minus splendoris ipsis ac reliqua privilegia addit, A. B. tit. II. Illud ad monere stultum putat Ulpianus, quod à Principe appellare fas non sit, cum ipse sit, qui provocatur. l. i. §. i. ff. à quibus appell. non lic. Pertinet enim ad formam appellationis ut ab inferiore fiat ad superiorem. Treutler. disputat. volum. 2. disputat. 33. thes. 6. lit. a. Reink. lib. 1. de regim. secular. & Ecclesiast. c. 9. n. 38. & seqq. Erant tamen & alii, quibus id ex singulari concessione competeat. Sic cum primum Dictator crearetur, ab eo provocare non licuisse Liv. lib. 2. c. 19. docet. Postea mutata iterum Reipubl. formâ, cum Principes pro more, quo Dictatores Magistros equitum creare solebant, Præfatos Prætorio sibi adscis-

adscivissent, his incunabulis initiata eorum auctoritas, tantum meruit augeri ut appellari ab iis non posset. l. un. ff. de Offic. Præfecti. Prætor. Pari ratione, nec à Proceribus Sacri palatii l. 34. l. 37. §. fin. C. h. neque à Præfecto Augustali Novell. 23. 53. appellatio dabatur. Novissimè per sanctionem A. B. id ad Septem viros quoque relatum, ut ab iis provocatio non daretur. Wesenb. ad tit. à quibus appellari non licet. Cujus privilegii duo in primis capita quidam eruditorum summi memorant, quorum alterum de non evocando, alterum de non appellando agit. Quamvis enim Justus Zinzerling. in dissertat. de appellatione. concl. 70. hæc pronò eòdemque venditet; videtur tamen vel ex apsis hujus privilegii verbis convinci posse, quod habetur tit. 11. §. statuimus etiam, & §. Adjicientes expressè. & c. ex quibus non potest non inferri, quod alterum privilegiorum, ne subditi & incolæ Electorum ad extraneum evocentur tribunal, primam potissimum concernat instantiam, alterum, quo ipsimet etiam obligentur subditi, ne ad aliud tribunal appellent, ad secundam pertineat. Quam differentiam etiam privilegium Ferdinandi, sub dat. 12. Octobr. Anno 1559. in Comitibus Augustanis Serenissimo Saxonie Electori exhibitum notat, conjunctim & evocationem & appellationem enunciando: Es were auch Unsers Vorfahren am Reich Weyslandt Kaysers Sigismunds Hochlöbliches Gedächtnis privilegium vorhanden/ damit seine liebe/ als Xom: Kaysers/ die Chur und Fürsten zu Sachsen sonderlich begnader/ darinnen versehen/ daß niemand des Hauses zu Sachsen Unterthanen für das Gericht ziehen und laden solten/ welches auch auff die Appellationen. daß dieselben niemand von ihren Gerichten/ an andere Orthe fürnehmen solte/ jederzeit verstanden worden. Habetur id apud Ayer. part. 2. process. hist. c. 4. observat. 2. ap. Lymæ. Jur. Public. lib. 3. cap. 10. Quod tamen privilegium ferè nomen suum amisit, & in jus commune ad reliquos quoque Imperii Status ac Proceres extensum transiit, probante id satis superque juramento, quod Rex Romanorum se subditos statum Imperii ordinariis judiciis reliquitur præstat, in Capitulatione Cæsareæ: versic. Wir sollen und wollen auch die Churfürsten/Fürsten/Pralaten/Grassen/Herrn von Adel/ auch andere Stände und Unterthanen des Reichs &c. Arum. h. conclus. 11.

Pinguius est alterum Electorum privilegium, de non appellando, cujus vigore subditis vel incolis Electorum adempta facultas appellandi à quibuscunque sententiis, ab ipsis vel officialibus eorum approbatis. §. Adjicientes expressè. Credidit enim Imperator, qui ob singularem industriam exploratâ eorum fide, & probitate, ad hujus officii magnitudinem adhibentur, non aliter judicaturos pro sapientiâ ac luce dignitatis suæ, quam si ipse foret judicatuus. l. un. §. 1. ff. de offic. præf. Prætor. Quamvis verò universi & singuli Electores hoc privilegio specialiter fuerint donati, quoad Electores tamen Ecclesiasticos & Palatinum non utendo, siue quo aliò modò privilegium de non appellando in sumum abiit. Heig. quæst. 4. n. 31. Cui sententiæ contrariam tenet Lymn. Jur. public. lib. 3. c. 2. n. 9. & in not. ad Orton. Jur. public. c. xi. p. 256. quod licet Ecclesiastici & Palatinus appellari à se patiantur, illud tamen arbitrarium sit, & salvò ipsorum privilegio fiat: Videntur tamen planè iterati ejusmodi actus præjudicare huic privilegio, quod quamvis sanctione Caroli IV. confirmatum, pro fundamentò tamen præscriptionem & longam consuetudinem agnoscit, quo se expressè A. B. refert, tit. 8. Paria verò sunt generationis & corruptionis principia, ac ad jus commune astringi velle præsumitur, qui concessò privilegio non utitur. Saxonie verò Duces appellari à se non patiuntur, quibus privilegium illud à Carolo exhibitum specialiter stabilitum à Sigismundo, & plenius adhuc à Ferdinando I. Peucer. lib. 5. Chron. Carion. Adde, quod Electores Saxonie sint defensores Juris Saxonici, cujus in Camerâ Imperiali nulla ratio habetur, ita ut fas non videatur, subditis Electoralibus Saxonis provocationem ad aliena judicia intentare. Wessenbec. ad tit. à quib. appellat. non lic. Ex jure tamen communi supplicationis beneficium superest, Quia & beneficium der. Oberleuterung: quod in inferioribus judiciis non admittitur, in supremò verò Judiciò Electorali Saxonico quasi in locum supplicationis vel appellationis successisse videri potest. add. Novell. Electoral. Aug. p. 1. C. 19. De formâ leuterationis siue petendæ declarationis, aut mutationis sententiæ, vid. Trentl. volum. 2. disp. 32. p. 282.

Neque tamen negandum, quod præter Electores hoc privilegium ad alios quoque transierit. Pro Ducibus Austriæ pugnat Constit. Friderici I. & II. Daß von ihnen an einen Röm. Kays. und König/ noch an des Reichs Cammer Gericht/ oder andere Gerichte nicht appelliret, suppliciret noch redimiret werden kan. It. Daß sie umb keine Sache schuldig seyn/ vor dem Reich zu Recht zu stehen/ sie wollen denn gerne/ sondern sie mögen einen Ihrer Lehensleute sezen/ vor demselben sollen sie dem Rechten Gehorsam und Stadt geben. quæ verba sunt Constitut. Caroli V. von Gerechtigkeits des Hauses Oesterreich. §. 10. quam Caspian. promulgatam dicit in Austr. in Comit. Wormat. 1522. Goldast. part. 1. Constit. Imperial. Quod privilegium etiam ad Duces Burgundiæ & Lotharingiæ referendum tradit Mynsing. §. observat. 58. Treutl. d. 1. Electoribus verò, qui id amiserunt, illud tamen remansit, ut infra certam summam appellare ab iis non liceat. In curiâ Electorali Moguntinâ appellare non licet, nisi causæ valor ascendat ad summam 400. floren. ex privilegio anno 1311. collato. in Trevirensi Archiepiscopo interdicta appellatio in causis momentaneæ possessionis & aliis 500. florenos aureos non excedentibus. Quale quoque privilegium est illud Colonienfis de anno 1570. ap. Lymn. Jur public. lib. 3. c. 6. Quod ad Imperatorem verò, licet ab eo ad Superiorem Judicem provocari non possit, ab informatio tamen malè, ad melius informandum appellatio datur, ita tamen, ut hæc provocatio veræ propriæque appellationis nomen demereri non possit. Neque enim ab uno ad eundem appellatio permittitur. argum. l. ille, à quò 13. §. 4. ad Trebell. Sed fiat per modum regressus & supplicationis, dum scilicet, ipsius Cæsaris benignitatem imploramus, ut attentius velit pleniusque negotium cognoscere.

vid. Otton. cum ibi adductis Jur. publ. c. xi. p. 360.

König, Polit. lib. 1. c. 23. n. 138.

CAP. V.

Ad Electores in specie jam deveniens , &
quidnam Ecclesiastici singulare ha-
beant, inspiciens.

TH. I.

HActenus prosecuti paulò prolixius, quæ ad privilegia Ele-
ctorum in genere spectant, nunc quoque admonendi su-
mus, ut specialiter de quovis dispiciamus. Ac quidem
sicut summa Electorum divisio in Ecclesiasticos & secula-
res: ita primâ fronte Ecclesiastici, qui ArchiEpiscoporum Mo-
guntini, scil. Colonienſis & Trevirensis nomine absolvuntur, se-
tractandos nobis offerunt, ut quibus A. B. primatum & ordinis &
dignitatis defert. Quæ eò feliciter expediemus, si primam Ep-
iscoporum rationem reperamus. Et quidem adstrui potest bonâ
fide Episcopos ab initio Christianæ Ecclesiæ, non solum nullam
Jurisdictionem habuisse, quam natam demum ex ordinis Pres-
byterialis & Episcopalis distinctione, & Principum Christiano-
rum indulgentiâ, Walo Messalinus in dissertat. de Episcop. &
Presbyt. demonstrat, sed etiam Magistratui Politico paruisse, te-
ste Marc. Anton. de Domin. lib. 6. de Republ. Ecclesiastic. cap. 4.
quod Clotharii II. & Chariberti decreta de Episcoporum electio-
ne, & depositione satis loquuntur ap. Goldast. Tom. I. Constitut.
Imperial. p. 12. A Constantinò verò primum fluxit, quod vires ca-
perent, ut qui cæteros per Imperium Episcopos & Romanum mi-
rum quantum locupletavit. Cui Synodi Nicenæ decretum acces-
sit, quo Occidentalium Ecclesiarum inspectio Episcopo Roma-
no, ut Asiaticarum Antiocheno, Africanarum Alexandrino, de-
mandata est. Cujus generis ferè ab ipso Constantino sanctio pro-
cessit, qui cum Byzantium Severi armis dirutum, instaurasset, di-
gnitatem & auctoritatem ejus stabilurus, cæterarum urbium
post Romam Principem fecit, & Metrophanem Episcopum Pa-
triarcham salutavit, sed tamen, ut propter Imperii originem &
Romæ antiquitatem honore & auctoritate præstare Episcopum.

Romanum voluerit: teste Zonara. Indè quidem factum ajunt, ut Patriarchæ Constantinopolitani Oecumenici dicerentur, quemadmodum hunc titulum sub tyrannide Turcica retinent. Idem Patriarchæ nomen à Justinò Cæsare Hormistæ Episcopo Romano primum tributum Isidorus scribit. Alexandrino autem & Antiocheno, Episcopis Justiniani Cæsaris temporibus Oecumenicæ Synodi quintæ decreto obvenit. Unde mox de principatu contentionibus natis, hoc accidit, ut Synodorum quoque decretis post sedem Romanam primæ partes Constantinopolitano Patriarchæ assignatæ fuerint. Alexandrinus verò *κρίσις οἰκουμενικῆς* appellabatur. Postea cum Hierosolymitanum, Antiochenum, Alexandrinum & Constantinopolitanum Patriarchas arma Sarracénica & demum Turcica oppræsserunt præter nomen & successione[m] vix aliud relictum est, quo censi potuerint.

TH. II.

Carolus M. cum inceptum à Parente bellum pertexuisset, ac Longobardis Imperium Italiæ liberasset, ad eum id pervenit, ut per singulas provincias ArchiEpiscopos & Episcopos institueret, & nisi ab eo laudarentur & instituerentur, à nemine sacrarentur. Sigon. de Regno Italiæ lib. 4. Quæ dignitas confirmata etiam Othoni Magno, ut in perpetuum facultatem haberet, eligendi ArchiEpiscopos seu Episcopos, qui investituram ab eo accipiant & consecrationem. Sigon. lib. 7. de Regn. Ital. pag. 170. Goldast. Tom. I. Constitut. Imperial. p. 222. Nihilominus crevit ab hoc puncto secularis nimium Episcoporum potestas, cum Imperatores, quicquid Principibus detraherent, id Clericis adicerent, adeo ut civitas tunc temporis indè denominaretur, cui Episcopus præfideret. In historiâ Landgraviorum Thuringiæ, c. 19. habentur hæc verba: *Wilhelmus* (fuit is filius Ottonis M. Imperatoris) *ArchiEpiscopus XIV. Thuringiæ intravit, & in Erfordia multos nobiles pro defensione terra locavit, quibus multa bona in Thuringiâ largitus est. Wilhelmo defuncto successit Rupertus. Hi ArchiEpiscopi rexerunt Thuringiam & Hassiam annis ferme 70 usq. ad Conradum II, Imperatorem. & Paulus Langius*

in Chronic. Cirizenſi *Wilhelmopater Otto* poſt mortem Ducis *Burchardi*, qui ab Hungaris interfectus ſine liberis obierat, dedit totam *Thuringiam* & *Haſſiam*, cum plenò jure & dominio ad honorem Dei & *S. Martini Moguntinenſis Eccleſiæ Patroni*, Qui intrans dictas terras in poſſeſſionem ſuſcepit, & *Erfordiam* tunc apertam muro cinxit De Epifcopo *Otgero Spirenſi* ſcribit *Brulchius*, quod ab aulâ Imperatoris totus immunitatibus & liberalitatibus onuſtus *Spiram* acceſſerit. Nec hujus loci eſt omnia recensere privilegia, quæ ab Ottonibus in Epifcopales ſedes promanârunt. *Theodoricus* & *Niemadhuc* & *Sigonii* de nimia hæc Imperatorum profuſione teſtimonia adduxiſſe ſufficiet. Ille quidem ita loquitur: Pene omnibus cathedralibus Eccleſiis in *Italiâ*, *Galliâ*, *Germaniâ*, *Burgundiâ* & *Lotharingia* conſtitutis, multas civitates, caſtra, oppida, villas & multa alia dominia temporalia & Jurisdictiones donavit, & omnibus illis Eccleſiis propria inſignia perpetua deputavit. Hic verò lib. 7 de Regn. Ital. Eccleſiaſticorum bonorum magnitudo erat maxima t. m. p. *Ottonum præſertim verò Epifcoporum*, quorum & reverentia ſumma & jus ſemper in civitatibus fuit amplifſimum. Quæ ſatis demonſtrant quæ præcipuè incrementa ſecularis Epifcoporum poteſtas à tenuibus principiis cœperit.

TH. III.

Næque paris tamen omnes Epifcopi dignitatis, ſed gradus paulatim Epifcopalis ordinis conſtitui ceperunt, ita quidem ut in quatuor tandem claſſes exereverint. Primus quidem locus fuit Patriarcharum, qui integræ alicui nationi plures provincias complectenti præſidebant, nec in Epifcopos ſolum, ſed etiam in ArchiEpifcopos imperium habebant. *Paurmeiſſer. lib. 2. de Jurisdiction. Imp. Rom. c. 8. n. 3.* Alter verò locus erat ArchiEpifcoporum, quos univerſæ provinciæ plures civitates complectentis Eccleſiæ inſpectioni præſuiſſe tradit *Paurmeiſſer. d. c. 8. n. 4.* Præcipua verò inter eos dignitas *Moguntini* fuit, *Coloniensis* & *Tre-*

virensis, quibus novus splendor ab A. B. accessit, quæ illis inter Electores primatum defert & Archicancellariatum confirmat, quem non paucis abhinc annis obtinuisse creduntur. Insitutum enim antiquitus ut Moguntinus in Germaniâ, Coloniensis in Italiâ, Trevirensis per Burgundiam, Lotharingiam regnum Arclatense & cæteras Galliarum provincias, quæ Imperio suberant Cancellarii essent. Onuphr. Panvin. lib. singul. de Comit. Imperator. c. 6.

TH. IV.

Primum quidem quod constat circa tempora Caroli M. nomen Archicapellani & Archicancellarii frequentatum fuit, ut qui Cancellarios etiam Episcopos habuit, vid. Lehman. Chronic. Spirens. lib. 2. c. 7. In instrumento foundationis Monasterii Camptonensis anno 774. legitur hæc subscriptio: *Amelbertus Cancellarius ad vicem Luperti Archicancellarii recognovi*: Crusius anal. part. 1. lib. 11. c. 1. In diplomate manumissionis anno 908. nominatur *Ernestus Cancellarius ad vicem Theotmari Archicapellani* ap. Goldast. Altmannic. antiquitat. tom. 11. part. 1. fol. 37. In vita Ludovici Pii Archicancellarius Imperii Commentariensis appellatur; Evehebantur ad hanc dignitatem plerumque Diaconi & Presbyteri, postea quoque Episcopi. Ad eorum curam pertinebat omnium Clerum palatii sub curâ & dispositione suâ regere, ac de omnibus negotiis Ecclesiasticis, sacrumque ordinem universum concernentibus cognoscere, ita ut iis inconsultis res ad Reges deferri non possent, nisi essent arcanæ, quæ nemini, priusquam Regi relevari poterant. In omnibus regni conciliis inter Consiliarios locum habebant, cumque Francorum imperium tria regna, Germanicum, Gallicum & Italicum comprehendebat, ut singulæ nationes negotia suâ linguâ possent proponere, ex singulis Archicancellarius creabatur, Hincmar. lib. 6. cap. 18. Quas sanctiones cum nec successores mutassent, mansit dignitas Archicancellariatus usque ad Carolum IV. qui eum A. B. denuò confirmabat. Qui verò factum, quod hæc dignitas præcipue ad Moguntinum, Trevirenses & Colonienses fuerit translata hæc de re vid. conjecturam Panvinii de Comit. Imperat. c. 6. De cōnon-
dum

dum constat, undè capellani dicti fuerint. Quidam à capellà, cuius nomine ipsorum consistoria veniebant, ortum putant, quod vocabulum ex Latinò & Græcò componunt, & capellas quasi capientes *καὶ* dictas tradunt Zœs. ad Decretal. lib. 3. tit. 37. quam verò judiciosè, cuius judicare in proclivi est. Alii etymologiam in cappà Martini quærunt, quam Reges Francorum ob adiutorium victoriæ in præliis secum habere solebant, quam ferentes & custodientes cum cæteris Sanctorum reliquiis Clerici, Capellani ceperunt vocari Goldast. Tom. 1. Alemannic. antiquit. part. 1. p. 297. Zœsius d. l.

TH. V.

Præter Archicancellariatus dignitatem, communia quoque Archiepiscopi habent insignia, pallium scilicet, quo singulariter à Pontifice decorantur. Dicitur hoc Patriarcharum & Archiepiscoporum insigne, capit. significasti, §. ult. de electione, quo alii inferiores uti non possunt, capit. 3. de usu & auctoritat. pallii, plenitudinem Pontificalis officii cum translatione dignitatis designans cap. in Gallica cap. nisi specialis & capit. cum sis X. de auctoritat. & usu pallii. Quæ tamen cum grando salis volumus accipienda, quod jus vocandi eligendique habeant, licet nondum à Pontifice pallium susceperint, aut confirmati fuerint. Nihil enim ante receptionem pallii dicuntur posse, scilicet eorum, quæ ordinis sunt, ut Zœsius declarat, ad lib. 1. Decretal. tit. 8. Si verò in actu electionis considerantur, non tam, quàm Ecclesiastici, sed quàm Principes Imperii Germanici attenduntur: Myns. centur. 5. observat. 58. Gail. 1. observat. 3. n. 1. Quo nomine aliquoties ipsos in A. B. indigitari patet abundè ex c. 1. pr. §. 2. 3. §. & seqq. Sicut enim nihil planè absurdi, aliquam personam duplicem sustinere respectu: ita maxime spectanda illa qualitas, cujus respectu agere quis dicitur. Ut autem illud pallium paulo accuratius inspiciamus, ejusque figuram reputemus, fascia illa latitudinis trium digitorum, ex candidà lanà linoque confecta habens circum humeros circumstringentem, & duas lineas seu chordulas ab utraque parte ante & retro pendentes, item quatuor cruceas nigras, quarum una residet ante pectus, sequens retrò in humeris jacet, ultima

ultima hinc inde brachia exornate, ejus figuræ mysticum videtur
 significatum apud Zoësum ad Decretal. i. tit. 8. n. 1. Paratur autem
 hunc in modum: In die Agnetis Virginis, qui est 21. Januar. in
 templo D. Agnetis Romæ, cum in Milsâ imploratur Agnus DEI,
 super altare ponuntur agni duo candidi, & basilicæ D. Petri Sub-
 diaconis traduntur. Hi in pasqua missi vernò tempore condentur,
 ex eâ tanâ pallia texuntur, quæ in extremâ parte tenuibus laminis
 plumbeis firmantur. Ad hunc modum contexta deferuntur ad a-
 ram D. Petri & Pauli, ibi solennibus precibus recitatis, à summò
 Pontifice consecrantur, & pernoctem relinquuntur. Manè Sub-
 diaconi recipiunt, donec alicui ArchiEpiscopo deferri contingeret.
 Hinc ex corpore D. Petri pallium sumi dicitur. capit. significasti
 ad fin. extr. de election. Panciroll. thesaur. variar. lection. lib. 1.
 c. 20. Hanc non magnæ rei mercem ArchiEpiscopi magnâ pecu-
 niæ vi redimere coguntur, de quo potissimum expilationis gene-
 re passim gentium quærimoniæ extant, testantibus id imprimis
 nationis Germanicæ gravaminibus ap. Goldast, part. 1. der Reichs-
 sagung fol. 216. Daß bey eines Menschen Leben auß dem etlichen
 ErzBischoffschumb Maynz für die confirmation eines ErzBis-
 choffs siebenmahl 25000 fl. das ist zusammen / 157000. fl. gelleffert
 worden mit grossen Beschwerden der Unterthanen / welchen des-
 wegen Tribut und Schagung auferleget worden. Goldast. d. l.
 Dahero nicht ohne Uhrsach Jacobus ErzBischoff zu Maynz / als
 er jetzt sterben wollen / mit klagender Stimme gesagt / es fräncke
 Ihm nicht, daß er sterben müßte / und sein vorstehender Tod schmerzt
 Ihm nicht so sehr / als daß seine Unterthanen wieder für das palli-
 um Schagung geben müßten. adde Marcum Anton. de Domini-
 lib. 3. de Republ. Eccl. c. 11. p. m. 323.

TH. VI.

Hæc communia Electorum Ecclesiasticorum fuere: nunc
 singularia eorum examinabimus, quæ facillimè apparebunt si de
 singulis paulò accuratius dispiciamus. Ac quidem si ordinariam
 quoque eorum dignitatem attendamus primum se, Moguntinus
 offert, cui primas vel ipsa Caroli constitutio tribuit, quemadmo-
 dum vulgati versiculi habent:

Treviris

*Treviris a te, sed rerum proprietate,
Gaudet Agrippina, sed honore Moguntia prima.*

Sunt qui hanc dignitatem Episcopi Moguntini à Pipinò repetunt, quem Bonifatium Episcopum Moguntinum, cum Childericus Imperiò abdicatus ac raso capillitio in monasterium detrusus fuisset, inunxisset & inaugurasse Aventinus auctor est. Cui tamen utcumque sit, cum supra hujus historię fidem in dubium, revocaverimus, de eò certi sumus, quod Archicancellarius officium pridem obtinuerit. Fuerunt ejus officio ascripti Germani, & qui Germanicò Jure ac civitate donati fuere, Pannonæ ac Sarmatæ, Goldasti, in Dedic. Tom. I. Constit. Imperial. p. 5. §. Alterum constitutionis caput &c. Cujus intuitu Archivum Imperii publicum seu chartophylacium, quo publica Imperii documenta continentur, & Matriculam Imperii asservat. Rutger. Roland. de commiss. l. 5. c. 4. n. 10. Decreta Imperialia olim solus signavit. Limn. lib. 3. Jur. public. c. 4. n. 2. & si curia Imperialis in ejusdem Archicancellariatu celebretur, ipsemet super baculo argenteo omnia signa importat. Limn. d. l. Ex quo etiam fluit, quod Electores seu capitulum regnò vacante convocet, de quo A. B. tit. 1. Quod jus ab antiquo Moguntino competiisse judicare videtur. tit. 4. §. Cæterum quoties & quando &c. Quamvis id sine dubiò transire non possit, juxta ea, quæ habet Cospin. in vit. Caroli IV. & Rupertii, qui hoc jus Palatini quondam fuisse planè affirmat. Indè quidam commune hoc Jus Palatini cum Moguntinò faciunt: cujus modi sunt verba auctoris libri de Cæsare & Regiò Jure citati à Schardio de Origin. Elector. c. 9. *Palatino Rheno defuncto Imperatore Jus convocandi Electores cum Archiepiscopo Moguntinò commune esse. Illi quidem sub pœnâ proscriptionis, hinc vero sub pœnâ Censuræ Ecclesiasticæ.* Contra alii hoc jus ad collegium Electorum pertinuisse sentiant, vid. Marquard. Freher. in not. ad Pey. de Andsol. lib. 2. c. 1. vel etiam alternatim Buxdorf. ad A. B. conclus. 17. sub lit. c. ita ut instanti dissentientium varietate quid certi statuamus, non habeamus. Id ex fide historię, pro competito habemus, Moguntini quondam fuisse creatum Germanorum Regem consecrare & inungere. Quis mos ad eò à Pipinò

usque ad Othoem servatus, ut omnes Francorum Reges, qui medio tempore in Germaniâ regnârunt, & à Papa ep. non contigisset, ab Episcopô Moguntinô consecrati fuerint: Si ceremoniæ hujus consecrationis apponendæ, mallet eas Sigonii quam meis verbis exprimere, quæ in vitâ Ottonis I. habet: Mortuo, inquit, „ Rege Principes Episcopi quæ Germaniæ Aquisgrani convocati, „ legitimis suffragiis Regem aliquem ex suo corpore designabant, „ designatûm verò in solio Caroli M. levabant. Ex aula indè in basilicam descendentem ArchiEpiscopus Moguntinus cum clero „ occurrens excipiebat, ac populus, qui frequens honesti spectaculi causâ circumstabat, Regem à Deo & populo lectum ostendebat. Indè antistes cum Rege progrediebatur ad aram, super „ quam regia insignia erant, atque primum gladium cum baltheo, „ deinde armillas cum chlamyde, tum sceptrum cum baculo porrigebat, ac demum oleo sacro perfusum coronâ impositâ consecrabat. Sigon. lib. 7. de regn. Ital. p. 176. adde Franciscum Moguntinum in Pandectis triumphalibus tom. 1. lib. 4. Cujus rei hanc imprimis causam assignant, quod Germaniæ metropolitanus & regni Cancellarius esset, eoquæ à scriptoribus horum temporum maximus Pontifex appelletur. Sigon. d. l. Onuphr. Panvin. de Comit. Imper. c. 7.

TH. VII.

Tempore verò, quo Otho I. electus fuit, primum controversiam natam constat, inter duos ArchiEpiscopos Coloniensem & Trevirenssem, ad quem hoc jus pertinere debeat, cum Trevirensis id munus sibi vendicaret, quod Ecclesia sua cæteris antiquitate præstaret, Colonienfis verò, quod consecratio in suis finibus fieret, ut libro etiam 2. De gellis Othonis Imperatoris refert Viti-chindus, qui ita scribit: *Cum questio esset Pontificum, in consecrandò Rege; Trevirensis videlicet & Colonia Agrippina, illius quia antiquior sedes esset, & tamquam à B. Petro Apostolo fundata: hujus verò, quia ad ejus diocesin pertineret locus, & ob id sibi convenire arbitrati sunt hujus consecrationis honorem, cessit tamen uterq; eorum Adelberti Moguntini ArchiEpiscopi cunctis*

cunctis nota sanctitati. Atq; Moguntinus ipse more majorum
 ipsum Othonem consecravit & coronavit. adde Sgon. d. l Gold-
 alt. Constitut. Imperial. Tom. 1. p. 215. Fabric. Origin. Saxon. lib.
 2. p. 127. Quis autem Othonem II. coronaverit, incertum: nisi
 conjecturam Onuphrii sequi velimus, qui illud à fratre Gulielmo,
 qui tunc temporis Archiepiscopus erat, factum harricatur. O-
 thonem III. inauguravit Johannes Archiepiscopus Ravennas, A-
 quisgrani, cæteris fortè Archiepiscopis prælatus, quod ibi esset A-
 postolicæ sedis Legatus, Henricum & Chunradum Moguntini
 inunxerunt, Henricum IV. tertiumque Imperatorem Herman-
 nus Colonienfis consecravit, cujus rationem Schafnaburgensis
 explicat: *Imperatoris, inquit, filius Henricus consecratus
 est in Regem Aquisgrani ab Hermanno Colonienfi Archiepisco-
 po, vix & agrè super hoc impetratò consensu Luipoldi Archiepi-
 scopi, ad quem propter primatum Moguntina sedis consecratio
 Regis, & cætera negotiorum regni dispositiones potissimum per-
 tinebant. Sed Henricus Imperator Hermanno Archiepiscopo
 hoc privilegium vendicabat propter claritatem generis ejus
 & quia intra diæcesin ipsius hæc consecratio celebranda consi-
 gisset* adde Sgon. lib. 8. de regn. l. 1. p. 206. Hæc ratio amissa di-
 gnitatis in Moguntino & devolutæ ad Colonienfes, quicquid etiam
 nunc hodie vi A. B. confirmatâ utuntur.

TH. VIII.

Illud Moguntinus retinet, quod inter Electores Decani vi-
 cem agat, veluti patet ex Epistol. Electorum ad Benedictum XII.
 Pontificem exarata quæ exat tom. 1. scriptor. German. Freheri in-
 ter annales Rebdorffii fol. 425. ut capitulum convocet, sicut supra
 à nobis dictum, formam Juramenti Electoribus proponat A. B. c.
 2. & in electione Regis Romanorum Cœlectorum vota requirat.
 tit. 4 §. 3. & ipse demum ultimò rogatus suum promat. d. §. 3. quam-
 vis id de jure antiquo secus esset, testante id auctore nuper. Illegato
 de Jur. Casareo & Regio, ibi: *Moguntinus Cancellarius per
 Germaniam primam ducem habet*: Schard. de Ongin. Elector.

cap. 9. Illud adhuc aliquam difficultatem parit. Annon, si tempore, quo fieri debeat hac convocatio, non existat, Archiepiscopus, Capitula hac potestas sit concedenda? Quod dixeris forsitan per relictum Bonifacii IX. ita loquentis: *Episcopali sede vacante potest Capitulum seu is, ad quem Episcopalis Jurisdictio tunc temporis noscitur pertinere, is, quibus potest Episcopus, si videret, ab excommunicationis sententiâ absolutionis beneficium impertiri* in cap. un. ext. de major. & obedient. in 6to. Scilicet, quia juxta Felin. in c. 1. n. 19. cum seq. de jurejurando: Sede vacante capitulum succedat tam in temporalibus, quam in Spiritualibus adeoque omnis Jurisdictio penes Capit. remaneat: Gail. 1. observat. 30. n. 10. 11. & 12. Sed ut ut hæc sint verissima de iis, quæ jure sedis ac dignitatis Episcopalis competunt: malè tamen ad jura extenduntur singularia, quæ non ex potestate Episcopali, sed aliò respectu ac intuitu Episcopo concessa fuere. Moguntino verò convocandi potestatem singulari indultu non tanquam Episcopo, sed Principi Electori Imperii competere sat manifestò extitit. 4. A. B. §. præterea statimus liquet. Ex quo benè concludit Arum. sede Episcopali vacante, Capitulum ad convocationem Electoralem nequaquam admitti. disc. 1. th. 24. Ac cerè si ullò casu jus convocandi ad Capitulum devolveretur, id utique tum fieret quando hōc in munere ArchiEpiscopus negligens aut remissius extiterit, ubi tamen Electores motu proprio etiam non vocati, pro fidei suæ virtute, quæ sacrum prosequi tenentur Imperium intra tres menses accedere jubentur Francofurtum.

TH. IX.

Trevirensis, quem meritò huic subjungimus, Episcopatus sui antiquitate imprimis gloriatur, quem in Gallis ab ipso Petro institutum quidam jaçant. Onupht. Panvin. de Comit. Imperat. c. 6. Quo etiam in illà cum Coloniensi contentione ad quem nam consecratio Imperatoris Germanica pertineat, nixus fertur. Sigon. in vit. Othonis I. Est non minima ipsius dignitas, quod Cancellarius per Galliam & regnum Arelatense audiat, quibus nomi-

nominibus non integra Gallia, sed quicquid ejus ad regnum Burgundicum pertinuit, quod seculo XI. Germaniæ jungi cepit, intelligitur. Complectitur autem Arelatense regnum Delphinatum Sabaudia à Sigisimundo Ducatum factum, & tractum Sequanensem sive Burgundia Comitatum, & tractum Helvetiorum. Hoc regnum Rudolphus Rex Conrado Salico testamento tradidit, Conradus Germaniæ conjunxit. Huic Trevirensi primum in electione suffragium competit juxta A. B. tit. 4. Quod quamvis A. B. antiquis quoque temporibus ei competiisse doceat, contrarium tamen ex his, quæ supra diximus constat, ubi hoc ad Moguntium pertinuisse ostendimus, cui etiam adhuc, nisi hanc licentiam haberemus à Carolo determinatam, conveniret, quod Collegii Decanus audiat, quemadmodum etiam habent verba Landrecht/ lib. 3. art. 57. Der Bischoff von Maynz der hat die erste Stimme der Wahl/ der Bischoff von Trier die andere/ der Bischoff von Cölln die dritte Quam dispositionem observatam etiam in electione Maximiliani II. legimus, ubi primum Moguntinum à cæteris collegii hujus Septemviralis membris interrogatum, cui nam votum suum attribueret, dein cæteros quoque Moguntinum interrogasse. Adam. & Nicol. Heydem in elect. Maximilian. II. referunt ap. Goldast. Imper. Polit. part. 1. p. 184. Qualem locum in sessione obtineat id tit. 3. expressum, scilicet ut sedeat ex opposito, & lineari directione versus Imperatoris faciem, utque in directa diametrali lineâ ante Imperatorem vel Regem transeat, illis solummodo intermediis, qui Imperialia vel Regalia deportant, insignia. A. B. c. 22. 22. & c. De quâ anomolâ sessione conjectura extat Arumæi discurs. 3. ad A. B. ches. 2. quæ tamen omnino non ad palatum Lymnzi Jur. public. lib. 3. c. 5. n. 15,

TH. X.

Illud adhuc circa Trevirensis electionem scrupulum movere solet, numquid jus suffragii per eum regno Gallia acquiratur? Quem errorem quidem errasse perhibetur Gregor. Tholosan. lib. 6. de Republ. c. 13. n. 15. & lib. 7. cap. 15. n. 18. scilicet jus suffragii & electionis septemviralis in Imperio per id competere regno

Galliz, quod Archiepiscopus Trevirorum, qui inter suffraganeos septem existit, Archicancellarius Galliz prædiceretur. Sed nescio annon vir ille aliquantum à scopò aberraverit. Scilicet si Trevirensis nomine Galliz eligeret vel Gallorum, ad quid juraret sese electurum per fidem, qua Deo & Sacro Romano Imperiò est adstrictus c. 2. A. B. § 2. potius juraret per fidem, quâ Deo & Galliz adstrictus. Nec verò Tholosano ipso teste Trevirensis unquam à Gallis eligendi mandatum habuit nec perindè eorum nomine eligere potuit arg. tit. 1. & 19. A. B. Joh. Limn. Jur. publ. lib. 3. cap. 5. Quod ad officium Archicancellariatus per Galliam tantum abest, ut inde Gallorum Regi aliquid acquiratur, ut potius ad Romanum Imperium hoc quicquid est regni pertinere manifestum faciat Goldast. in Dedic. tom. 1. Constit. Imperial. p. 5. Denuò non ut Cancellarius sed ut Princeps & Elector Imperii jura suffragii Trevir exerceat ut patet ex tit. 1. in princ. & §. 2. 3. r. & seqq. tit. 2. & 4. Igitur, quod jam ante monuimus, cum nihil absurdum inferat unam personam plures etiam sustinere respectus, quilibet adus erit judicandus, à qualitate, quæ eum producit. Adeò hæc disputatione Gallis parum prospicitur, quin potius defectus illorum ab Imperio Romano Germanicò clarior redditur. Absolutam quidem Gallorum ac nullis planè limitibus circumscriptam jactant libertatem, per Baldum consil. 217. vel. 3. ibi: *Ego puto, quod nemo præsumat honorem super vexilla invictissimi Regis Francie.* Et in consilio sequenti: *quod de personâ Regis Francie nihil aliud dici possit, nisi quod dicitur de Polo Antarctico, qui non est Hemispheri.* Idemque de prohibet, feudi alienat, loquendo de Rege Franciæ, prout refertur à Purpurat. in l. quæcunque de offic. ejus: n. 115. dicit *quod sit supra omnes Reges, tamquam stella matutina in mediò nebule.* Sed verba quidem Baldi audimus, rem nondum expeditam videremus. Quamvis enim de factò Rex Franciæ Imperatorem non agnoscat, agnoscere tamen de jure plerorumque est sententia. quemadmodum etiam gloss. tenet, in capit. per venerabilem, &c. qui sint filii legitimi. Quando enim textus dicit, quod Rex Franciæ in temporalibus superiorem minimè recognoscat, dicit glossa, de factò hoc procedere,

cedere, sentiens, quod de jure debeat recognoscere, cui etiam sententiz plerique Doctores assensum largiuntur, præter illos, qui Regi Franciz subditi, cui volentes blandiri illud dicunt, quod scil. neque de facto neque de Jure cognoscat. ad. Anton. Quædam in tractatu suo elegantissim. utrum Romanorum Rex, an verò Christianiss. Franciz Rex præcedere debeat.

TH. XI.

Si nostri jam esset hujus rei incunabula persequi, illud veluti fundamenti loco ponendum censeremus, conjunctos olim cum Gallis Germanos communi Celtarum nomine venisse, vid. quæ hanc in rem congeßit Reinecc. Origin. Misenor. p. 198. 199. & 200. Imperatoriam verò dignitatem semper Germanos obtinuisse, certissimis classicorum scriptorum testimoniis probasse se putat Hieron. Gebvilerius. cujus hanc in rem tractatus extat apud Goldast. part. XX. Imperial. Politic. p. 839. Nec ipsimet inficiantur Galli Carolò Imperante Galliam ad Imperium Romanum pertinuisse, quod & in conventu Principum Fraxineus Orator Gallicus negare non potuit. Thuan. lib. 10. Ipse verò sive Carolsburgii, quod vult Aventin. lib. 4. Annal. Bojor. sive Ingelheimii, quod vult Cuspin, in ejus vitâ, natus fuerit, ubique eum Germanum fuisse relinquitur. Et numquid Sigismundus Carolum Franciz Regem, suum fidelem appellat, eumque ex Imperiali officio ad Contilium Constantiense requirit? in mandato de anno 1373. quo Regem Franciz ad d. Concilium evocavit. Goldast. Tbm. I. Constitur. Imperial. p. 386. & 487. Nonne etiam Rex Franciz ratione Burgundiz & regni Arelatensis Imperatori fidelitatem debet? Goldast. in præfat. der Reichs. Handlung. Et expressum illud à Carolò IV. de anno 1357. in illâ cum Rege Franciz ligâ. *Quod illustris Carolus Delphinus Viennensis primogenitus ejus, nepos noster carissimus, Delphinatum eundem & omnia ab eò dependentia, quæ Prædecessores Delphini Viennensis antiquitus à præfatoro Romanò Imperiò in feudum tenuerunt, nunc etiam in feudum à nobis tanquam à Romanò Imperiò & verò suò Dominò* cum

cum solemnitatibus & ceremoniis consuetis tenebitur, & debet hic suscipere, nobisq. prestare, vasallagii, fidelitatis & obedientia salutum iuramentum &c. quod sub formâ simili Illustris Comes Burgundie comitatum suum Burgundia, à nobis tanquam Romano Imperatore in feudum suscipere teneatur, & post declarationem huius prefatus Rex Francia frater noster charissimus, nobis fide, quam suprâ promisit, quod omnia prædicta effectualiter compleri debeant, & ad finem realem perducere sub omnibus illis conditionibus & modis, prout sunt superius declarata ap. Goldast. de actis Imperator. cum Rege Franciæ part. XX. Imperial. Politic. discurs. 4. p. 848. adde literas reversales prædicti Regis Franciæ super ligam loc. cod. p. 849. Gloriantur nihilominus Galli de superioritate absolutâ nec Imperatorem, nec alium quendam recognoscentes, quod jure etiam fieri And. Alciat. ex pactô Imperat. Justiniani cum Clothario vel Theudiberto Gallorum Rege in libr. de singul. certam, c. 32. tenet, contra Zoanetæ de Roman. Imperat. Herman. Kirchn. in legat. lib. 1. c. 8. n. 21. Ad eò nos longè inferiores putamus, quam quibus iudicii hebetudinem interponere & determinando litem iudices agere liceat, cum comparati erga tales viros ne pulvisculi quidem rationem obtineamus.

TH. XII.

Tertius Archiepiscorum est Colonienfis, qui Archicancellarius per fiscaliam audit, A. B. rit. 3. §. 2. hoc est, per regnum quod fuit Longobardorum, & reliquias veteris Imperii Romani, cui Goldast. Siciliam quoque cum cæteris provinciis accenset in dedicat. d. tom. 1. Suffragium suum statim Trevirensi subnectit, quod tit. 4. §. 3. expressum. & illud etiam singulare habet, ut Romanorum Regi primum diadema regium imponat. tit. 4. §. 3. Obtinere videtur id jure territorii, quod Aquisgrani hæc coronatio celebretur, quam rationem Onuphr. assignat, d. sæpius cap. 6. nisi quod illud acceptum quoque referat Heinrico IV. qui Herimanno Archiepiscopo hoc privilegium propter claritatem generis vendebat,

cabat, teste Lambertô Schafnaburgense, aut quod quibusdam placere video, Heinrico III. quem Pelegrinum Coloniensem coronasse refert Krantzius. Quod etiam Episcopi Germaniæ in Epistolâ nomine Friderici Enobarbi Imperatoris ad Hadrianum. IV. conscriptâ non obscure loquuntur, quando ita scribunt: *Liberam Imperii nostri coronam divino tantum beneficio, adscribimus, electionis primam vocem Archi Episcopo Moguntino: deinde, quod superest, ceteris secundum ordinem recognoscimus, Regalem unctionem Colonienfi supremam verò summo Pontifici, auctore Radevic. Frisingens. Canonico, qui Ottonis Frisingensis libros supplevit in vit. Friderici I. Imperat. lib. 2. c. 16. Quid circa beneficium appellationis habeat, id expressum in illô Maximiliani II. decreto sub dat. Spir. 19. Aug. ann. 1570. apud Lymæ. Jur. public. lib. 3. c. 6.*

CAP. VI.

Electores seculares in specie, & quænam eorum singularia sint, ad accuratorem trutinam appendens.

TH. I.

INter seculares primatum obtinet Rex Bohemiæ cui A. B. d. feratim in hoc ordine primum votum tribuit. Sunt planè qui status ei controversiam movere solent. Numquid etiam pro Electore sit habendus? quod expressis verbis negat Speculum Saxonicum lib. 3. art. 57. *Der Erbschend des Reichs hat keine Wahl darumb das er kein Teutscher ist.* Quæ quoque verba sunt Abbatis Stadenfis in annal. sub anno 1220. *Bohemia Regem Pincernæ munere fungi, sed non eligere, quia non est Teutonicus.* & Hostiensis in cap. venerabilem, extr. de electione & electi potestat. Regem Bohemiæ jus eligendi de factô usurpare ait. Sed ut prius rationem Speculi Saxonici removeamus, fac luculenter docuisse arbitrator Goldastum in lib. 3. de regno Bohem. ex Tacito Melâ Solin ô,

Plinio, Ptolomæo, Bohemiam Germaniæ portionem, Regemq[ue]
 Bohemiæ Germanum assèruisse, aded ut verè scripserit Martinus
 Boregk, das Böhmerlandt ist etue Gegendt in Teurschlandt / in
 Chron.Bohem.cum quo etiam faciunt Albert.Krantz lib.1.Wan-
 dal.c.4. Thom. Lansl.in Consultat. de princip. inter provincias
 Europæ in Orat. pro German. Joh. Cluten. in syllog. rer. quoti-
 dian. concl.24. lit.c. centumq[ue] alii à Goldast. d.l. allegati. Fun-
 damentum itaq[ue] cum lubricum admodum, necessum habemus,
 ut aliud nostræ sententiæ substernamus, quod sanctio Carolina ex
 abundanti suggerit: Ita enim tit.4. *Tertio à Rege Bohemia qui
 inter Electores Laicos ex regia dignitatis fastigiò jure & meri-
 to primariam obtinet.* It. tit.7. *Sanè generaliter longè latèq[ue]
 est publicum, & quasi per totum orbem notoriè manifestum,*
*Illustres Reges Bohemiæ, Comitem Palatinum &c. in electione
 Regis Romanorum in Casarem promovendi, cum ceteris Prin-
 cipibus Electoribus jus vocem & locū habere adde præfat. A.B.*
*Quæ sanè abundè satis Electoratum Regis Bohemiæ loquuntur, ita
 ut aliundè testimoniū petere supervacaneum arbitrer. Quamvis
 hanc in rem præcipuè adduci posset privilegium Rudolphi I. cu-
 jus quædam verba hic interspergere juvabit: Extitit (verba sunt
 Rudolphi,) dilucidè declaratum, prædictum Regem Bohemiæ,
 & suos hæredes, in electione Regis Romanorum futuri Impera-
 toris, cum ceteris Electoribus habere debere, ad similitudinem
 aliorum Electorum eligendi plenarium jus & vocem. Volentes
 itaq[ue] dicti Regis & hæredum suorum dispendis cavere jus & of-
 ficiū Pincernatus, in Imperiò sibi & hæredibus ejus, & non al-
 lii competere, & in electione Regis Romanorum, futuri Impe-
 ratoris, habere ejus & votum, clarè recognoscimus, approba-
 mus, & præsentium testimoniò profitemur.* Goldast.tom.11.Im-
 perial.Politica.p.86. In quo privilegio illud quoq[ue] nos edocuit
 Rudolphus, hanc dignitatem Regis Bohemiæ progenitoribus, ab-
 avis, atavis, proavis & avis, purè & plenissimè competiisse
 d. Constit. §.3. Aded ut vel solus hic locus sufficeret ad elidendos
 eorum

eorum conatus, qui non ex antiqua consuetudine, sed à Carolo demum Rege Bohemix in Comitibus Norimbergæ anno 1356. celebratis in numerum Electorum cooptatum & ascriptum putant, contra A. B. tit. 7. §. 1. junct. tit. 4. §. 3. quam sententiam inter alios (quos adductos vide à Goldast. in Regn. Bohem. lib. 3. c. 5. n. 11.) quoque fovet Krantzius lib. 4. Saxon. c. 25. & lib. 9. c. 26. quem maximè fefellisse videtur vulgaris illa & trita ab Ottone III. facta Electorum enumeratio, in qua Rex Bohemix ultimò assignator loco. Quod tamen non ordinis causâ factum, bene monet Goldast, sed quia Rex Bohemix licet primus Electorum, postremò tamen solet officium suum Pincernarium in Curia Imperatoriâ deservire. quemadmodum videre est A. B. tit. 25. adde Goldast. lib. 3. Bohem. c. 5. n. 13. p. m. 195.

TH. II

Haut tolerabilior est eorum error, qui Regem Bohemix, nonnisi cum Electorum suffragia æqualiter divisa inter se dissenserint, ad electionem Regis Romanorum admittunt, quo arbitri vicem sustineat: Quæ sententia cum aliis Prolozum quoque Lucensem & Dubravium Bohemica historix scriptorem autores habet. Ille quidem citatus à Platina in vitâ Gregorii V. ita scribit: *Sunt qui scribant, Bohemix Regem, septimum Electorem, Imperatoris Pincernam esse: hisq. in eligendo additum esse ad tollendam discordiam partium. Ad utros enim inclinasset, ea pars certè potior habebatur: hic verò lib. 6. Additus tamen sex illis Principibus, ait, Bobemus fuit Elector septimus ad tollendam discordiam, quæ inter pares numero pari suffragio concurrente nonnunquam intercedebat, adde omnino Fabricium de Illustribus Saxonix Ducibus & Elector. Imper. narrat. pag. 7. Cujus asserti fundamentum plerunq. in glossâ andree lib. 3. art. 57. ponunt, ex quâ rythmi vulgares composui:*

Ich bin der Churfürsten Oberman/
 Weil man nicht wohl eins werden kan/
 Und wenn sich etwan in der Wahl
 Zuträge ein Zwietracht dazumahl/
 Welchem ich dann die Stimme mein
 Thue geben/ der soll Keyser seyn.

Sed audiamus quæso Decretum S. Romani Imperii Electo-
 rum anno 1356. in Comitibus Metensibus publicatum, ex quo satis
 superque elucescit, quid Imperator Electores, & communes Im-
 perii Ordines de Jure Saxonico & Doctorum glosis, in quibus se,
 illa opinio jam tum fundare cepit, senserint, definierint, judica-
 rint. Sic enim illi decernunt; *Sanè licet de Juribus Serenissi-
 mi Principis, Domini Regis Boëmia Illustris, Cœlectoris, Com-
 principis & Collegæ nostri, nulla sit Juris vel facti dubietas,
 quia ipse ab avo, proavo, avi & progenitoribus suis, adin-
 star nostri & quorumlibet aliorum Cœlectorum, Principum,
 in electione Romani Regis ad Imperium promovendi plenè Jure
 fretus sit hæcenus & fruatur, sicut hoc luce clarius semper ap-
 paruit ab eò tempore, cujus apud homines memoria non existit;
 tamen nonnulli filii tenebrarum oculis cæcipientibus à divina
 luce remoti, in meridianà claritate palpitant, sicut in noctibus,
 & offendicula laqueosq. præparant iniquitatis & sceleris, Dia-
 bolicà invidia suggerente, jugum veritatis deferre pro mole
 gravissimè ponderis coagulati mendacii nequeunt. super ipsos
 offendiculos corruunt, & suorum laqueis iniquorum conceptu-
 um se involvunt, ut lucem tenebras judicent, & tenebras ipsam
 lucem, quæ retulit Goldast. in Bohem. lib. 3. c. 5. n. 12. Quod verò
 ad illud Ottonis IV. decretum, in quo dicta modò dilectum fir-
 mantur, ap. Goldast. Tom. III. Constit. Imperial. p. 371. illud fi-
 citium esse, sibi quæ à Freherò impositum d. modo locò n. 9. fa-
 retur, sequè daturum operam, ut expungatur ex locò, quem inju-
 stè occupaverit. Quamvis autem certum temporis punctum non
 habeamus, quò hæc dignitas Bohemiæ competere ceperit, com-
 petiisse*

perdisse tamen ab antiquo vel ex dicto modo Rudolphi I. privilegio constat. Illis antiquorum Saxonum ineptiis potiorē habemus Carolinā sanctionem, quæ ad antiquam semper consuetudinem provocat, & Regi Bohemiæ in ordine Electorum tertium, & inter Laicos primum tribuit votum. tit. 4. §. 3. Quæ majorem habebunt lucem, si quid in Caroli V. Ferdinandi I. Maximiliani I. Matthei, Ferdinandi II. & Ferdinandi III. nunc Cæsaris invictissimi electione peractum fuerit perspexerimus, de quo fidem faciunt Protocolla, Decreta & intimationes apud Goldast. part. 1. *Pölitischer Reichs Handel.* c. 5. tit. 24. & 31. c. 8. *Reichsordnung.* part. 2. de anno 1331. id. n. Bohem. lib. 3. c. 6. n. 21.

TH. III.

Positum ergo extra controversiam, quod Bohemus in Collegio Electorali votum obtineat, si quis quærat, num etiam sit status Imperii, procliviores sanè in negativam simus quam in affirmativam. Quod quamvis primâ fronte non videatur, apparebit tamen si paulò intimius in naturam status Imperii introspeciamus. Dicuntur sanè status Imperii *Reichs Stände* ab eo, quod statum & legem votandi & sedendi in Comitibus Imperii habeant, ita ut hæc quasi unicâ & propriâ notâ status ab aliis Imperii subiectis discernantur. Recess. ann. 1512. in princ. 1555. §. *Dieweil* re. anno 1576. in princ. *Paurmeister de Jurisdicte.* lib. 1. c. 8. n. 3. adde *Arumæ.* de Comit. c. 4. n. 1. Inde notanda nobis venit sententia Goldasti (qui pro contrariâ acerrimè pugnat) qui cum Rex Bohemiæ non tantum Princeps Imperii sit, sed etiam principale membrum, consequi putat, ut etiam status Imperii existat, cum sine principali membro corpus nequeat stare, aut integram retinere substantiam, lib. 3. Bohem. c. 3. n. 4. Non enim repugnat aliquid esse immediatè Imperio subiectum, nec tamen statum Imperii, quod loquitur Recess. ann. 1564. §. *Und wollen wir* re. ibi: *gegen denen/ so nicht Stände des Reichs / jedoch dem Heil. R. sich* immediatè unterworfen/ diese Constitution exerciren. Sed inquires illud Bohemo quoq; per A.B. sanctionem tributum, ut quæ generaliter Electores nullò excluso ad Conventus singulis annis,

post Festum Paschatos ob utilitatem regni celebrandos invitat, tit. 12. Quod quamvis non negandum sit, per A, B, Bohemo competere, per contrariam tamen observantiam ab hoc jure recessum est, dum fermè ducentis ab hinc annis Comitii non interfuerit, ac ullis Recensibus Imperialibus subscripserit, ipsomet fatente Goldast lib. 4. Bohem. c. 5. Aded quidem hodiè maximè ex parte direptam hanc controversiam puro, quando in Electorum conventu, anno 1611. Norimbergæ instituto litem hanc gravissimò præjudiciò, & quidem in contradictoriò judiciò decisam nullamque Dn. Matthei Regis Bohemæ Legato sessionem in conciliò concessam novimus, Quibus in terminis rem hodiè permanere, d. modò tateatur Goldast. lib. 4. c. 6. Quare nec postea in Conventu Electorum Collegiali Mülhufii Thuringorum anno 1610. celebratò Ferdinandus II. tum temporis Rex Bohemæ consultationibus interfuit: quin nec admodum laboraverit, ut admitteretur, tamen si multò plus ejus interesset, quam Regis Matthei, propter contradictionem Bohemorum, & quæstionem status ab illis motam. Goldast. d. c. 6. in pr. Similiter in nuperrimò Conventu Electorum collegiali anno 1636. Ratisbonæ habitò Regem Bohemæ Ferdinandum III. antequam ad deliberationem de Electione Regis Romanorum accederetur, ad consultationes non admittum fuisse, ab iis, qui conventui interfuerunt percepimus. Eaquæ procul dubio causa est, quod in membro hòc Capitulationis Cæsareæ, quo Comitia Electorum particularia probantur & confirmantur, non nisi sex Electorum mentio fiat, exclusò scilicet Bohemæ Rege in verb. Wir lassen auch zu/das die gedachten sechs Churfürsten/ zu Ihrer Nothdurfft auch so beschwerliches obliegen haben/ zusammen kommen mögen. 12. Quod & in Capitulatione Carolo V. præscripta factum tradit Goldast. di. c. 6. n. 22. plura qui hæc de re cupit adeat Arum. de Comit. c. 4. Carpzov. in Commentar. de Leg. Reg. German. c. 5. section. 8. & 9. & semicentur. quæst. Illustr. disputat. 5. feud. q. 2.

TH. IV.

Regi Bohemæ si jam Palatinum subjungamus admonendi prius illud sumus non minimam fuisse in Imperio multo ab hinc annis

annis Palatinatus dignitatem. Peucerus Burggraviis antiquiores
 facit Palatinos, eorumque officium fuisse existimat, bello partis
 paratisque provinciis jus dicere, vel Romanorum veteri more, vel
 Francorum etiam consuetudine in Chron. Carion. lib. 5. p. m. 47.
 apud quos præcipue Palatinorum alii majores erant, ad quos totius
 regni cura spectabat, Hincmarus lib. 3. c. 32. Alii minores, qui
 officia domus augustæ administrabant. Idem c. 33. Quantum ad
 originem hujus vocabuli, diversæ circumferuntur autorum sen-
 tentiæ, quas recensere sicut instituti ratio non patitur, ita maximè
 audire juvat. Marquard. Freherum lib. 1. Origin. c. 2. ubi quid ju-
 dicii hæc de re habeat his fermè expressit verbis: *Est, inquit,
 Palatinatus merum nomen officii & dignitatis, quod Impera-
 tores Germani instituerunt, ut alia ei similia. Et ut à Burgo
 sive castro præsidiū, factus est Burggravius, à Maroba vel simi-
 te Margravius, à Landā vel Provinciā Landgravius: Ita
 & à Palatio vel curiā Pfaltzgravius Pfaltzgreve, ut olim scri-
 bebant.* Hactenus Freher. Pfaltz enim idem, quod Palatium,
 siue curia Paul. Math. Wehn. in observat. Practicis verb. Psalleng
 p. 548. Unde Goslaria fuit appellata eine Psaltzstadt / quod in eā
 curiā Imperat. solebant conscribi. Henning. Arnis. de Jur. Maje-
 stat. lib. 2. c. 4. n. 19. Ubi verò hæc dignitas hæreditaria facta est, &
 in Germania Comites Palatini de Principatu seu regione, quæ in
 Palatinatum zu etner Psaltzgraffschafft eredita Reinking. lib. 2. de
 regim. Secul. & Ecclesiast. c. 13. n. 18. investiri ceperint, Palatinis
 præcipue Rhœni non minimus inde accessit splendor, quod A. B.
 sedem ipsi & votum inter Electores deferat. tit. 4. An Electora-
 tus Palatino Rhœni, an verò Ducui Bavarie competierit, gravissi-
 mè disceptatum inter Gewoldam & Freherum, quibus etiam id
 relinquimus, cum utique extrinsecus illa sub Ottone III. instituta Ele-
 ctorum ratione profluxerit.

TH. V.

Ad privilegia jam respicere cogimur & dignitates, quas ex
 sanctione Carolinā habet. Votum quidem quartum obtinet, &
 ad dextrum Imperatoris latus post Regem Bohemiz assidet, quod

tit. 4. expeditum. Officii ejus est in processione solenni aureum pomum ante Imperatorem gestare c. 21. & dum solennes curiæ celebrantur, quatuor scutellas argenteas cibis impletas portare, & ante Imperatorem in mensâ reponere, tit. 25. Præcipuum tamen illud putem, quod coram eo Imperator, siue Rex Romanorum conveniri possit, & de justitiâ respondere teneatur, tit. 5. nec concurrit cum eo Serenissimus Saxo, ut falso existimat Politicus Galorum Bodinus, lib. 2. de Republ. c. 6. n. 224. Originem hujus juris Marquard. Freherus in antiquâ Comitivâ Palatinâ locat, ad Petr. de Andlo lib. 2. c. 10. Olim quippe præfatum Palatii in aulâ regiâ, & Prætoriô Francorum omnes, nullô penitus excepto judicasse legimus, ita ut ipsemet Princeps, si ab aliquô se conveniri pateretur, coram hoc Judice se sisteret. Nec abnuir Speculum Svecicum lib. 2. c. 43. §. 6. Wann die Fürsten dem König wollen beklagen/so er Ihm wider Recht thut/das sollen sie thun für dem Pfalzgraffen. It. Der Pfalz Graff vom Rhein ist zu recht Richter über dem König/und davon hat die Pfalz viel Ehre. Ad quos verò causas trahendum sit hoc judicium cum generaliter nimis loquatur, A. B. admodum nituntur Doctores. Quidam cum grano salis hæc accepta volunt & ad causas tantum civiles referunt, Vultej, in l. r. n. 7. C. ubi Senator vel Clariss. Hering. de fidejussor. cap. 7. n. 291. Sunt tamen qui ad criminalia quoque propter generalitatem verborum id extendunt, scilicet si agatur de causâ depositionis. Missis enim ineptiis Juris Saxonici: Weichbildt lib. 1. art. 8. ubi dicitur, ingloss. fin. Man soll über Ihm richten/ und soll Ihm das Haupt mit einer güldenem Parthen abhauen über eines Schildes Rande: subtilissimus in exauctorationis Judicio, à quo tamen reliquos Electores non exclusos velim. Ad quos enim Jus electionis spectat, ad eos etiam depositio pertinere debet. Quod manifestum in depositione Wenceslai, quam omnium Electorum consensu factam, instrumentum hanc in rem à Moguntino conceptum loquitur, apud Goldast. Tom. 1. Constit. Imperial. p. 379. Indè sufficit quod Præses & director in judicio exauctorationis audiat. Quo nomine primus etiam mihi subscripsisse videtur in depositione Wenceslai apud Goldast. d. l. Et anno 1300. Comitem Palatinum Rudolphum Electores ad Judicium vocasse dicuntur, contra Regem Albertum

bertum quem abdicare Imperiò constituerant, eligentes ipsum
pro Judice, quia officium esset Palatinæ dignitatis de causis, quæ
Regi moverentur, cognoscere, Henric. Rebsdorf. in annal. de
anno 1300.

TH. VI.

Ex hoc verò capite ostendere præcipuè inferioritatem Impe-
ratoris laborat Bodin. lib. 1. de Republicâ. cap. 8. quem repre-
hendunt Arum. h. discurs. 3. consil. 45. & Limnæ. lib. 3. c. 9. n. 43.
opponentes ipsi exemplum Regis Galliarum, qui à Parlamento, quod
supremum est Lutetiæ, Jus sibi patiatut dici, nec tamen contra
præcellentiam regiarum majestatis, ipsometfatente Bodino lib. 3. de
Republ. c. 6. n. 315. nec non Electoris Saxoniarum, qui ratione Præfe-
cturarum coram Curia Lipsiensis agit & convenitur, Zanger. de
Exception. part. 2. c. 1. n. 142. & reliquorum Saxoniarum Ducum, qui
parili modo ab Assessoribus Curiarum supremarum Jus sibi dici
patiantur, Regis Bohemiarum, cui Judices sunt in Silesiâ, qui Judicio
Vratislaviensi præsumt. Nicol Henel. in Silesiographiâ pag. 97.
Schrad. de feud. part. 10. section. 1. n. 13. Sed quod cum Pace tan-
torum virorum dixerim nescio an satis assecuti sint, quod se qui-
dem assecutos putant. Sicut enim in omni contractu duo inprimis
concurrunt communia scilicet: & propria: ita quoque Princeps
interdum naturaliter tantum obligatur, interdum simul etiam ci-
viliter. Priori modo obligatur quisvis, qui summæ rerum præest,
ad quærenda suorum subditorum commoda, quod esse boni Prin-
cipis niduletur in eo, ut primario subditorum suorum commodis
velificetur. Sicut autem naturalis hæc obligatio inefficax ut pro-
ducat actionem, ita quoque in Principe nullam inferioritatem in-
troducitur, Ubi verò princeps se civiliter obligat etiam ad pœnam,
sanè recognoscit superiores, à quibus ad pœnam trahi possit, seu-
bi deliquerit. Ut enim aliquis ad legem possit astringi, & vis co-
activa legis exerceri sanè superior requiritur, à quo talis vis prode-
at. Ut ut igitur Imperator summus sit, si ad quosvis in Imperiò
disjunctim sumptos respectus habeatur, non potest non recogno-
scere dari quosdam superiores, à quibus ad pœnam trahi potest.
Superius autem agnoscimus Imperium, seu membra Imperii con-

junctim ita dicta, quibus non ut singulis, sed ut conjunctim sumptis, hæc potestas competit. Ne igitur Bodini sententiam, audiamus, qui planè Aristocratiam somniat, & nescio qualem tandem inferioritatem in Imperatore delirat, ita magis in eorum sententiam inclinemus, qui mixtum nostrum Imperium ex Monarchiâ & Aristocratia volunt.

TH. VII.

Nunc Serenissimum Saxonem producimus, cujus illustris familiæ meritò antiquitatem miramur, quod à Wittekindo Magno Saxonum Duce, qui cum Carolo M. acerrima bella gessit, per Ditgerum nepotem indubitata propagine fuerit producta, amplitudinem, quod præter Duces Saxonie, Reges quoque Danie, Duces Holsatie, Francorum item Regum & Sabaudie Ducum familiæ indè descendant, denuò etiam dignitatem, quod multos Imperatores, scilicet Heinricum Aucupem, Ottones, Heinricum cognomento Sanctum dederit. Arborem consanguinitatis vid. in opere Genealogicò Reusneri, & apud Spalat. in Chronic. Orig. Saxonie. ibidem ab Hortledero emendatam, unde petiit Lymnæ. quæ Juri suo publico infereret, imprimis Reinecc. in expositione de primis Misnie Marchionibus, quam subnexuit Chronic. Dirhmar. Fabric. Orig. Saxonie. Dignitatem Electoralem primum fuisse apud Duces Luneburgenses posteros Hermannii Billingi, magno historicorum consensu proditum est. Indè venit ad Lotharium Comitem Supplenburgium, postea Imperatorem. Hic quia sine hæredibus erat, Ducem Heinricum Bavarie Ducatui & Electoratu Saxonie competit. Hujus filius Henricus Gvelph, cum proscriberetur, locum ad hanc dignitatem fecit Bernhardo Urso Comiti Ascanie & Ballenstadii, cujus frater primus Princeps Ascanie seu Anhaltinus creatus est. Ab hujus obitu transiit in Marchiones Misnie: Res ita habet: Cum anno 1421. Albertus III, Elector & Dux Saxonie, Westphalie & Angrie, Princeps Anhaltinus decessisset, sine stirpe masculâ Fridericus Marchio Brandenburgensis, Ericus Dux Lauenburgicus, & Ludovicus Palatinus Elector hunc honorem affectabant. Verum Sigismundus Imperator cum Landgravio Thuringie, Marchioni Misnie, Friderico, cui

cul nomen-Bellicoso indiderant, contulit, ob causas, quas literæ investituræ exprimunt. Nempè, quod per mortem Alberti Electoris, Archi-Marschallus & Palatinus Saxoniz tanquam feuda vacantia ad Imperium rediisse crederentur. Hinc contulit ea Friderico Landgravi Thuringiz, als der/ Ihrer Mayest: gegen den Keger zu Böhmen am nechsten gessen/ der auch Ihrer Keyserl. Mayest. viel nütze und köstliche Dienste wieder dieselben Keger gethan/ auch allezeit mit Ihm in sterem Kriege gewesen/ sich auch in der Schlacht mit den Böhmen wohl bewiesen/ was die Christenheit/ Seine Mayest: das Reich an demselben Churfürsten zu Sachsen hetten. Datz sunt hæ literæ Budæ anno 1426.

TH. VIII.

An verò citra injuriam Ducum Saxoniz Lauenburgensium & Anhaltinz familiæ Sigismundus Imperator Ducatum & Electoratam Saxoniz Friderico I. Bellicoso Marchioni Misniz concedere potuerit? non solum in auditorio Imperatoris ventilatum, verum etiam prætextu denegatæ justitiæ ad Concillium Basileense ab Erico Duce Lauenburgensi delatum. Pro Erico Krantzij testimonium lib. 8. Saxon. & lib. 9. c. 19. imprimis facit, quæq; plurapro eo faciant, argumenta, collegit, lisque respondit Knichen de Saxon. non provoc. jure verb. Electorum c. 2. n. 6. & seq. ex quo illa Lymn. Jur. publ. lib. 3. c. 10. n. 3. & seqq. Hæc de re operæ pretium erit audire Sigismundum, & quædam ex edito Ulmæ anno 1434. publicato hic depromere: *Sigismundus* (concomitante titulo) *notum facimus, ac cunctis nostrò Imperiò subiectis publicari jubemus, quod ad nostræ Majestatis notitiam pervenit, qualiter illustris Ericus Dux Lauenburgicus, illustrem Fridericum Saxonie Ducem Sacri nostri Imperii Archi-Marschallum, coram Sacro Basileensi Concilio super Ducatu Saxoniz, & Archi-Marschallatu & Jure eligendi Romanorum Principem trahere nititur in causam prætendens, principatum, officium, & jus supradicta sibi tam hereditariò, quam etiam inf feudationis per nos sibi factæ jure deberi: Et insuper, quod nos super impedicio-*

nibus sibi promissorum occasione contra præfatum Fridericum competentibus, justitiam administrare denegaverimus, querelas in publicum proferre minimè veretur: Per quorum alterum nostra majestatis auctoritati derogatur, per alterum autem honorificentia nostra detrahitur &c. quæ ad hæc supplenda faciunt hauriantur ex Goldast. tom. III. constit. Imperial. p. 440. Urgebat præcipuè Ericus simultaneam investituram, quasi ab ipsò Sigismundò aliquam impetrasset, in casu si Rudolphus Saxo sine liberis decederet, quam tamen sub & obreptitiam esse, imò technis & fraudè à Cancellario Imperatoris, hujus præter scitum emendicatam, satis Imperatoris Judicium probat, quod ex Spalatino retulit Hortleder, de caus. bell. Germanic. lib. 4. c. 23. & post illum Lymn. lib. 3. c. 10. n. 9. Quo itaque jure ad prædictos Marchiones Misniæ Electoratus pertineat jam nobis evidèntium puto.

TH. IX.

Dignitates, quæ Saxoniz Electoratu cohererent, sunt, ut quintum in electione votum habeat, & ad sinistram partem immediate post illum, quem ex Archiepiscopis in latere sinistro sedere continget, primum locum obtineat, A.B. tit. iv. Ut Archimarschallatus officio, quod ipsi confirmatum, tit. 5. satis faciat, cogitur ad positum ante ædificium sessionis Imperialis vel Regalis aceryum avenæ, equo accedere, & habens in manu baculum argenteum & mensuram argenteam, avenâ eandem replere ac famulo primitus venienti ministrare. A.B. tit. 25. §. 1. Ad quæ addendus quoque Burgravatus Magdeburgensis, qui ab initio quidem anno 1313. ut scribit Peccensteinus in theatrò Saxon. part. 1. c. 20. ad Electores familiæ Anhaltinæ devolutus, postea verò anno 1420 à Sigismundo Imperatore hæc dignitas pro beneficio Imperii collata fuit, Friderico Landgravio Thuringiz, postea Electori. Ita habent verba formulæ Investituræ, quantum ad hanc quidem rem Nam integram vide ap. Albinum in der Weisnitschen LandChron. tit. 16. Und haben als wir in unser Königl. Majestät zu Offen gesteret gessen / mit wohlbedachtem Muth / guten Raths unserer

und

und des Reichs Fürsten/ Geistlichen und Weltlichen Graffen/Herren Edelen und getreuen dem vorgeannten Friderichen/zu dem vorgeannten Fürstenthumb gewürdiger/ und mit seinem Pannier und Schilde eingeweiht/ und Ihm auch dazu geschicket / und Ihm also im Nahmen der Heiligen Dreysaltigkeit das vorgeordnete Churfürstenthumb und Herzhogthumb zu Sachsen mit sampter Chur und Erzmarschallamt dazu gehörenden / und auch sonst mit der Pfalz/ Haus und Stadt/Alt Städte der Burggraffschafft und Graffen Bedinge zu Magdeburg und Halle/ und mit allen seinen Herrlichkeiten/ Würden/ Ehren/Mannen/Mannschafften/Lehen/Lehen-schafften/Eigen/Eigenschafften/ Pfande/Pfandschafften/die zum Herzhogthumb zu Sachsen von Alters her gehört. Tales Invektura alia etiam ut Friderici III. Friderico II. Electori & Wilhelmo fratribus Ducibus Saxoniz Aquisgrani die Luna post Viti 1442 & Ernesto Electori atque Alberto, fratribus Ducibus Saxoniz, Neostadi die S. Johannis data reperuntur. Præterlapsò modò seculò hâc de re controversia nata inter Albertum Archiepiscopum Moguntinum, Magdeburgensemque & Electorem Johannem Fridericum, postmodum anno 1579. Electore Augustò, & administratore Archiepiscopatus Magdeburgensis Joachimo Friderico Brandenburgensi hæc lis decisa est: ut Saxo omnibus Juribus in Episcopatu Magdeburgensi; ut sunt des Landes Befehlung Graffengedings/ Bestellung/ Übung und Gebrauch der weltlichen Gerichte Jurisdiction und derselben Execution pro se & tota sua progenie renunciaverit, eum hoc additamentò, daß der Churfürst zu Sachsen sich des Tituls Burggraff zu Magdeburg/ mit den dazu gehörigen Aemptern nicht begeben haben. vid. Horstleder. lib. 5. de caus. c. 28. p. m. 1223. & 24. addè Andr. Knichen de Saxon. non provocand. Jur. c. 4. n. 48. Reinecc. de Orig. stirpis Brandenburgicæ in Joachim. Frideric. Dresser. part. 2. millenar. 6. tit. de Burggraviis Magdeburgensibus. Sunt autem insignia-Burggraviatus, ein halber weißer Adler im rothen Felde mit der guldnen Krone auff einer seiten/ auff der andern rothe Balken im Felde die quere gezogen. Petrus Albin. in Cliron, Misacens. tit. 16.

Quod supra nobis omisſum, hîc demum inferendum, vicariatus ſcilicet, quem cum A.B. Palatino ſimul & Saxoni deferat, in hunc locum paulò plenius tractandum rejecimus. Salubri meherclè conſilio, ne Reſpubl. quid detrimenti pateretur, & ad inſtar navis in medio maris ſine Reſtore ſubmerſioni ad primum tempeſtatis ſubortæ impetum obnoxia, procellis tumultuum concuteretur. Reclamantem quidem audivimus Martam Neapolitanum, qui tractat. de Jurisdiction. part. 4. centur. 2. caſ. 197, n. 2. conſtitutionem hanc noſtram, tanquam conditam in præjudicium Sedis Apoſtolicæ multis annis poſtea per Johannem Papam XXII. in extrayagante ſuâ, ſi fratrum & Coëpiſcoporum &c. ſub tit. Ne ſede vacante, revocarem putat. Nimirum vacantis Imperii Jurisdictionem ad Papam devolvi contendit Marta cum aulæ Pontificiæ paraſitis Bellarmino in lib. de Pontific. Roman. Anton. de Roſell. de poteſtat. Papæ & Imperat. §. decimæ rationi. n. 2. Reſtaur. Caſtald. de Imperat. quæſt. 90. Martin. Laudenſ. de Principe quæſt. 351. Sed neſcio quàm benè ſibi Marta de calculo hiſtorico conſtet, quod anno 1334. mortem obiſſe Johannem, quem nominat, compertum habeamus, cum longo demum tempore poſt A.B. ſcil. circa annum 1356. Norinbergæ ſit promulgata; ipſomet fatente Imperatore in proœm. A.B. & ad hunc quoque annum referente Goldaſto Tom. 1. Conſtit. Imperial. fol. 352. Deinde non advertit Martha, quam inſigniter à ſcopo ſuò aberret, dum inferiorem Imperatore Papam facit, quem tamen extollere omni niſu ac nixulaborat. Omnis enim vicariatus ſuperioritatem præſupponit ejus, cujus vices gerit. Bodin. lib. 1. de Republic. 9. n. 127. adde quæ habet Arum. diſcurſ. 7. ad A.B. theſi. 1. Uti itaq; baſiſyrtes elabatur Marta ſanctionem modò Carolinam rati habeat, quæ quidem in Palatino confirmatoria in Saxone verò conſeſſoria.

Quo verò tempore ille vicariatus ad utrumque acceſſerit, adeò expeditum non eſt? Ad Palatinum quidem Jure Præſecturæ Palatii

Palatii veteris sub regno Francorum pertingere, scribit Marquard. Freher. ad Petrum de Andlò lib. 2. de Roman. Imp. c. 10. Aliter paulò sentit Andr. Knichen de Saxon. non provoc. Jur. verb. Elector. c. 1. n. 121. qui hoc, quicquid est Juris Palatinis Rheni, tempora Ottonis III. competiisse contendit. Illud pro certo habemus hanc dignitatem Palatino ante conditam A. B. competiisse, quod Ludovicum Palatinum Rheni post mortem Rudolphi I. antequam regnum accepisset Romanum, Adolphus, vices gessisse Regis, legere sit apud Apud Aventin. lib. 7. annal. Bojor. fol. 576. Martin. Cruf. lib. 3. Annal. Svecic. Quod etiam probat Cuspinian. in vitâ Ludovici, Imperatorem Ludovicum IV. in Comitibus Francofurtensibus de anno 1339. ita loquentem inducens: *Longâ & approbatâ consuetudine inconcusse à Majorum ordinatione hætenus observatâ, vacante Imperiò Jus administrandi Imperii feuda conferendi & negotia cetera disponendi Palatino Rheni debetur.* Vide quoque Goldast. in Constit. Imperial. tom. III. de anno 1339. Postea hoc Jus Palatinis confirmarunt non solummodo Carolus IV. in A. B. sed etiam Rupertus I. anno 1401. apud Goldast. Constit. Imperial. tom. 1. p. 381. Maximilianus I. & Carolus V. apud Goldast. in den Retsch Sâgungen. tom. II. fol. 241. Nec magis certum est, quoniam tempore vicariatuum Saxoniæ Elector obtinuerit. Si res Freheri iudiciò staret eodem tempore, Saxoni, quo & Palatino hæc dignitas esset collata, quod ab antiquo Palatini titulo æquè gaudeat, lib. 2. ad Petrum de Andlò c. 10. Quod tamen exindè dubium parit, quod in Constitutione Ludovici Bavari, quæ ap. Goldast. Tom. III. Constit. anno 1339. extat: ne verbum habeatur de Electore Saxone, quod tamen procul dubiò Imperator silentiò non involvisset, si jam tum vicariatuum Saxo obtinuisset. Et sanè Carolus noster Imperator more suò à veteri observantiâ, consuetudine aut privilegiò hujus vicariatuum deducere non omisisset, si ante ipsum Jus vicariatuum habuisset Nec rectè Carolus eodem Jure Ducem Saxoniæ se frui velle divisisset, si ante ipsum Jus vicariatuum ei competiisset. Nescio igitur, an erroris etiam argueremur, si quantum ad Saxonem hujus rei incunabula in sanctione Carolinâ quereremus. Utut autem hæc dignitas utriq̃ue

utrique sit communis, limites tamen, inter quos quisvis suam Jurisdictionem exerceat, distinctos habent. Palatinus quidem in partibus Rheni & Suevo & in Jure Franconico d. t. 5. Franconico. inquam, cum Imperatore, quò includamus provincias extra Franconiam sitas, jure tamen Franconico utentes, Freher. de Orig. Palat. lib. I. c. 15. Saxo verò in locis, ubi Jura Saxonica servantur, in den Orten da die Sächsischen Rechte gehalten werden, quorum defensor appellatur Petr. Albin. in histor. Misnens. part. I. tit. 16. Quæ verò illa loca sint, Goldast. in præfat. der Reichs-Sagung/ tradit, Si verò quarantur loca, in quibus nunc Jus Saxonicum viget, dicimus Juris Saxonici observantiam non esse causam vicariatus, sed tantum demonstrationem, ita ut sufficiat, tum temporis, quo A. B. condita, in locis illis viguisse. Casus verò, in quibus Jurisdictio illa sese exercere possit, generaliter includuntur A. B. verbis, ita tamen, ut circa feuda Principum & illa, quæ Sächsen appellantur, exceptionem faciat, quorum collationem Imperatori reservandam putat. d. t. 5.

TH. XII.

Agmen inter Electores Brandenburgicus claudit, cui sextum votum A. B. deferret. Pertinet ad dignitatem ejus, quod Imperii ArchiCamerarius dicatur, A. B. tit. 25. Officium ejus est in processibus Imperialibus sceptrum deferre, & in solenni curiâ aquam Imperatori abluendis manibus porrigere. A. B. tit. 25.

CAP. VII.

CAP. VII.

Personam eligendam, electionisque ritum pro-
ducens, ac ultimam manum huic labori
imponens.

TH. I.

ET Germani eligunt, & Germanus eligendus. Quod quid ra-
tione factum, cum nondum satis expeditum videam, pauca
adhuc circa hæc differenda duxi. Et quidem illud videtur
præsupponendum, totum orbem nunquam Romano Im-
perio paruisse, nec potestatem quidem Romanis omnes populos
subiiciendi de jure competiisse, quicquid etiam Aristides Rhetor
dixerit, miseratione dignos, qui imperio Romano non subjace-
bant, ut qui bonis maximis destituerentur. Cum enim omne Jus
vel æternum sit, vel positivum, atque vel ab ipso Deo, vel ab ho-
minibus proflexerit, neutrum verò pro universali Dominatu pu-
gnet, sanè quid de jure illò sentiendum sit, manifestum videtur.
Nec diffitentes ipsos quoque Romanos habeas, quos titulos ple-
rumque aut jura, quibus alias vulgò acquiritur aliquid aut possi-
detur, jus scilicet belli, fœdus, donationem & de relictis occupati-
onem suo Imperio prætexuisse legas. Inde, quod Imperio huic
non idem semper constitit vigor, quod hujus consecrarium quo-
dammò videtur. Quantum enim à Longobardis, Vandalis, Vi-
sigothis, Svevis &c. afflictum sit, supra nos attigisse meminimus,
& satis ex fide historica patet, ut soli lumen inferre videremur, si
hisce nimum immoraremur. Illud solum nobis hic annexendum
quod populis illis tamquam imbre in Imperium delapsis, Roma-
ni non possessione tantum, sed Jure etiam recuperandi illas pro-
vincias exciderint. Cujus rei fundamentum in ~~usucapione~~ &
longi temporis præscriptione positum volumus, quam æquè in re-
gna, ac cæteras res villiores cadere planè asserimus. Enim verò
non his possumus accedere, quos interest Ferdinandus Vas-
quez; qui omnem præscriptionis vim & auctoritatem ex unò
N
civilis

civili & positivo jure manere autumant. Ut enim non tam facile ex ratione naturali primavâ deduci queat, deducetur pol ex ratione ejus consecutivâ, quam ratio status justificat. Dixeris inquam esse alterum cum alterius damno locupletari: Sed ne quidem damnum Dominus sentire intelligitur, quod suâ culpâ sentit. l. 203. ff. de R. J. Neque verò civitatis tantum alicujus, sed & humanæ societatis interest, ne quarundam rerum diu & ferè semper incerta dominia sint, & ut aliquis sit litium finis, quod præstare usucapio potest, ut habetur in l. 1. ff. de usurp. & usucap. Multò maximè verò refert, ut controversiæ de regnis & provinciarum possessionibus, quoad fieri potest sopiantur, quibus nullæ aliæ potiores sunt movendo orbi, & publicæ tranquillitati perturbandæ. Atqui sine quo salus sua non constat mundo, aut pax humano generi, illud indubiè ipsa natura diligentissimè vult observatum. Hinc sanè apud omnes gentes in confesso, possessiones publicas non minus, quam privatas multò tempore ita firmari, ut rescindi nequeant, quod multis testimoniis interquæ ea ipsò Jephthæ exemplò docet Hugo Grot: lib. 2. de Jur. Bell. & Pac. c. 4. n. 11. & ibi in annotatis.

TH. II.

Ut igitur fortè non iusto titulò, quod tamen nec aded absolute dixerim primum Galliam Burgundi & Franci, Hispaniam Gothi, Sævi, Vandali, Pannoniam, Vindelicium & Noricum Hunni, Bajoarii Alemanni, Britanniam Saxones & Angli tenuerint, longè tamen & quietà possessione omnes hæc gentes præscripsisse provincias occupatas dicendum est. Nequè verò simpliciter verum est illud, quod dicitur, quæ ab initio non valent ex post facto convalescere non posse, sed tum demum, si causa nova jus per se gignere idonea non accesserit. Tantà autem temporis præscriptione accessit utique novum jus maximum & longè æquisissimum. Quibus ita substratis facile erit limites ponere, quibus Imperium Romanum tum temporis inclusum erat, quo translationem Imperatorii tituli in Carolum M. factam constat. Neque enim

enim planè dicendum est, Carolum, quæ potestati suæ subjec-
 tæ habebat, jure illo Cæsareo obtinuisse, sed præter Francicum Impe-
 rium, quod jure hæreditario possidebat, Longobardicum sibi ju-
 re belli vendicabat, adeò ut frustra sint, qui regnum Longobardi-
 cum, cum regno Italiæ nullâ planè ratione habitâ commisceant,
 cum hujus demum jure dominium ad Francos, adeoque & Ger-
 manos, in Romam, Papam & Papalis Ecclesiæ patrimonium,
 quod vocant, cum titulo Cæsareo pervenerit. Et quamvis hoc
 jugum aliquando fuerit excussum, restituta ramen in Ottone M.
 hæc dignitas, ac denuò confirmata. Huic enim eandem, quæ
 Carolo olim M. collatam, & illud inprimis, ut Germani perpetuò
 Imperium Italiæ obtineant, capit. xxiii. distinct. lxiii. supra à
 nobis citatum loquitur, cujus tantum verba, quæ ad nostrum sco-
 pum faciunt, repetamus: *Ad exemplum B. Hadriani Apostoli-
 cæ Sedis Antistitis &c. Ego quoq; Leo Episcopus servus ser-vo-
 rum DEI cum totò clerò ac Romanò populo constituimus, &
 confirmamus & corroboramus & per nostram Apostolicam
 auctoritatem concedimus atq; largimur, Domino Ottoni pri-
 mo Regi Teutonicorum ejusq; successoribus hujus regni Italia
 in perpetuum facultatem eligendi successorem atq; summæ Se-
 dis Apostolicæ Pontificem ordinandi &c.* Quod quidem Capitu-
 lum fictitium committitur planè Baronius circa annù 1000
 LXIV. quod mireris ab hoc primum figmentum illud observa-
 rum. cum ne Onuphrius quidem vir omnis antiquitatis peritis-
 simus aliquid sinistri hîc suspicatus fuerit. Rationes, quibus præ-
 cipuè moretur, eæ sunt, quod hoc ipso Decretum Hadriani, quod
 ille fictum esse mavult, roboretur, quodque pœnam capitis Pon-
 tificis miniretur delinquentibus præter morem Papalium Consti-
 tutionum: Sed cum Hildebrandina scabies Baronium huc addu-
 xerit, non mirum, quod Hadrianici illius decreti fidem in dubium
 vocaverit, quam tamen satis, ut puto, stabilivit, Conring. in tra-
 ctat. suo elegantissimo de Imper. Rom. German. nec Capitulum
 hoc ab uno Papa est conditum, sed simul à Romano populo, penes
 quem utique erat jus necis in eos, qui Rem publicam turbabant,

præter fas eligendis Pontificibus aut Patrieibus : sed & ipse Papa usurpabat tum in ejusmodi fontes necis potestatem, Sed cum hæc à scõpo paulatim aberrant, ut ea, quæ proprii ad nostram rem faciunt, depromamus edocuit nos illud Capitulum Ottoni, ejusq; in Italicò regnò successoribus in perpetuum facultatem eligendi successorem concessam. Quà sanè Constitutione in æternum & Romani ipsi, & alii potestate Imperatores urbis Romæ eligendi sunt exuti, omnisq; hæc facultas translata ad Reges Germaniæ, aut potius ad Germaniæ Rempublicam, cujus caput Rex est Quod verò scrupulum aliquem in animo posset relinquere, illud est, in capitulo hoc dari illud jus successoribus, h. e. Regibus ipsis non verò Reipubl. item, successoribus Ottonis non in regno Germanicò, sed in regnò Italiæ. Observandum enim est, verba hîc loci respicere rationem successionis tum usitatam : quæ nempe ex parte quidem erat arbitrii Ordinum, ex parte verò in Regis ipsius hæreditate, hujus voluntate maximè prævalente. Adèò ut si mentem legis erudere velimus, illius penes quem fuerit, dare Regem Italiæ, in potestate perpetuo fore, & Imperatorem Romanæ urbi constituere. Quod verò Ottonis successoribus hæc dignitas confirmetur, præcipuè hoc juris Germanis stabiliri asserimus, ut quos veros tantum Ottonis successores putamus.

TH. III.

An verò Electores ita sint adstricti, ut Germanum necessarid eligant, quæstio non solum inter Juris publici Doctores, sed etiam inter Politicos agitatissima. Sanè vix ulla natio est, quæ gloriolæ factis nomen suum extenderit, nisi ductu & auspicio suorum Principum, suorumq; Ductorum. Assyrios, Persas, Macedones, Romanos, Francos, Vandalos, Gothos, vide cæterosq; Martios populos, ex suo sanguine Principes atq; Duces habuerunt. Israelitas Maximus Deus ex suis fratribus Regem legere jussit, cujus vel solius exemplum tantum valeat, quantum cæterorum omnia. Exterorùm Imperia rarò diuturna fuerunt, nec ad vetera jam transitum faciam, Angli sanè Franciæ possessione, quam olim tenuerant,

rant, omnino excidere. Franci Siciliam, Neapolitanum regnum & Insubriam, sui olim domini provincias, nec ipsi diu retinuerunt, aded ut præter majorum suorum sepulchra nihil ibi reliquum habeant. Denique diversi populorum mores, diversa ingenia, diversæ leges, quidam etiam nec totam libertatem, nec totam servitutem pati possunt. Tac. 2. hist. Indè si peregrinus Princeps, quæ apud suos gubernandi ratione usus fuerat, etiam hic urivolet, murmura subditorum, querelæ & ad privilegia atque immunitates provocatio, ac nisi subvenitur, remedium ex bello. Præterea talis affectus, talis fides & amor nunquam est in externis erga commune bonum, qualis in indigenis perspicitur, quorum charitates omnes complexas una patria continet, pro quâ non tantum opes & facultates, sed etiam sanguinem ac vitam, profundere minimè dubitabunt. Tale potius omnium serè externorum ingenium esse solet, ut ubi sunt, quam minimè sint, sed semper animum suum in patriæ desiderio defixum relinquant. Quod Ludovici Hungariæ Regis nobis probatum dedit exemplum, qui quamvis Poloniæ regnum, suffragiis populi ad se delatum, quia finitimum, uxore Casimiri Poloniæ Regis filiâ rogante receperat, paulò post tamen, siue cœli Sarmatici asperitate offenderetur, siue Pannoniarum deliciis alliceretur, siue rogationibus ac votis suorum revocaretur, demum rediit uxore una cum Hungarorum Comitatu relictâ: auctore Bonfiniò decad. 2. lib. 10. rerum Ungaric. Nec non Henricus Caroli Regis Francorum frater, ad idem Imperium accersitus, fratre mortuò ad Imperium domesticum celeritè rediit, referente Bodino, lib. 6. de Republ. t. 5. a. 7. vid. hæc de quæst. plenius Reinhard. Rönig. disputantem hæc de re, ap. Goldast. part. 14. Imperial. Politic. pag. 654. & 655. Forstner. ad Tac. 11. annual. pag. 133.

TH. IV.

Indè in Romano Imperiò saluberrimè sanctum, ac aliud ad Imperium nisi Germanus admittatur. Cujus sanctionis mentionem facit Moguntinus in illâ cum Trevirensi disceptatione, qui-

nam ad Imperium sit admittendus : ubi, se lege & iurejurando
prohibitos, ne Gallum eligant : Sed & periculum esse, si rerum
summæ admoveatur, ne universam Germaniam bello contra Ca-
rolum involvat, & regni viribus ad amplificandam regni sui po-
tentiam abutatur. Sleidan. lib. 1. & ex eo Caspar Ens ap. Gold-
ast. part. 1. Imperial. politic. p. 64. Quæ verò illa lex sit, cujus
mentionem facit Moguntinus, meritò disquiritur, ab Arum. dis-
curs. 6. Lymn. Jur. publ. lib. 2. c. 2. Quod enim ille rerum Impe-
rii peritissimus, non tantùm ratione politicâ nitatur, quod scilicet
exteri majori semper suorum doceantur amore necita novi, quam
sui regni commodis invigilent, (quo ipso idoneitatem personæ
eligendæ A. B. expressam, mihi voluisse viderur) sed etiam de
speciali lege admoncat, sanè omninò peculiarem hâc de re sanctio-
nem intendisse dicendus erit. Indè etiam Protestantis literis suis
ap. Sleidan. lib. 8. hisce concludunt formalibus : Nullus creetur
Romanus Rex, quin sit ex aliquâ Germaniæ Principum familiâ
progenitus. Nescio verò annon fidem habeamus Heinricho Mu-
tio 14. chron. quem nullius facilè falsi deprehenderis, qui talem
legem tempore Ottonis III. latam asserit. Accedit Franciscus
Irenicus Exeges. rer. Germanic. lib. 3. cap. 33. Spangenbergius
Chron. Saxonie. adde Heig. Illustr. quæst. 5. Cum quibus etiam
facit Sabinus in histor. Election. Caroli V. qui in eadem constitu-
tione, quâ scil. de exterò non admittendo cavetur, cautum quoq;
esse tradit, ut talis Imperator eligatur, qui sit hæres alicujus ditio-
nis Imperiò nostrò parentis, adde quæ habet Dn. Henning. Go-
den in tractat. de Election. Regis Romanor. c. 4. apud Goldast.
Imperial. Politic. part. II. p. 212. Sed numquid etiam Carolus, de
quo tum temporis disceptabatur, Germanus? quod Francos ori-
gine Germanos constet. Cæterum Constitutio illa, ac conti-
nua ejus consuetudo ac usus, cum Imperatorem requirunt, non
qui origine sui ultimâ ex Germanis oriundus, sed qui ipse in Ger-
maniâ & ex Germano sanguine, quam proximè cretus sit. Alias
Itali, Hispani, Angli Germani quoque dicendi, & ut loquitur Mo-
guntinus ap. Sabinum : Si veteres illæ fabulæ Gallis patrocinan-
tur, perindè poterunt Trojam à Turcis repetere, atque à nobis
Imperium

Imperium, quia perhibent se à Hectore filio oriundos esse. Neque tamen illud dubium habet, quod Carolus Germanus fuerit censendus. Quin patrem habuerit, & avum Germanos dubitandum non est. Locum itaque habet quod caurum est l. 1. §. ff. ad municip. added. modo Henning. Goden d. tractat. q. 5. Patria autem Gandavium fuit, urbs Flandriæ quam Germaniæ partem ex Trithemio Abbate constat, qui in divisione regni Francorum, à Ludovici Imperatoris filiis factà Ludovico cessione Germaniam, cui computabatur Galliz Belgicæ major pars, & nominatim Flandria, Hollandia, Selandia, Brabantia, ut signatè scribit Trithemius Chronic. de orig. Francor. Denique ut transcamus, quæ ex Plinio Tacito aliisque demonstrat Conradus Peutinger sermon. convival. c. 4. Germaniæ quoque Flandros certissimè matrimonium Mariæ cum Maximiliano Austriaco adjecit, adeo ut Carolus V. tam à Germanis, quàm in Germania natus sit, amplius necquicquam dubitetur.

TH. V.

Nunc paulò penitus A. B. inspiciamus, ac locum ubi hæc electio peragenda, quique intercurrant ac sequantur ritus, indagemus. Quod locum electionis attinet, ille quidem antiquis temporibus non perindè se habuit. Legimus enim Ottonem II. Aquisgrani, Cuspintan. in vit. Otton. II. Henricum III. itidem Aquisgrani Albert. Krantz, lib. 4. c. 10. in Metropol. Henricum V. Wormariæ Frising. lib. 1. c. 40. histor. Lotharium II. Moguntiz Frising. lib. 7. c. 17. electos fuisse, postea verò sive lege, sive observantiâ, introductum, ut Imperatores Francofurti eligerentur. Loquitur id Schwabenspiegel lib. 1. c. 28. his penè verbis: *Als man den K nig kiesen will, das soll man thun zu Franckfurth oder auff dem Platz vor der Stadt. und la t man die F rsten nicht in der Stadt, so m gen sie kiesen vor der Stadt.* Quod Imperator etiam A. B. tit. 25. §. *Invenimus &c. testatur.* Invenimus inquit ex clarissimis relationibus & traditionibus antiquorum, illud à tempore, cujus contrarii non habetur memoria, per eos, qui nos præcesse-

praeferant, feliciter esse, & iugiter observatum, ut Regis Romanorum futuri Imperatoris in civitate Francofurtensi celebraretur Electio. Undè etiam disputatum olim de quorundam Electionibus, quæ alibi peractæ. Quo nomine etiam ipsius Caroli IV. electio nonnullis Imperii Principibus improbatur, quod non in loco debito h. e. Francofurti electus fuisset, Cuspinian. in vita Caroli. Et Hermannus Lotharingæ Dux contemptim ob id appellatus Rex aliorum, quod Islebiæ, quæ alibi ferax, non legitimo in loco esset electus. Rivander in Chron. Thuring Spangenberg. in Chron. Mansfeld. A tempore verò A. B. electionem Imperatoris regulariter Francofurti peractam fuisse, probat exemplum Wenceslai filii Caroli IV. Cuspinian. in Wenceslao: Ruperti Palatini Cuspinian. in Ruperto Alberti II. Krantz. II. c. 20. in Saxon. Friderici III. Krantz. diâ. lib. II. c. 20. Maximiliani I. Cruf. lib. 2. c. 20. part. 3. annal. Svevic. Matthæitidem & Ferdinandi II. docente nostri seculi historiâ. Si rationem huius instituti quæ siveris? illud ob præcipuam, quæ huius loci est, commoditatem factam dicimus, Etenim si perpendamus, quibus intervallis distet à quibusdam remotioribus oppidis, eam veluti centrum in medio positam comperiemus. Et si non solum, quali in agrò, sed & qua ejus parte sita sit consideremus, vix alibi melius itis, quæ ad vitam necessaria, non incolis tantum, sed etiam advenis, fatebimur, cum Dom. Arum. discurs. I. ad A. Bihel. 35. Quod procul dubio permoverit etiam Fridericum II. Imperatorem, quod nundinas alias Moguntia haberi solitas Francofurtum transtulerit. Goldast. Constit. Imperial. Tom. III. Cruf. lib. 5. cap. 2. part. 3. annal. Svevic.

TH. VI.

Quid verò causæ, quod hunc morem non tantum in antiquo Imperio solitum, sed etiam A. B. confirmatum, non observatum fuisse constet, in Ferdinando I. quem Coloniae Sleid. lib. 7. de stat. Religion. Maximiliano II. & Rudolpho II. quos Ratisbonæ Thuan. lib. 31. & lib. 60. histor. feliciter nunc regnante Ferdinando

nando III. quem ibidem, electos fuisse constat. Id quidem non absque causâ factum credimus; nec tamén Carolum adeò hunc locum electioni definivisse, ut omnem etiam necessitatis casum, excluderet. Fieri enim potest, verba sunt Hartmanni Mauri, ut Imperator cum Electoribus procul in hostili solo degat adeò diffitò, ut intra præfixâ Bullæ tempore nullò pado Francofordiam attingere possint ad eligendum, si Imperator fortè oecumbat, aut in fata concedat, in election. Caroli V. apud Goldast. Imperial. Politic. part. p. 266. Quo digitum etiam intendisse videtur ipse Carolus IV. quando in d. tit. 25. ubi de confirmando electionis loco agit, hæc adposuit: *Quapropter ex certis causis etiam futuris præmissa temporibus servari debere declaramus; nisi præmissis omnibus seu eorum alicui impedimentum legitimum obdiaret.* Quæ tamen non eò animò dicta velim, quasi temerè majorum morem mutandum putem. Magni enim Provinciales faciunt servari ipsis antiquas consuetudines, sed quod tantum illa, electio non omnimodè pro inutili sit habenda, quæ in casu necessitatis alibi peragitur.

TH. VII.

Ubi verò Electores Francofurtum ingressi sint, statim sequenti die diluculo ad invocationem nominis divini in æde D. Bartholomæi conveniunt, & Missam de Spiritu S. decantare faciunt A. B. tit. 2. pr. A Diis enim immortalibus nobis agendi capiendâ primordia etiam gentiles crediderunt, Cic. 1. de LL. & præcipuè magnarum rerum à Diis principia ducenda, idem Cic. autor est in Vatin; Unde etiam Imperator Justinianus Institutiones suas à divini Nominis Invocatione auspiciari voluit, planè nobis illud relinquens, esse, si non de necessitate absoluta Hy. othenicâ tamen, quæ honestatem includit, ut in Instrumenti cujuslibet quasi frontispiciò invocatio Divini Nominis reseat. Benè enim ac competenter tunc demum geruntur universa, si rei cujusque principium decens sit, & amabile Deo. Novell. 6. in pr. Indè cum de re vix ulla deliberatio difficilior incidere possit, quam de electione

praeferant, feliciter esse, & jugiter observatum, ut Regis Romanorum futuri Imperatoris in civitate Francofurtensi celebraretur Electio. Undè etiam disputatum olim de quorundam Electionibus, quæ alibi peractæ. Quo nomine etiam ipsius Caroli IV. electio nonnullis Imperii Principibus improbatur, quod non in loco debitò h. e. Francofurti electus fuisset, Cuspinian. in vita Caroli. Et Hermannus Lotharingæ Dux contemptim ob id appellatus Rex aliorum, quod Islebiæ, quæ alibi ferax, non legitimò in loco esset electus. Rivander in Chron. Thuring. Spangenberg. in Chron. Mansfeld. A tempore verò A. B. electionem Imperatoris regulariter Francofurti peractam fuisse, probat exemplum. Wenceslai filii Caroli IV. Cuspinian. in Wenceslao: Ruperti Palatini Cuspinian. in Ruperto Alberti II. Krantz. II. c. 20. in Saxon. Friderici III. Krantz. dict. lib. II. c. 20. Maximiliani I. Cruf. lib. 2. c. 20. part. 3. annal. Svevic. Matthæitidem & Ferdinandi II. docente nostri seculi historiâ. Si rationem hujus instituti qua siveris? illud ob præcipuam, quæ hujus loci est, commoditatem factam dicimus, Etenim si perpendamus, quibus intervallis distet à quibusdam remotioribus oppidis, eam velut centrum in mediò positam comperiemus. Et si non solum, quali in agrò, sed & qua ejus parte sita sit consideremus, vix alibi melius sit, quæ ad vitam necessaria, non incolis tantum, sed etiam advenis, faciebimur, cum Dom. Arum. discurs. I. ad A. Bithes. 35. Quod procul dubio permoverit etiam Fridericum II. Imperatorem, quod nundinas alias Moguntia haberi solitas Francofurtum transtulerit. Goldast. Constit. Imperial. Tom. III. Cruf. lib. 5. cap. 2. part. 3. annal. Svevic.

TH. VI.

Quid verò causæ, quod hunc morem, non tantum in antiquò Imperiò solitum, sed etiam A. B. confirmatum, non observatum fuisse constet, in Ferdinando I. quem Colonia Sleid. lib. 7. de stat. Religion. Maximiliano II. & Rudolpho II. quos Ratisbonæ Thuan. lib. 31. & lib. 60. histor. feliciter nunc regnante Ferdinando

mando III. quem ibidem, electos fuisse constat. Id quidem non absque causa factum credimus, nec tamen Carolum adeo hunc locum electioni definiisse, ut omnem etiam necessitatis casum, excluderet. Fieri enim potest, verba sunt Hartmanni Mauri, ut Imperator cum Electoribus procul in hostili solo degat adeo diffinito, ut intra praefixæ Bullæ tempore nullò pacto Francofordiam attingere possint ad eligendum, si Imperator fortè occumbat, aut in fata concedat, in election. Caroli V. apud Goldast. Imperial. Politic. part. p. 266. Quo digitum etiam intendisse videtur ipse Carolus IV. quando in d. tit. 25. ubi de confirmando electionis loco agit, hæc adposuit: *Quapropter ex certis causis etiam futuris præmissa servari debere declaramus, nisi præmissis omnibus seu eorum alicui impedimentum legitimum obviaret.* Quæ tamen non eo animò dicta velim, quasi temerè majorum morem mutandum putem. Magni enim Provinciales faciunt servari ipsis antiquas consuetudines, sed quod tantum illa, electio non omnimodè proinutili sit habenda, quæ in casu necessitatis alibi peragitur.

TH. VII.

Ubi verò Electores Francofurtum ingressi sint, statim sequenti die diluculo ad invocationem nominis divini in æde D. Bartholomæi conveniunt, & Missam de Spiritu S. decantare faciunt A. B. tit. 2. pr. A Diis enim immortalibus nobis agendi capienda primordia etiam gentiles crediderunt, Cic. 2. de LL. & præcipuè magnarum rerum à Diis principia ducenda, idem Cic. autor est in Vatin. Unde etiam Imperator Justinianus Institutiones suas à divini Nominis Invocatione auspiciari voluit, planè nobis illud relinquens, esse, si non de necessitate absolutâ Hypotheticâ tamen, quæ honestatem includit, ut in Instrumenti cujuslibet quasi frontispiciò invocatio Divini Nominis reseat. Bene enim ac competenter tunc demum geruntur universa, si rei cujusque principium decens sit, & amabile Deo. Novell. 6. in pr. Indè cum de re vix ulla deliberatio difficilior incidere possit, quam de electione

O

Impera-

Imperatoris, meritò Spiritus S. in præsidium est vocandus, ut corda Electorum illuminet, & eorum sensibus lumen suæ virtutis infundat, quo hominem iustum, bonum & utilem eligere valeant. A.B.d.t. Quà de re graviter Cardinalis Cusanus. *Sacri Imperii Electores, inquit, dum ad electionem procedere volunt, cum omni humilitate & devotione maximà ad divina conveniant, spoliantes se omni peccatò, ut in mediò eorum sit Christus Dominus: Et invocatà gratià Spiritus S. post introductionem agenda rei devotam tractent de pluribus, qui ad Imperium dispositione extrinsecà & intrinsecà tanta Majestatis digni esse possint*, lib. 3. de Concord. Cathol. c. 37. Quod verò de Missæ decantatione adjicitur, id pro illius temporis moribus sub Papatu factum. Pontificii enim iustum piumque arbitratu sunt, electionis cujusque initium à Missæ decantatione facere. Nicol. Boëc. In addit. ad Mandat. de Elect. part. 1. c. 19. At cum Protestantes verbo Delictius informati, ritum Missæ Pontificiæ Idololatriæ abjecerint missumque fecerint Hassenreiff in loc. Theologic. lib. 1. loc. 7. p. 1582. Chemnit. in Examine Concilii Trident. part. 2. sess. 6. p. 167, & seqq. controversi solet, num in Comitii celebrationi Missæ salvà conscientià interesse queant? Novimus enim illos plurimum abstinuisse, Missæque durante sese absentasse. Nam in illius Comitii, quibus Maximilianus II. in Imperatorem fuit electus, cum Witzeburgicus Liturgiam de S. Spiritu ex A. B. præscriptò peragere cepisset, tunc Palatinus, Saxo, Brandeburgicus ex choro in proximum conclave discesserunt, ac inibi, donec Liturgia ad coronidem tradita esset, permanferunt. Nicol. Heyden, de Election. & Inaugurat. Maximilian. II. apud Goldast. Imperial. Politic. part. 2. p. 148. Quod etiam in electione Matthiæ I. iteratum legimus, ibi cum suffraganeus Moguntinus ad altare constitutus Missam celebrare cœperit, Palatinus, Saxo & Brandeburgicus Legatus, qui sacris illis interesse hautquaquam solent, surgentes, in facellum, quod prope chorum est, cum Consiliariis aulicisque suis, dum ea celebrarentur, concesserunt, eaque finita prodeuntes iterum loca sua occuparunt. Gothard. Artus. in Electione

TH. VIII.

Urigitur hæc de re certi aliquid statuamus, quo sine interlinea
Protestantes Electores huic negotio spectandum omnino erit, in-
deque iudicium ferendum, an ut ejusmodi actum, seu cultum di-
vinum approbent & stabiliant. An vero, ut nonnisi officium
Cæsareæ Majestati debitum, si specialiter ad hoc invitentur, præ-
stent. Priori casu firma stat sententia, ac verbo Dei probata, quod
Evangelici Principes absque consensu vulnere Missæ officio
interesse nequeant. Veluti responderunt Principes Protestantes
Carolo V. Imperatori ad Processionem in Festo Corporis Christi
ab eo vocati & invitati in Comit. Augustan. ann. 1530. Georg. Cæ-
lest. in act. illorum Comitiorum, d. 16. Jun. sub Robr. Causæ, ob
quas Principes Protestantes in Festo Corporis Christi Processionē
Sacrae interesse non possint. Posteriores vero casu ipsos sine omni
consensu læsione interesse posse dubitandum haut erit, subscri-
bentibus etiam Theologis Saxonis, Cælestin. d. l. Ideoque cum
in prædictis Comitibus Augustanis 1530. Cæsar Electorem Saxonie
Johannem sibi de more ad Missam eunti gladium præferre jussis-
set, ille re deliberatâ cum Theologi dicerent, licere adesse, quod
ad suum officium esset vocatus, non ad Missam velut ad cultum
divinum accessit, cui se Comitem Georgius Brandeburgicus ad-
junxit, Cælest. d. l. Jun. 19. Quæ tamen, sicut talia pleraque, cau-
tione opus habent, ne aliquid committamus, quod præjudicare
possit. Inde præmittendâ, de permittendâ absentatione implora-
tio, ac ubi illa obtineri non potuit, descendendum in Cæsareæ
Majestatis vota cum hæc tamen protestatione, quod illud officium
tantum Politici explendi ergo factum velimus.

TH. IX.

Quibus ita ritè peractis ad altare juramentum præstituri E-
lectores accedunt. Quo vero ordine illud fiat, quamvis ab Impe-
ratore

ratore non expressum, expeditum tamen, in relatione electoris
Matthiæ, ubi hæc verba leguntur: Finito hymno Electores om-
nes unâ cum Legatō Brandeburgicō, quem non præcessit Mare-
schallus cum gladio, ut ceteros Electores, ad altare Juramentum
præstituri processerunt, cumque in gradum supremum ascendis-
sent, & ad astantes faciem convertissent, Moguntinus in mediō
constitutus causas conventus, nempe ut juramentum requirente,
ita A. B. præstarent, paucis exposuit, primumque juramentum il-
lud, verba prælegente ei Trevirensi, præstitit, postmodò Electori-
bus reliquis, idem juramentum Moguntinus prælegit, quod ipsi
quoque magnâ promptitudine & alacritate Ecclesiastici quidem
ad notis ad pectus suum, seculares verò ad Evangeliorum librum
digitis præstiterunt. Hôc factò Moguntinus duos Notarios requi-
sit, ut & actum ipsum notarent, unumque vel plura super eò in-
strumenta conficerent, hortatus est. Goldast. Politic. Imperial.
part. 7. p. 173. Ritus quidem, quos inter jurandum observatos,
dicta modò relatio memorat, in A. B. quoque expressos leges.
Disertè enim præcipit, ut coram Evangelio S. Johannis &c. In
principio erat verbum, jurent, Electores quidem Ecclesiastici, ma-
nus suas pectoricum reverentiâ superponant, quod nec à jure civi-
li abhorret, Novell. 123. cap. 7. Novell. 137. c. 2. Obrecht. de Juram.
calumn. cap. 10. n. 13. Seculares verò Electores Evangelium Jo-
hannis corporaliter manibus tangant, & in præscriptam formu-
lam jurent, quod juri iterum civili consentaneum, l. 27. C. de Epi-
scop. audient. l. ult. §. 5. C. de curat. furios. Novell. 74. cap. 5. Qui
ritus cum ad firmandam fidem faciant, & Christianos quidem ad-
monere debeant, quod Deo optimo Maximo juramentum præ-
stent: Ita diversis subindè diversimodè fuerint adhibiti. Romani
foedus firmaturi feriale porcum ferire jubebant, sublatâ ita ad
Jovem voce: Jupiter &c. audi Pater patratus, audi tu popule Al-
banc, &c. illis legibus populus Romanus prior non deficiet, si pri-
or defecit publicò consilio, dolò malò, tu illò die Jupiter popu-
lum Romanum sic ferito, ut ego hunc porcum hodie feriam, tan-
tòque magis ferito, quanto plus potes pollesque Liv. lib. 1. cap. 24.
Parthorum & Armeniorum Regibus mos erat, ut quoties in soci-
etatem

etatem coirent, implicarent dextrās, pollicesque inter se vincerent, nodoque præstringerent. Mox ubi sanguis in artus extremos se effuderit, levi ictu cruorem eliciebant, atque invicem lambebant, id demum fœdus arcanum habentes, quod mutuo cruore sacratum. Tac. lib. xii. annal. p. m. 168. Apud Macedenas sanctissimum coeuntium pignus, ut divisum gladio panem uterque liberet, quod Alexander quoque cum Roxane firmaturus matrimonium observabat. Curt. lib. 8. c. 4. Apud Jeremiam peculiare habetur firmandæ fidelis genus, ubi minax loquitur divina Nemesis, c. 34. v. 18. Und will die Leute/ so meinen Bund übertretten/ und die Worte des Bundes/ den sie für mich gemacht haben / nicht halten/ so machen wie das Kalb/ das sie in zwey Stück getheilet / und zwischen den Theilen hingegangen sindt / ubi glossa interlinearis ad versiculum 19. notat, das etne weise gewesen/ zum Wahrzeichen daß der Bund solte feste seyn/ weil sie das Opfer Gottes damit ehreten/ als zum Zeugniß der Warheit.

TH. X.

Ut ad nostrorum Juramentum revertamur, cum remitti non possit, quia ob bonum publicum susceptum, illud adhuc circa istud controversum venit, an etiam, cum quidam Electorum ceremoniis Pontificiis jure valedixerint, tamen Evangelii verbis jurare debeant? Secundò, an illas conscientia juramentum præstare possint, eadem formulâ cum Pontificiæ religionis additis, & præsertim verba illa præstare: Ita me Deus adjuvet, & omnes Sancti? Et quod primam quæstionem attinet, cum nihil superstitionis habeat, Donellus lib. 24. comm. c. 14. & c. 21. cit. med. nihil peccare nostros ita jurantes statuere nulla religio prohibet, Wahrenb. ab Ehrenb. lib. 2. de fœder. c. 1. h. 11. Est enim locò symboli, ut in testamento æs & libra, quo jurantes monentur, seu non tam Judici, quàm DEO Juramentum præstare, nec tam in humano, quàm cœlesti judicio versari: Modò tamen & hoc sciamus non ad substantiam juramenti, sed ad accidentia id pertinere. Hillig. ad Donell. d. lib. 21. c. 13. lit. B. Quod posteriorem

attinet, quia non modo superstitiosum, sed & implum est, neque sana Protestantium religio ita jurare permittit Joachim à Beuck. ad l. 17. §. ult. ff. de Jurejurand. recessum prorsus ab hac formula jurandi, & hâc modò juratum: Ita me DEUS adjuvet & S. Evangelium ejus. Quod non modo factum anno 1562. in Election. Maximiliani II. Imperatoris, teste Simon, Schard. de Election. Maximiliani II. ap. Goldast. in Politic. Imperial. part. 1. disc. 9. sed anno 1575. in Election. Rudolphi II. & nuper anno 1636. in electione Da. Ferdinandi III. idem observatum novimus.

TH. XI.

Utzutem formulam & summam hujus juramenti subjiciamus, jurant ferè hunc in modum: Ego Elector juro per fidem quâ DEO & sacro Imperio sum obstrictus, secundum omnem discretionem & intellectum cum Dei adjutorio me electurum temporale caput populo Christiano i. e. Regem Romanorum in Cæsarem promovendum idoneum (i. e. presentis Reipul. amantem, maximâ facultate ad munera Magistratus obeunda præditum, virtutis & justitiæ studiosum, Aristot. 5. Polit. c. 9.) vocemque meam & votum seu electionem daturum absque omni pacto, stipendio pretio vel promisso seu quoquo nomine ea appellantur. Ambitus enim suffragiorum cum in Republ. sit suspectus, meritò de securitate votorum cavetur. Graviter Plato lib. 8. de Republ. *Reipublica, inquit, male constituta argumentum est, ubi Magistratus sunt venales, cum Principatus ac regna pecuniâ parantur. Efficit enim hoc, ut majori in pretio sint divitiae, quam virtus, & ut tota civitas immoderato studio pecunia dedita sit. Cui calculum suum addit Salust. in illâ plane aureâ ad Cæsarem de ordinandâ Republ. orat. dum conqueritur primum, non facinus, non probum aut flagitium obstarè, quo minus Magistratus capiant, laudatque illa tempora, quibus neque divitiis aut superbiâ, sed bonâ famâ factisque fortibus nobilis ignobilem anteibat. Inde in consilio, quomodo res iterum in unum coalescere possit, ostendit,*

dit, aliter neque privatam rem neque publicam, neque domi neque militiæ regi posse nisi pecuniæ studio aut sublato, aut minuro. Ubi enim cupido divitiarum, verba sunt gravissimi auctoris, sane non sicco pede praterenda, invasit, neque disciplina neque artes bonæ, neque ingenium ullum satis pollet: quin animus magis aut minus maturè, postremò tamen succumbit: Sæpe jam audi- vi, qui Reges, quæ civitates, & nationes per opulentiam magna Imperia jam amiserint, quæ per virtutem inopes ceperant, id adeò haud mirandum est. Nam ubi bonus animus deteriorem divitiis magis clarum magisquæ acceptum videt, primo astat, multaque in pectore volvit, sed ubi gloria honorem magis in diis, virtutem opulentia vincit, animus ad voluptatē, à verò deficit, Salust. in d. Orat. 11. ad Cæsar. ord. Republ. Quæ Taciti quoque sunt querelæ ac lachrymæ, quando apud majores virtutis præ- mium id fuisse memorat, cunctūquæ civium, si bonis artibus ni- terentur, licitum petere Magistratus: quæsturam ex dignita- te candidatorum aut felicitate tribuentium gratuito conces- sam, donec sententiâ Dolabella velut vendaretur. Lib. XI. annal. p. m. 148.

TH. XII.

Convenit igitur Electores puras manus habere & illas ad pec- uniam non conferre per l. omnes & l. sancimus C. ad L. Juliam repetund. Henning. Gæden consil. 1. q. 2. n. 10. quin potestatem e- ligendi pro istâ vice amittat Elector, si pecuniam pro suffragio ac- ceperit. Simon. Plstor. lib. 1. Consil. n. 30. & seqq. inter consilia Modestini. volum. 1. ad Arum. disc. 3. ad A. B. thes. 8. ubi electio- nem talem annullandam tradit ex Schard. in l. 5. n. 4. C. de his, quæ vi metusque &c. Inde Laudem maximam meretur Serenis- simus: Saxo, quem pro eo, quod suffragio suo Carolum designasset, oblata à legatis Caroli pecuniam constanter rejecisse, & suis, ne vel teruncium acciperent mandasse Sleidanus refert. Quid

Erasmus

Erasmus Roterodamus 4. Epist. 13. fufius ita defcribit: *Dux Saxoniae Fridericus delatum fibi ab omnibus Imperium ingenti animo recusavit, idq; pridie, quam Carolus eligeretur, mox rogatus, quem igitur censeret eligendum, negavit, sibi quemquam alium videri tanti nominis oneri sustinendo parem, quam Carolum. Ob hunc insignem animum à nostris (Caroli Legatis) oblata 30000. Florenorum constantissime rejecit, cumq; rogaretur, ut tantum 10000. pateretur dari famulis: Accipiant, inquit, si velint, attamen nemo postridie apud me manebit, qui vel aureum acceperit: Ubi tamen notandum, non trahendam A. B. sanctionem ad Xenia illa ordinaria, quæ peractâ Electione Electoribus eorumque ministris præstari solent. Legis enim ambitus non spectat ad id, quod post electionem sponte datur. Quondam ante conditam Carolinam Bullam singulis Electoribus post electionem peractam solvenda erant 4300. libæ argenti, ut patet ex literis Alberti Saxonis A. C. 1291. Wimbassuration wegen der fünfthalb tauſende Pfund Silbers/ so einem Churfürsten nach der Wahl gebühret. ap. Goldast. p. 2. tit. 2. Polit. Imp.*

TH. XIII.

Tempus, quod electioni præstitutum 30. dierum à die præstiti Juramenti continuè numerandorum, spatium exhaurit, ita ut si facere intra istos distulerint, à modo panem manducant, & aquam bibant, d. tit. §. 3. Quæ alimendorum lautiorum subtractione poenæ loco videtur assignata, cum aliis personæ illustres ac nobiliores non cogantur comedere allium, capas, panem, grossum, caseum & similia, quia sunt proprie hæc cibaria. Rul. i. o. um gloss. in l. servi Urbanis vers. cibariis ff. de Legat. III. Ab hac sanctione non multum differt id, quod de Cardinalibus Electoribus Romani Pontificis constitutum legimus, daß/wo innerhalb drey Tagen die Cardinäle keinen Pabst wehlen würden/ sollen die Bischöffe Römische Fürsten/ und die der Hutt des Conclavis vorgeſet seyn/ genau und genutzsame achtung auff das Essen geben/ so den

den Cardinalem geteilt würde/und Ihnen alledenn mehr nicht/als jede und jegliche Wahlzeit ein Gericht folgen lassen/ Onuphr. Panvin. in annotat. ad Placit. de vit. Pontific. Id vit. Gregorii X. p. m. 330. Quas sanctiones potissimum periculum expressit, quod tam Reipubl. Germanicæ, quam Romæ vacante sede immineret: Illi quidem quod vicarii quoque Imperii Palatinus & Saxo electioni interesse teneantur: huic verò, quod vacante sede, ut loquuntur, Apostolicæ, effrenatæ licentia impudè grassari soleant. Undè his periculis ut fenestram clauderet Gregorius X. maximò Christianorum concilio Lugduni in Gallia congregato, nonnullas de futurâ Romani Pontificis electione tulit leges, & simul conclavit usum introduxit, vid. Onuphr. d.l. Neque tamen prius Electores ex antedictâ civitate Francofurtensi abeant, nisi prius per ipsos vel maiorem eorum partem Rector seu temporale Caput electum fuerit. Postquam verò Electores, vel major eorum pars Imperatorem elegerit, hæc electio perinde haberi ac reputari debet, ac si foret ab ipsis omnibus nemine discrepante celebrata, d. d. 2. §. 3. & 4. Inde liquere possit illud, quod electio ad Electores non ut singulos, sed collegialiter pertineat, quod multis probat Ludolphus de Babenberg. c. 6. de Jur. regn. Onuphr. Panvin. de Comit. Imperat.

TH. XIV.

Utrum verò, si quis ex Electoribus ipsis electus proprium votum sibi dare atque ita augere numerum queat? Id non perinde omnibus videtur. Suspecta enim res videtur operas suas ingerere per l. 25. ff. de Procurat. Indeque officia desiderantibus neganda; fugientibus offerenda c. in scripturis 8. quæst. 1. Quo eodem iurè etiam cautum, ne quis se ipsum ad Patronatum alicujus Ecclesiæ sistere possit, quantumvis idoneus & multis studiis & meritis iuvetur, c. per nostras extr. de Jur. Patronat. Nec enim quisquam in propriâ causâ idoneus Judex habetur. In l. un. C. ne quis in causâ suâ. Nihilominus non planè desunt exempla eorum, qui in electione votum sibi ipsis attribuerunt. Loquitur id ipsius Caroli exemplum, qui patris sui Johannis Bohemiæ Regis suffragiò ad Imperium

perium pervenit Goldast. lib. 3. de regn. Bohem. c. 4. n. 7. p. m. 181.
Quis verò ignorat patrem & filium pro unâ personâ reputare, l.
ult. C. de Impub. substit. & vocem patris esse vocem filii §. ci, In-
stit. de inutil. stipulat. Et de Sigismundo vulgaris habet traditio,
quod primo locò sententiam rogatus se ipsum elegerit Hagec. in
Chron. Bohem. anno 1414. Boregk. in Chron. Bohem. in Wen-
ceslao Rege & Imperatore. Buxdorff, ad A. B. conclus. 39. lit. c.
Freher, in not. ad Petrum de Andlo lib. 2. c. 2. Otto, ip. dissertat.,
Jur. Public. c. 10. pag. 258. Rûmelin, ad A. B. dissert. 3. conclus. 4.
Quæ confirmantur etiam iis, quæ habet Dubrav. lib. 13. hist. Bo-
hem. *Moguntino, inquit, Comitibus Electoribus indicente,*
ad qua cum Sigismundus Rex Hungaria tanquam Marchio
Brandenburgensis venisset, dignitatisq. regia gratiâ primus sen-
tentiam esset rogatus de Cesare nominando, se ipsum nomina-
vit: At, inquit, cognovi, alios non iridem, an æque me-
cum orbis Imperiò digni sint, præsertim in tantò rerum motu,
quo Italia quoq. schismate ibi durante plurimum laborat. Mi-
ratibanc tam liberam & apertam Sigismundi vocem ceteri E-
lectores, communiq. assensu eam approbantes, ipsim Casarem
consultarint. Quamvis hæc de re dubitare faciat Decretum Ele-
ctionis Sigismundi, in quo Electores testantur, Sigismundum in
Hungariâ absentem Legatos misisse, ap. Lehman. lib. 7. c. 81. Chron.
Spirens. Goldast. de regn. Bohem. lib. 3. c. 4. n. 7. & cum eo Lymn.
præcipuè in not. ad Otton. Jur. publ. c. 10. p. 260. Decisionem ta-
men vel ex ipsa Carolinæ sanctionis verbis depromemus, quæ §.
ult. tit. 2. habentur. Quæ quidem electionem sui ipsius respicere,
autores habent Buxdorffium, Arumzum, Rûmelinum aliosque.
Neque argumenta, quæ in contrarium adduci videbantur, non
quicquam stringunt, ut à Caroli instituto avelli nos pateremur.
Testimonium enim, quod quis de habilitate suâ profert, non om-
nino culpandum, cum secundum Dd. communiter ad Rubr.
Inst. Jur. Civ. seipsum laudare non omnino sit prohibitum (ut
Plurarchus egregio discursu, quâ quis ratione, seipsum citra in-
vidiam laudare possit, demonstrat) præsertim si id remotâ omni
ambitione

ambitione fiat. Neque in Illustribus personis suspicio propter præstitum Juramentum præsumitur, & si præsumeretur cessare eam faceret aliorum assensus, ita ut invitis reliquis se ingessisset, dici nequaquam posset. Si verò desiderantibus Imperatoriam dignitatem illa semper deneganda, utique nec Carolus V. eligendus fuisset, qui unà cum Francisco Galliarum Rege, ad majores translatò Maximiliano, imperium amiciebat, Sleid. lib. 7. Sed non ambitione aut quovis privato commodo ductus, verum communi bono Reipubl. Christianz, vld. act. Mandatorium Principum & Prælatorum Hispaniz pro Legatis ad conventum Electoralem missis ad petendum Imperium suo Regi ap. Goldast. Politic. Imperial. part. 1. disc. 6. Nec quicquam statutum de Jure Patronatus nos movere debet. Neque enim adeò nos alligatos putamus Juri Pontificio, ut ideò à statutis Caroli vel ad latum unguem decedere necessum habeamus.

TH. XV.

Electus hunc in modum Imperator, peractà statim electione dignitatem Imperatoriam & summam potestatem consequitur: Imperii Jura & bona administrat, universis & singulis Electoribus omnia ipsorum privilegia Jura, libertates, concessionem, antiquas consuetudines, & quicquid ipsi ab Imperio usque in diem electionis suæ obtinuerunt & possederunt, absque dilatione & contradictione confirmare debet, ipsisque præmissa innovare, postquam Imperialibus fuerit infulis coronatus. §. & quia d. l. 2. quæ adjuncta electionis censentur, sunt coronatio, acclamatio, conviviorum publicorum celebratio, alizque solennitates, quæ cum A. B. exhibentur, tum etiam aliis Imperatorum electionibus observantur. Habueramus in animò adicere, quænam origo sit Hildebrandinz pestis, arrogati scil. Pontificum in Imperatores juris, & quam potius tempore Caroli M. itemque tempore Ottonis I. Imperatoribus in Pontifices competierit potestas, adjunctis simul Capitulationibus Caroli V. quibus Imperator non ita pridem fuerit adstrictus. Sed cum paginæ nimium excrescerent, peculiari discursui materiam hanc altiori indagine dignam reservare volumus.

SOLI DEO GLORIA.

1. The first part of the paper is devoted to a general discussion of the problem of the existence of a solution of the system of equations (1) for a given set of initial conditions. It is shown that the system of equations (1) has a unique solution for a given set of initial conditions if the functions $f_i(x, y, z, t)$ are continuous and satisfy the Lipschitz condition.

32447

SECRET
RQMA
TERO ENAMITE

ALZ013 030 1202